



1350_a
~~1296~~




Ex dono
R. D. Stephani Pawlicki

138271 138272









MATTHIÆ CASIMIRI
SARBIEVII
LYRICORVM
LIBRI V.

EPODON LIBER VNVS;
ALTERQVE

EPIGRAMMATVM,
CVM EPICITHARISMATE.

*Nunc primum in Galliâ editi, integrè, nitidè &
emendatè iuxta Exemplar Antuerpiense.*



DIVIONE;

Apud PETRVM PALLIOT Typographum Regis
& Episc. Ling. Bibliopolam & Calcogra-
phum, sub signo Reginae Pacis, ante
Cameram Rationum Regiarum.


M. DC. XLVII.

Z. ARCH. X. WDY.
K. J. CZABOJEYSKIEGO

MATTHEW CASIMIR
I I I I I I I I I I
I I I I I I I I I I
I I I I I I I I I I
I I I I I I I I I I
I I I I I I I I I I

138241 I





A MONSIEVR

Mr. FEVRET

ADVOCAT AV

PARLEMENT DE

BOVRGONGNE,

INTENDANT DES AFFAIRES

DE MONSEIGNEVR


LE PRINCE,

ET CONSEIL DES TROIS ESTATS


DE LA PROVINCE.

M O N S I E V R ,

*L'accuëil que ces vers
Lyriques & Epigrammes ont eu és
pays estrangers ou ils ont esté veus, me*



donné occasion de les faire voir à la
 France, sous vostre nom, sur la croy-
 ance que j'ay eu que leur Autheur
 tireroit aduantage, de le voir à leur
 frontispice, pour leur donner autant
 de lustre, que vostre Vertu, Doctrine
 & Eloquence ont acquis de reputation
 & de renommée, aux actions publi-
 ques & au Palais où elles ont paru,
 & paroissent encor iournellement par
 les sages aduis que reçoit cette Pro-
 uince, dont vous estes Conseil, &
 & que reçoivent les Peuples qui y re-
 sident, accourans à vous de toutes
 parts, suivis de ceux des autres Pro-
 uinces qui viennent demander In-
 justice en cet Auguste Parlement. Le
 choix que Monseigneur le Prince, à
 fait de vous en l'intendance de ses
 affaires dans ce Gouvernement, con-
 firme cette vérité, connue de toute la




Nation Françoisse. Et moy qui par vostre bonté en ay ressenty les effects en tant d'occasions, m'oblige en ce ren-contre (scachant mon impuissance à reconnoistre dignement tant de fa-veurs & bien-vueillances que vous exercés continuellement en mon en-droit) de me servir de ma Presse pour vous les presenter en ce petit volume, que ie vous prie d'agreer & le rece-voir pour tesmoignage du desir que j'ay de porter eternellement la qua-lité.

MONSIEVR,

De vostre tres-obligé, &
tres-obeissant seruiteur


PALLIOT.



L'IMPRIMEVR

AV LECTEUR.

A My Lecteur, Je ne fais point de doute que vous ne trouuiés estrange de voir au frontispice de ces Vers latins vne Epistre françoise : Je vous prie de receuoir pour excuse, que ne sachant autre langue que ma naturelle, ie n'ay pû exprimer mes ressentimens, & obligations que j'ay à celuy à qui ie les dedie, que par celle que j'ay appris avec le lait.



MATTHIÆ CASIMIRI
SARBIÆ VII

SOCIETATIS IESV

LYRICORVM

LIBER PRIMVS.

AD VRBANVM VIII.

Pont. Opt. Max.

ODE I.

*Cum infesta Thracum copia Pannoniâ
excessissent.*

IAM minæ sæui cecidère belli :
Iam profanatis malè pulsa terris
Et Salus, & Pax niueis reuisit
Oppida bigis:
Iam Fides & Fas, & amœna præter-
Faustitas læto volat arua curru:
Iam fluunt passim pretiosa largis
Secula riuus.
Candidi soles veterisque venæ
Fontibus nati reuocantur Anni :
Grandinat gemmis, riguoque cœlum
Depluit auro.
Meque veraci cecinisse plectro

Inter Octobreis , tua festa , pompas ,
 Prisca Saturni redijſſe ſecula ,
 Approbat orbis.

Aurei patrum niueique mores ,
 Exul & ſerâ procûl vſque Thule
 Candor, & pulchro remeare Virtus
 Audet Olympo.

Lactis, & fuſi per aprica mellis
 Garruli campos ſecuêre riui :
 Et ſuperfuſo tumuêre plenæ
 Nectare ripæ.

Lætior vulgò ſeges inquietis
 Fluctuat culmis , titubantque frugum
 Vberes campi, nec auara ſulcis
 Inuidet æſtas.

Pastor errantibus comitatus hædos
 Prouocat raucas calamo cicadas :
 Mugiant colles, & anhela feſſis
 Sylua iuuentis.

Pace ſubſultant iuga, pace rident
 Terricæ rupes : leue ſeperatos
 Otium colleis amat, & ſequeſtri
 Gaudia pagi.

Te Ceres flauis redimita culmis,
 Magne pacati moderator orbis,
 Te ſuis Æſtas opulenta circum-
 fundit ariſtis.

Supplici myrtus tibi ſeruit vmbra
 Seruiunt lauri: tibi celfa longè

LIBER I.

2

Quercus assurgit, tremuloque pinus
Vertice nutat.

Siderum præses, dominusque terræ
Lucidâ Romam speculatus arce
Regna tranquillet, cupidoque Patrem
Te velit orbi.

Laurus annosum tibi signet ævum :
Fata te norint, properentque Parcae
Nescium carpi tibi destinatos
Stamen in annos.

Quæque formosos sedet inter igneis,
Sedulam pro te miserata Romam
Virgo, quam circum glomerantur albis
Astra choreis,

Curet effusas Latij querelas,
Virginum castas iuuenumque voces
Curet, & votis procerum reclinem
Accommodet aurem.

AD AVRELIVM LYCV M.

*Ne plus aequo de adversâ fortunâ
queratur.*

ODE II.

INDIGNAS, LYCE, nœnias
Et mœstum gemitu pectus, & hispidis
Frontem nubibus expedi,

Cum Sol non solito lumine riserit,

AS

Et fortuna volubilis

Fati difficilem iecerit aleam,

» Quod vexant hodie Noti ,

» Cras lambent hilares æquor Etesia.

» Mœstum Sol hodie caput

» Cras lætum roseo promet ab æquore.

» Alterno redeunt choro

» Risus, & Gemitus, & madidis propè

» Sicci cum Lachrymis Ioci.

» Nascuntur medijs Gaudia Luctibus.

» Sic fatis placitum, suis

» Tempestiua fluunt fata periculis:

Fessos duxit heri boues ,

Dat magnis hodie iura Quiritibus :

Et quæ bobus ademerat ,

Imponit Gabijs & Curibus iuga.

Idem Phosphorus aspicit

Magnum, quem tenuem viderat Hesperus,

Quod si seria ludicris

Fortunæ placeat texere : rusticus

Hesternam repetet casam ,

Ridentis populi non humilis iocus :

Et quæ rexerat omnia ,

Findet laurigeris ligna securibus.

Quod si defuerit salix ,

Fasces pauperibus subijciat focis.

AD URBANVM VIII.

Pont. Opt. Max.

ODE III.

VRBANE Regum maxime, maxime
VRBANE vatum, Pegaseus tibi
Temo, volaturusque latè
Regna super populósque currus
Iam dudum apud me est, eripe te solo,
Obliviosis eripe nubibus
Nomenque laudésque. O Deorum
Consilio, patrióque quondam
Promisse cœlo! te super inclyta
Terrarum & altas Acroceraunia
Egressa nubes, te superni
Colla super, humerosque Pindi
Attollere altè, non sine numine,
Luctabor, ibis sub pedibus pigras
Urbes relicturusque gentes,
Attonitæ nouus hospes auræ,
Hâc vnde vasti littora Nerei,
Amnésque campósque & iuga desuper
Arcésque mirari, & natantes,
Occano numerare terras
Coràm licebit, iam tibi barbarus

Circùm supinis collibus annuit
 Æmus, salutatâque longè
 Attremittit Acrocorinthus aulâ.
 Ter pronus Othrys, ter trepidæ latus
 Subsedit Ossa, ter Rhodope niues
 Sacrasûe submisere lauros
 Æmathij capita alta Pindi,
 Sacerque Phæbo Cynthus, & auxiliæ
 Acuta Cyrrhæ, laurigeris tibi
 Thyrsis coronatus Citheron,
 Et patulâ nemorosa pinu
 Pangæa gaudent brachia frondium
 Longè retendisse, & procul obuios
 Currus adorare, & volanti.
 Ardua supposuisse terga.
 Hinc ire pompas, hinc tibi præpetes
 Centum superbis ire curulibus
 VRBANÆ Musas, atque aperto
 Ire fines tua facta cœlo.
 Anditis ? an me ludit amabilis
 Imago pompæ ? iam videor pios
 Audire plausus, & frementes
 Cæruleum per inane turmas ?
 Hinc & repenti vectus ab Africo
 Apum sonoro exercitus agmine
 Leni ter VRBANVM susurro,
 Ter resonis freuere pennis.
 Ter vecta terris ac pelago super
 Respondit Echo, ter lituis procul

Sparsæ ter VRBANVM Camœna
 Pindaricis cecinêre pleâtris,
 Auduit ingens pontus, & insulas
 Erexit omnes: ilicet Africæ
 Plausere & Europes, & vnâ
 Americas, Asiæque regna.
 Lætæque tandem, currite secula,
 Dixere Musæ, currite candidis
 Horæ quadrigis: ire, magni
 Secula deperate Menses,
 Dixere Musæ: protinus aurea
 Rifere longum secula, secula
 Auro laborata, & recuso
 In pretium emicuere vultu.

AD CRISPVM LÆVINIVM.

Ne nimium adolescentiâ fidat.

ODE III.

Vive iucundæ metuens iuuentæ
 , CRISPE LÆVINI: fugiunt auaræ
 , Mensium Lunæ, nimiumque volui
 Lubricus æther.

Tu licet multo pretiosus auro
 Gemmeâ vestem moderere zonâ:
 Et super collo Tyrias amicer
 Fibula lanæ.

14 LYRICORVM.

Iure Phænissis vaga penna cristis

Stare labenti dubitat galero :

Iure, quo fulges timidum refigi

Palluit aurum.

, Quod tibi largâ dedit hora dextrâ,

, Hora furaci rapier sinistrâ :

, More fallentis tenerum iocosæ

Matris alumnum.

, Mobiles rerum dubijque casus

, Regna mortalis tenuere vitæ :

, Sedulus metæ, properat fugacis

Impetus æui.

, Tardiùs ponto volat Adriano,

, Quam ratem merfi pepulere remi,

, Et repentinis animosa trudent

Carbasa ventis.

, Omnibus mundi dominator Horis

, Aprat vrgendas per inane pennas :

, Pars adhuc nido later, & futuros

Crescit in annos.

LAVDES VRBANI VIII.

Pont. Opt. Max.

O D E V.

NVper preceptâ bella super Tyro ,
Pugnasque serùm ludere dittuli
VRBANE, nunc iurata lenem

Increpuit tibi Musa buxum.
Per te refictō ferro adamantinum
Offulsit auro seculum, & vndique
Gazis coronatumque gemmis,
Purpureo reuirescit æuo.
Quo fœta quondam nectare flumina,
Vltroque septem balsama collibus
Manare, vinoûe & liquenti
Melle vagos properare riuos,
Et spontè sero vespere turgidas
Ad septa narrant lanigerum pecus
Mammas reportare, & comatum
Assyrio graue vellus auro.
Te Fas, Piumque, & Iustitiæ comes
Vtunque sacrum latus agis pedem
Candor coronat, Te fidelis
Propositi studiosa Virtus.
Te pone flauo larga Ceres sinu,
Rerumque plenis non sine cornibus
Felix Amalthee citatis
Rura subit populósque bigis,
At Vis, & ater Luctus, & æneis
Stripata centum Bella furoribus,
Curæque, pallentésque Morbi, &
Fœda modis simulacra miris
Cessêie retrò, te duce Faustitas
Secura frugum rura perambulat,
Turæque per vasti tumultus
Carpathij volitant carinæ:

Te feriati cum pueris senes ,
 Nec non reclusæ cum nuribus canunt
 Regem puellæ : siue reddit ,
 Siue citum rapit hora solem ,
 At nos recuruo poplite per vias
 Patrem colentes, ter niueum tibi
 Nimbum ligustri, ter rosarum
 Puniceum iaciemus imbrem.

AD PRINCIPES EVROPÆ

*De recuperando Orientis
 Imperio.*

ODE VI.

Nondum minaci cornua Bosphoro
 Decussit audax Pontus, & efferis
 Servire Neptunus Gelonis
 Turpè gemit, resonasque fluctus
 Plangente ripas Thraca rebellibus
 Immugit undis : Æmathiam pudet
 Franos momordisse, & Pelasgos
 Odrysij dare colla loris.
 Mœrent tenaci compede Cyclades
 Pigrae moveri ; mœret Achaïca
 Tethys , inæqualesque Locri
 Perpetuo lachrymantur Hebro.
 Semperne nigras Æthiopum domos,
 Vel, quæ superbus præfuit oppida

Gangēs, Abydenasque turreis
 Supplicibus tremuisse pinnis
 Formidolosam iuuerit Artacen ?
 Seseque captum Phosphorus omnibus
 Vndis, Erythreóque, & alto
 Ionio, Arabiόque ploret !
 , Vani futuri temporis augures
 , Fœcunda rerum secula discimus :
 , Si non retractamus fideli
 , Tela manu, tacitoque gaudet
 , Vagina ferro ; si clypei vacant ,
 , Hastæque, & arcus, non animi placent
 , Parcī laborum, non magistræ
 , Consilij, sine Marte, linguæ.
 Frustrā Nouembreis dicimus ad focos
 Pugnata Rhætis bella sub Alpibus :
 Frustrā renarramus Gelonum
 Versa retrò rerulisse signa.
 Si non & ipsi stringere Noricos
 Audemus enses, quos malè barbara
 Non decolorauère terga ,
 Sed Tyrio Laticale fuco
 Illeuit aurum, non sine gemmeo
 Circum sonantis fulgere balthei, &
 Grato catenarum tumultu ,
 Et sonitu phalerarum acuto ,
 , Formosa fortes arma timent viros .
 , Frangique nolent, seu profugus Scythes
 Seu creber è campis agetur

Myrmidonum, Dolopumque nimbus.
 , Quicumque furas & caput induet
 , Auro, Quirites; exuet Italum,
 , Cuiusque Romanus negari
 , Impauido patietur hosti.
 Nec qui capillum finger, & aureum
 Solem refusus crinibus allinet,
 Dicemus Vmbrum, qui frementeis
 Antiochi, Annibalisque turmas
 Rursum efficaci diruat imperu,
 Alpesque, clausumque intrepidâ manu
 , Perrumpat orbem. Sic citatis
 , Secula degenerare metis
 , Sancit futuri temporis arbiter:
 , Certoque prudens ordine segreges
 , Metatur annos. Nunc seueris
 , Artibus, ingenioque pugnax
 , Affulget ætas, nunc melior foro
 , Gestit disertis feruere iurgiis,
 , Hæc Thracas, audacemque Bessum,
 , Hæc Cilicas, pauidosque Seras
 Produxit ætas. Nos senio piger
 Effudit Orbis, dedecus vltimum
 Mundi, fatiscentisque naturæ-
 -Opprobrium. Malè nata proles,
 Quicquid bonorum restitit (heu nefas!)
 Morum, scelestâ deterimus notâ,
 Mentisque & excelsi latrones
 Ingenij, violenta fraudum

Tormenta, sanctis addere dotibus
Laudamur vltro: nec scelerum pudet:

Virtusque clamatur sagacem

Flagitio violare dextram.

Iras & enses vendimus, & manum,

Hæc, vnde nummis aura, refulserit:

Sparisque tinnitus ad auri

Sollicitâ vacat aure vulgus:

Et quâ secundis iecit honoribus

Benè ominatam mobilis aleam

Fortuna, mentitur caducæ

Plebis honos, positoque fallax

Accumbit omnis poplite ciuitas,

Periura festo surgere cum ioco,

Cùm pompa stipantùm, & dolosi

Præteriit breue fulgur auri.

AD TELEPHVM LYCV M.

*Fortuna, rerumque humanarum
inconstantiam accusat.*

ODE VII.

Heu, TELEPHE, ludimur:

Fortunæ volucris ludimur impetu.

Æternum nihil est, cadet

Quod surgit: sed adhuc surget, & occidet

Ritu præcipitis pilæ,

- , Quæ cùm pulsa cauâ reicitur manu,
, Nunc lenes secat Africos,
, Nunc terræ refugis absilit ictibus.
, Vesper vespere truditur,
, Sed nunc deterior, nunc melior subit.
, Anni nubibus insident,
, Incertis equitant Lustra Fauoniis,
, Cæco Secula turbine.
, Hæc, quam Pieriâ decipimus lyrâ,
, Iuncto fulminis effedo,
, Eheu, quàm celeres Hora quatit Notos,
, Nec gratæ strepitum lyræ,
, Nec curat miseræ carmina tibiæ:
, Et quanquam canitur leuis
, Sese tota suis laudibus inuidet.
, Magnas intereâ rapit
, Vibesque, & populos, & miserabili
, Reges subruit imperu:
, Et sceptri decus, & regna cadentium
, Permiscet cineri Ducum,
, Auratasque trabes, & penetralia
, Et Ciues simul, & super-
, Euerfis sepelit turribus oppida:
, Ac mundi procùl arduas
, Stragesq; & cumulos, ac procerum pyras
, Festâ nube superuolat,
, Stellarumque rotam, & longa breuissimo
, Cursu secula corripit.
, Dum nobis taciti diffugiunt Dies

Eheu, TELEPHE, ludimur,
 Fatorum rapidâ ludimur orbitâ.
 An nos fallimur? an suam
 Rerum pulcher habet vultus imaginem,
 Et sunt quæ LYCE, cernimus?
 An peccant fatuis lumina palpebris,
 Et mendax oculi vitrum?
 An longi trahitur fabula somnij?

Seculi nostri socordiam persequitur.

ODE VIII.

A Ut nos auaræ vendidimus Tyro,
 Aut vsque Thulen misimus exules
 Cultus auorum, non honoris
 Præcipiti libet ire cliuo:
 Non scepra Pyrrhi, non Agamemnonis
 Letho pacisci: non Alyattici
 Veiente permutare saxo
 Vber, Achæmeniûmque Tigrim.
 Nescit seuero liuida brachia
 Signare ferro, nescit idoneis
 Tyro reluctantem lupatis
 Frangere equum, metuitq; toruum
 Tranare Tybrim, cùm niuib; satur
 Exæltuanti fræna licentiæ
 Permisit, emouirque ripam
 Assilux metuendus Vrbi:

Quod si procacem fregit equus gradum,
Micatque nervis & genibus tremit:

At non Lupercales ijsdem

Nescius assimulare saltus,

Et cum peritum sinistra citant pedem,

Doctus choreæ. Frangite barbita,

Nervosque, dementemque buxum

Fœmineo prohibete cantu.

Auditis? Istri littora personat

Ferale cornu, iam capita Alpium

Magnæque respondere montes

Ausoniæ, novat arma Mauors,

Urbeisque rectis elicit, ibimus?

An nos Caleno mensa tenet mero,

Cænæque regnorum redemptæ

Diuitiis, populique censu?

Quas cum recedens viderit Hesperus,

Surgens easdem Phosphorus aspicit,

Et ridet aspecto renidens

Luna mero, radiósque tingit,

Dum nos Lyæo regificis super

Descripta mensis prælia pingimus,

Fusóque metamur Falerno

Mœnia, diluimúsque fossas,

Surgamus. Indo lutea Nereo

Sublucet Eos: iam radiantium

Flatus quadrigarum, & citata

Oceanum populère plantæ.

Surgamus, omnes prima vocat dico,

Et Phœbus : at non noster ab Indiis
 Phœbus, Quirites, nec Latino
 Orta dies famulatur orbi,
 Totumque diris manè Othomanidis
 Impendit æther, prô pudor ! Occidens
 Nobis, fatigatusque tantum
 Hesperium propè Phœbus axem
 Turpi Latinis vespere seruiet ?
 Surgamus : Oetam Gadibus, & Paron
 Addamus, Auroramque nocti, &
 Bactra Tago, Tiberique Gangem:

AD NICOLAVM VEIERVM.

*Palatini Culmenfis
 Filium.*

ODE IX.

I Bis belligeræ regna Poloniæ,
 Et gratæ repetes limina Patriæ:
 Quæ te voce diu, quæ præce flagitat
 Passis obuia brachiis.
 Ceu quem veliuolis præpes Etesis
 Nanis diuitibus distinet insulis
 Dilectum iuuenem, quem modò barbara
 Auri corripuit fames,
 Mater sollicito spectat ab æquore,

Et lentum pelagi damnat Oriona,
Et ventos gemitu duplicat, & pigro

Affundit lachrymas mari:

Si fors edomito fletibus Æolo
Indo sole niger filius aduolet,
Et longi memores exilii notas

Caris deleat osculis.

At tu nec studio mercis idoneus,
Infamisque lucri, nec sitiens opum,
Quas septemgeminis prodigus ostiis

Aut Ganges vomit, aut Tagus,

Inuises patrium limen, amantior
Insignes animi quærere copias,
Et vi consilij promptus, & vberem
Venâ diuitis ingenî.

Te rerum sapiens vsus, & imperi,
Te felix operum spiritus addecet,
Et vox se populo fundere largior
Plenæ flumine copiar.

,Fortunæ volucrem mitte licentiam:
,Hoc appone lucro, quod tuleris simul
,Quò te cunque feres: seu per inhospita
Rauci littora Bosphori,

Et captum niueâ compede Nereum:
Seu pacis dubios Thracas & asperum
Persen, seu refugum visere Concanum

Legatus properaueris:

,Virtutem solidi pectoris hospitam
,Idem portat equus, qui dominum, neque

Al

, Aut campo melior ponè perambulat,
 Aut mensæ comes assidet.
 , Illam cana Fides, nudaque Veritas,
 , Et ferrugineæ plebe Pecuniæ
 , Circumfusus Honor, & sequitur propè
 Albis fama iugalibus.

LAUDES VRBANI VIII.

PONTIF. OPT. MAX..

ODE X.

Non solus olim præpes Horatius
 Ibit biformis per liquidum ætheræ
 Vates: olorinisque latè
 Cantibus, Æoliouè terras
 Temnet volatu, me quoque desides
 Tranare nimbos, me Zephyris super
 Impunè pendere, & sereno
 Calliope dedit ire celo,
 Et quâ licebit nubibus & sacrum
 Vulgare cœlo carmen, eburneam
 Lyramque suspendens, tubamque
 Colla super, niueisque læues
 Plumis lacertos, me nec inhospita
 Sistent oborti littora Nerei,
 Rupèsue inaccessæ ferarum, aut
 Verticibus scopulorum acutis
 Armata Tethys, me iuga Caucaſi,

Me canus Athlas, me mare barbarum,
Latèque delectis vterque
Audiet Oceanus procellis.
Vt se quieto cuncta silentio
Strauère latè? Pieriæ simul
Fontes Amymonæ, & canoris
In numerum cecidère lymphis
Doctum fluentis murmura Penei,
Sacroque Nisæ è vertice tympana,
Lyraque buxique, & remista
Cum lituis, citharisque plectra
Fregère nubes. Hinc tibi Gloria
Latè per orbem differet aureum
VRBANE, nomen : quà corusco
Concutitur Iouis aula curru,
Septemque sese sideribus pigrum
Euoluit æuum, protinus vltimis
Afris, coronatisque Serum
Mœnibus, Oceanoque rubro
Noscere magnus, iam tibi tinnulus
Fert sinistra Nilus, iam Berceynthia
Curètes æra, iam frementes
Rauca crepant Corybantes arma.
Te Romulæis Maurus & Æthiops
Affusus aris : te tepidi canunt
Deuexa mundi, te remoræ
Littora personuère Chrysæ;
Magnusque latè diceris arbiter
Cœlumq; terrasq; , & Maria, & Styga,

Amnemque Cocyti seuerum, &
Elyfiam cohibere Lethen.
Tibi (benignæ si qua fides spei)
Sternentur olim magnanimæ ad pedes
Gentesque Regesque, ô caduci
Præsidium, columénque mundi,
Iam nunc labantis pondera seculi, &
Depræliantùm funera Principum,
Pronasque Regnorum ruinas
Consilioque humerisque siste.
Tardum sereni partibus ætheris
Te Sidus addas; nec properes citus
Mensis reclinari, & fauentùm
Ambrosiæ accubuisse Diuùm.
Serò receptum Roma fleat patrem,
Tuisque longùm viuere moribus
Possint Quirites, possit ingens
Curia, purpureique Patres:
Diuque gaudens, & cupidus tibi
Incumbat orbis: certus ames Remi
Vrbemque, prolemque, ac merenti
Quamquam auidus tibi debet æther,
Reposce Diuos præmia lentior,
Paullumque differ sidera, dum Tagum,
Dum Bætin, vndantemque bello
Eridanum, Ligerimque places:
Dum fracta septem cornua montibus
Submittat Hebrus, dum tibi Thessalum
Ducat catenatus Tyrannum in

Perniciem, opprobriumque fastus.
 Iam tum tropæis & senio grauem
 Aurata stellarum ad Capitolia
 Longis reuertentem triumphis
 Signiferæ vebat axis aulæ.
 Quò Musa vatem, non memor Icarì,
 Tollis ralapsum? his potiùs grauem
 Depone ripis, & dolosas
 Deme humeris, digitisque plumas.
 Tybrimque propter ducere languidos
 Permite somnos, & super ilice
 Lynamque pendentemque buxum
 Ambiguis fluitare amis.

AD STEPHANVM PACIVM

*Equestris elegantia iactantiam
 reprehendit.*

ODE XI.

Non auro, neque tinnulis
 Pugnandum phaleris, & chlamidum sinu
 Et nodos, & inutiles
 Gemmas belligeris demite brachijs,
 Quid læuem galeam iuuat
 Plumarum volucrem ferre superbiam?
 Cur sparsas agit at iubas,
 Et conus tremulis annuit Africis?
 Cur tectum pauidam caput

Emontitur auem, cùm leue sibilis
Aurarum, & Zephyri ioco

Furtum Mygdoniæ proditur alitis?

Iam grando chalybum imminet,

Telorumque frequens aura volantium

Imbelli galeæ insonat.

Iam Martis tonitru mugit, & obuium

Medi fulgur acinacis.

Quid pro sunt phaleræ? quid galeæ iubar?

Quid lætæ Zephyris comæ?

Aut umbo clypei quòd procùl æmulis

Lucem solibus inuidet?

Quid vultus nimium sedulus adspici.

Quid pictus pharetræ timor?

, Aurum frenigerâ rejice dexterâ:

, Ferro res eget & manu,

, Et magnis animis: hæc tuleris tria,

, Dicam Geryoni parem,

, Quem nec populifer proruat Hercules,

, Nec cælo nimius Mimas.

, Nec durâ Idomeneus, aut Sthenelus manu.

, Bellis adsit idonea

, Incomptæ facies lege ferociæ,

, Quam fuci decor abstinens,

, Lasciuæque carens forma proteruiæ,

, Et ferri memores genæ,

, Hesternique notent vulnera prælij.

, Cristæ non facient virum,

, Non arguta suis colla corallijs,

- , Thoracas Pauor, & Metus
 , Dicuntur Sicularum fingere malleis.
 Et primi scopulis super
 Procudisse vagis scuta Cydoniis.
 , Nos stultum regimur caput,
 , Et letho tenues obijcimus moras.
 , At quos eruerit sibi
 , Directis oculos inuida spiculis
 , Mors affingere creditur,
 , Fatis mille loci, mille patent viæ:
 , Sed signat iaculis locum,
 , Qui vultum subitis dimouet ictibus.
 , Denotumque mori latus
 , Obiectu tremulæ protegit ægidis.
 , Nudos bella pauent viros.
 , Audentes animos ipsa volunt propè
 , Declinare pericula.
 Cum confanguineæ ferrea Græciæ
 Hector rumperet agmina,
 Toruis sæpè genis turbidus obuio
 Fati terruit imperus.
 , Quos fortuna timet, vitat, & acrium
 , Differt prælia mentium;
 , Et mors sæpè viris inuidet auream
 , Famæ pandere semitam:
 , Quòd si belligerâ cesseris orbitâ
 , Post te fata citaueris,
 , Ostendesque neci, quâ fugies, viam.

AD PRINCIPES ROMANI

IMPERII.

De recuperandis Gracie Provincijs.

O D E XII.

AT non supino semper in otio
 Perdemus ævum. Surgite Dardani
 Ciues, triumphatumque captis.
 Imperium reparate Graiis.
 Implete classeis, tendite carbasa,
 Inferte remos, ite volentibus
 Fatis Quirites: ite: ventis
 Vestra tument, animisque vela.
 Est, qui locantem bella pecuniam,
 Nouisque rebus postulet vtilem
 Neruum, quis erumpentis auri
 Fluxit ager potiore venâ
 Cuniculosi montibus Orici?
 , Ferro, Quirites, si lubet, abditum
 , Mercemur aurum, qui vibrati
 , Glandibus emeruisse plumbi
 , Gazas potentum sciuerit vrbium,
 , Hic magna paruo lucra parauerit
 , Sumptu, nec exponetur aurum,
 , Nec Tyriæ, Cypriæque merces,
 , Quas non eruentus Martis emat chalybs,

Seu per reluctantum agmina Bistonum.
Et per recedentes Gelonos
Vulnifico pluit aura nimbo:
Seu fulminatis diruta molibus
Castella densis bella tonitruis
Emoliuntur, cum caduco
Mœnia concutientur igni,
Capique versis turribus annuent
Arces, & omnis copia, & obice
Centum catenarum gementes
Diuitiæ, pedicisque ferri.
Iam penè gazis Bactra timent suis,
Iam diues Aule, iam Cythereiæ
Conchæ, Mycenæque census,
Et Tyros, & Genoessa flauo
Palescit auro, iam propè decolor
Albet superbis Creta corallijs.
Phœtieque, & interfusa Cypros,
Ditibus ingemuere ripis.
Est, quem comantum gratia montium,
Aut floridorum tangit amœnior
Vultus viretorum, vel vda
Mobilibus Cynosura riuus?
Nunc empta multo sanguine recreent
Tempe, vel acri Pelion, aut Samos
Asserta bello, vel virentis
Sylua Cragi, vel opaca leni
Pangæa quercu: nec viridem Gnidon,
Altamque Dymen spreuerit, aut retrò

Spissis coronatam salictis
Olenon, umbriferamque Tricen.
Non lympha Cydni non vitreus Meles,
Lenisue puro Lydius agmine,
Non mite crySTALLUM Lycormæ,
Non gelidis Arasinus vndis
Desiderantem non benè lubrico
Soletur amni, si modò bellicâ
E strage fumanteis capillos,
Et tepidus linat ora puluis.
Est qui supinâ certet amyctide
Obliviosum ducere Liberum?
Hunc Lesbos, hunc vinosa Crète,
Hunc Paphij rogar ora Cypri
Laxare ferrum, nec Rhodos abnuit,
Nec, non seueri strenua Cæcubi
Naxos: nec illaudata Thrachin,
Aut resides Amathuntis arces
Nolent cruentis ictibus asseri:
Aut qui propinquis æthera rupibus
Affectat Edon: aut maritus
Vitiferis Aracynthus vlmis.
Est cui supellex, & vigil ignibus
Risit caminus, cui pecorum placent
Armenta, cui latè reductus
Hinnit ager, fluuijque balant,
Cantu sonori blandiùs Orphei?
Illum iuuençis postulat hospita
Pleuros, Cleonæque colles.

Et pecorum studiosa Thræzen.
 Cæque valles, vel Calydoniæ
 Dumeta syluæ, vel redeuntibus
 Saltata Gortyne capellis,
 Cùm roseus tegit arua vesper.
 Si quis virenti limina marmore,
 Saxoque postes, & laquearia, &
 Fingat pauimentum: Caryston
 Et variam Salamina, iustis
 Reposcat armis, huic Phrygium propè
 Baccata longis Attica collibus
 Descendet in tectum, & videndæ
 Porticus adijcietur aulæ.

AD TARQVINIUM LAVINVM

ODE XIII.

, **N**on si sol semel occidit,
 , Non rubris iterùm surget ab Indijs.
 , Nec si quos celeris rotæ
 , Sors non exiguo proruit impetu,
 , Non lapsos iterùm leuet,
 , Arguto docilis ludere cum ioco.
 Ne spem proijce, TARQVINI:
 Cuius penè retrò lambere puluerem
 Et vestigia diceris,
 Cùm fortuna leuem verterit orbitam;
 Effusam super & luto

Fumantem poteris cernere purpuram.
Tunc & risibus abstine,

Nec turpi domino lumina paueris :
Neu calces nimium, memor
Fortunæ geminam sæpè iaci pilam.

AD IVLIANVM FLORVM.

*Curam Lyncei adolescentis illi.
commendat.*

ODE XIV.

N Vllus effrenæ rabiem iuuentæ
Æstus Æternæ superet camini :
Nulla conceptos iaculantis igneis
Ira Veseui,
Crescit infestis animosus ausis
Ardor, & primæ iuvenile vitæ
Robur aduersum sibi luctuosiss
Diffidet armis.

Sic vbi densis Aquilo procellis
Bella montanis meditatur Euris,
Et potens igni Notus, & sonorus
Imbribus Auster,
Hinc repentinos fruit aura monteis,
Inde bacchantum patiens procellarum
Ingemit litus, resonumque saxi
Tunditur æquor.

Feruet hinc, illinc inimica Tethys:
 Pacis incertus, dubiusque belli
 Fluctuat pontus, cui militares
 Instruat vndas.

Mollior læsi tamen ira ponti,
 Lenior motis Aquilo procellis,
 Puberum, Iuli, quatiente cæcas
 Turbine mentes.

Hic vbi pugnax equitauit Auster,
 Incitæ remis volitant carinæ,
 Quas leues auræ, facilisque veli
 Trudit Iapyx:

, Quæ semel certo metuendus arcu
 , Fixit, aut recti timor, aut cupido,
 , Rata pacatis agitata fidunt
 , Pectora curis.

, Fortius pignes iuuenum domando
 , Spiritum, quàm si iuga feriat
 , Induas tauris, vel equina Pæno
 , Frena leoni.

Iure florentes moderaris annos
 Lyncei: duris meritò luparis
 Corripis frenum spatijque parcum
 Flectis Ephebum.

AD EQVITES POLONOS

*Cum LADISLAUS Polonia Princeps,
fuso Osmano Turcarum Imperatore, vi-
ctorem exercitum in hyberna reduceret.*

ODE XV.

CRedetis ? cheu credite posteri
Fractos pudendo Bistonas impetu
Cessisse, & infaustis redemptam
Funeribus retulisse pacem :
Quis tunc recenteis Odrysijs timor
Affixit alas, cum refugas metu
Præ se Ladislaus phalangas
Fulmineis agitaret armis !
Quantus Gelonis, quantus erat feris
Sudor Corallis, cum propè decolor
Ister, verecundusque captâ
Bosphorus erubisset vndâ !
Cum versa Thracum parma trementibus
Fronderet hastis, cum celer Artacep,
Turreisque Byzantî probrosis
Concanus assonuisset armis.
An nos repensam sanguine gloriam
Frustrâ futuris émimus ? an suos
Exempla diffingent nepotem
In proavos, similemque patri
Gnatum reponent ? quatenus (heu pudor !)
Peior nefastis progenies auis

Succreuit, & damnosa pulchras
Secula diminuere vireis.
Vel nos auræ stemmata gloriæ,
Currusque, & enses, nuper & hosticis
Direpta delubris tropæa,
Æmoniamonumenta vgnæ,
Vramus igni, nèu pudeat sacros
Mentita vultus frangere marmora,
Non æra, fumosasque patrum
Effigies, memoresque laudum
Ceras, profundo mergere Vistulâ;
Vel, si supinæ rædet inertia,
Martemque, maiorumque pugnæ
Egregijs iterare factis
Iuremus, ô quem Gloria feruidis
Urbeisque terrasque & populos super
Euexit alis: ô caduei
Grande decus, columenque mundi,
Pridem Geloni sobria sanguinis
Rursum Polonis deripe postibus
Et tela, Princeps, & timenda
Edoniis refer arma signis.

*Temporum nostrorum ignaviam
reprehendit.*

ODE XVI.

Mercuri, nam te citharæ potentem
Viuido manes reparare cantu.

Furua Cocyti stupuère pressis
Stagna fluentis.

Tuque Lesbóos imitara nervos
Musa, Diræum modulare carmen,
Quo Palatini reuocetur Orco
Turba Quirini.

Ite pugnaces Priami nepotes,
Pulcher Anchisæ, Venerisque sanguis,
Ite, formosas Acherontis, ite,
Liquite ripas.

Quid iuuat nigras habitare valleis,
Ferreum letho simulante somnum?
Quid iuuat subter sepelire magnâ
Secula terrâ?

Te Mari torui reuocant Sicambri :
Te pharetrata Nomadum cateruæ,
Te Numantini metuende poscunt
Scipio campi.

Areis rursus fluitare turmis
Visa Carthago, peditumque nimbo,
Et Saguntinis, Siculisque bellum-
-affundere portis.

Surge: non audis strepitum, & sonorum
 Agmen, & tractas per humum catenas?
 Non vides, quantam nouus ecce surgit
 Pœnus in hastam?

Magna te poscunt Asiæ sepulchra
 Magne Pompei. Tibi Cæsar olim
 Thraces, & ferrum, manicasque, & igne, &
 Tela minantur.

Bactra iam motis tremuere castris
 Martio, nubes feriente cornu,
 Iam minæ tristes equitum, & frementum-
 -hinnitus equorum.

Surge: quâ dormis, quatit acer urnam
 Ungulâ Medus: potes hoc sepulchro
 Esse securè piger, aut honestos
 Carpere somnos?

Ite, felices iterate pugnâs,
 Ite Romani, iuuet arma notis
 Postibus demi, solitoque frontem-
 -assurgere cono.

, Bella nos pictis simulamus armis,
 , Splendidè fortes & inane pugna
 Nomen, & docti vacuum duellis
 Ludere Martem.

Fortium cingi galeis auorum
 (Prô pudor!) seri fugimus nepotes;
 Heu peregrinis onerasse fortes

Tempora gemmis?
 Parua non magnam manus implet hastam

Defluunt grandes humeris pharetræ :
Decidunt arcus, laterique iniquus
exprobrat ensis.

Prisca mutatæ pudet arma dextræ :
Patrius quondam malè laxus hæret
Filio thorax, nec auita norunt
Tela nepotem.

*Animi lenitate Principes maximè
commendari.*

ODE XVII.

, **N** On viui paries vitri,
, Crystallique fores, aut Marcoticis
, Aurum postibus illitum,
, Laudandam memori carmine Principem
, Clarabit, neque barbaras
, Decidet tumulo gloria laureas;
, Sed frons mitior aspici,
, Innubique nitens ore meridies,
, Et qui sospitat omnia
, Irati vacuus nube supercili.
, Primo gratior Hesperio
, Formosus roseâ vultus in Iride.
, Regum vultus imagine
, Regnorum legitur, pandite lumina, &
, Vultum pandite Principes :
, Iam vultum, & populi lumina vidimus.

, Irafci populum docet ,
 , Qui toruis nebulam nutibus addidit :
 , Idem supplicii piger
 , Maturis faciem risibus explicet,
 , Cædesque, & populi graues
 , Iras, & procerum prælia, & asperas
 , Regum contuderit minas.
 , Vulgus bella fremât: te nihil attinet
 , Fœdo turbida nubilo
 , Mutari pavidis ora coloribus ,
 Veris ianitor aureus ,
 Qui campis liquidi pascitur ætheris
 Stellatis Aries comis ,
 Picti rura poli frenat, & arbiter
 Mundi prata perambulat :
 Iræque, & placidi lenior imperi
 Vrsis præsidet , & lupis ,
 Demitque, & dominis cornibus annuit
 Toruis iura Leonibus ,
 Castigare vagos acer, & igneis
 Mundi cogere sepibus.
 Vultur degenerum parcior vnguium
 Albis parcit oloribus ;
 Compefcit volucrem Bellerophon equū,
 Nusquam monstra vagantia
 Chiron Æmoniâ figit arundine :
 Colludit geminis Leo , &
 Taurum supplicibus conciliat iubis
 Nusquam sidera mugiunt,

Aur latrat Procyon, aut Libyco duplex
Rugitu reboat polus.

Labuntur tacito summa silentio:

Tranquillæque tacent rotæ,

Dum currus vigilum voluitur ignium.

Tantum lanigeræ facis:

Balatu resonat mundus amabili,

Rixæque, & strepitu vacat,

Et se mundus amans, ipse sui propè

Viuis lucet amoribus:

Naturæque vterum, & parturientia

Zonâ sidera subligat:

Hanc flexis Aries cornibus inchoat,

Rerum nobile vinculum, &

Coniunx signiferi fibula balthei.

AD DIVAM ELISABETHAM

Dum inter Divos ab Urbano VIII.

PONT. OPT. MAX. referretur.

ODE XVIII.

Diva, deuexo dominata ponto,
Cuius vndosæ meminêre Gades,
Cui Tagus seruit, liquidoque rura
Præfluit auro.

Pauperes olim coluisse sedes
Lata, nunc magnas habitare stellas,
Inter & gyros, & euntis inter
Sidera mundi,

Dum tibi Mede pretiosa syluæ
 Damna, per Thuscas adolemus aras;
 Thureo Regem, populique celes
 Crimina fumo.

Ad cœlestem adspirat patriam.

ODE XIX.

V Rit me patriæ decor,
 Vrit conspicuis peruigil ignibus
 Stellati tholus ætheris;
 Et lunæ tenerum lumen, & aureis
 Fixæ lampades atrijs
 O noctis choreas, & teretem sequi
 Iuratae thyasum faces!
 O pulcher patriæ vultus, & ignei
 Dulcēs excubiæ poli!
 Cur me stelliferi luminis hospitem,
 Cur, heu! cur nimium diu
 Cœlo sepositum cernitis exsulem,
 Hic canum mihi cespitem,
 Hic albis tumulum sternite lilijs,
 Fulgentis pueri domus.
 Hic lethi pedicas exuor, & meo
 Secernor cineri cinis.
 Hic lenti spoliū penite corporis,
 Et quicquid superest mei.
 Immensum reliquus tollor in æthera.

*AD PRINCIPES ITALIÆ,
De recuperando Orientis Imperio.*

ODE XX.

P Vlchro, Quirites, puluere gaudeat
Impubis ætas, & strepitum, & minas
Iam nunc, & audaces tumultus
De tenero meditetur vngui :

Visoque primùm sanguine gestiat
Inter cadentum signa, neque eligat
Quo lassæ post pugnam, reclinet
Colla toro, solidisque somnum

Commendet armis, aut clypeo super
Effusus, aut se cespitis explicet
Per summa, non parcus iuuentæ,
Et decorum pretiosus emptor.

Hoc septus olim milite, Bistonum
Vallata saxo diruit oppida
Regnator Epiri, & timendus
Parrhasiæ moderator oræ.

Heu quantus armis, quantus adest equis,
Quantusque sudor depopulantibus
Pangæa Dacis, cùm refusi
Ferreæ diluies Gradiui

Tumultuosi turbine prælij
Concussit Æmum, cum Rhodopen propè,
Sacrisque Ladislaus armis
Attonitum patefecit Hebrun.

Et bellicosum Strymona vindice
Turbauit hastâ, qui calidas adhuc
Strages Gelonorum, & natantùm
Scuta virùm, galeasque voluit.
Magnum illa terris intulerat metum,
Præceps ahenas rumbere copias,
Taboque fumanteis, & igni
Ausa cohors operire campos.
Si non honesti lata periculi,
Bellique metas rumpere pertinax
Egisset armorum cupido
Non humiles iterare pugnas.
Manes auorum quis benè prosperis
Excuset armis? quæ manus impigrum
Lethi Musurmannum paternis
Immolet inferias sepulchris!
Quæ nunc (pudendum) illudere peruicax
Persultat armentum, & miserabiles
Delent peremptorum ruinas
Hinnulei, timidæque damæ:
Eheu cicatricum Hesperiam pudet,
Et mollis otî, & turpis inertiae.
Iræque, quæ procudit arma
Immeritis inimica regnis?
Quisquamne tandem (dicite posteri)
Ulturus Urbis nomen, & imperi
Affulget ensis, atque ab vllò
Scuta tholo, galeæque pendent?
An (quod vereri crediderim nefas)

Futurus ensis Dardanios adhuc
 Proscindit agros, aut Latina
 Arua merit, viridesque syluis
 Frondent sagittæ? non ego Romulam
 Damnabo pubem veridicus sacri
 Vates Gradiui, iam cruento
 Sparsa mari fluitare tela,
 Videre totis iam videor Thetin
 Pugnare remis, iam Latiaë procūl
 Turmæ, repercussâque circum
 Æra micant, galeæque lymphâ;
 Iam plana Triton personat æquora
 Clangente cornu: iam video novas
 Latè per Ægeum moueri
 Gycladas, Æmoniâque longè
 Inauspicato sidere lugubrem
 Mærere Lunam: iam profugæ retro-
 cedunt Tyrannorum phalanges,
 Penè metu glaciant Pontum.

AD VRBANVM VIII.

PONTIF. OPT. MAX.

ODE XXI.

P One surgentes super orbe curas,
 Magne pacati moderator orbis;
 Mitte Threissas calidâ phalangas
 Feruere rixâ.

Mugiant cano, sine, bella ponto,
 Cùm procellosos struit aura monteis,
 Cùm gemunt cautes, refugâque Calpe
 Vapulat vndâ.

Regna Rhæteis resonant triumphis,
 Rumor auratâ volitans quadrigâ
 Grata demittit benè feriat
 Omina terris.

Occidit iustæ reus hostis iræ,
 Hostis hybernæ dominator oræ,
 Quà coronatis sinuantur altæ
 Turribus Alpes.

Quà niuis latè, saturæq; flauent
 Imbrium valles: vbi mitigatus
 Sole vicinos iaculante monteis
 Liquitur humor.

Iræ captiuo patiens fluento
 Ister assertâ famulatur vndâ:
 Corripit fluctus, & vtroque Rhenus
 Margine seruit.

Te genu nixi didicere Medi:
 Laxat intentum tibi Maurus arcum;
 Te pauent Seres, humerisque Parthi
 Scuta reponunt.

Fingit effuso tibi nomen aura
 Indus argutâ resonante lymphâ:
 Te sonant septem vaga fabulosi
 Ostia Nili

V R B a-

URBANI VIII. Pont. Opt. Max.
POESIS

ODE XXII.

Q Vis temperatæ flumine copix
 Sirculosus influit auribus
 Facundus amnis, & sequacis
 Agmine luxuriatur undæ?
 Rursûmne toruum cantibus Æacum
 Delenit Orpheus, quo duce Thraciæ
 Aurita reptâvere saxa, &
 Æmonix saliêre rupes?
 An Dædalei pectinis arbiter
 Vates amicâ Pierias lyrâ
 Triumphat aureis, & disertos
 Eloquij reserauit amnes?
Q ualem pudicis Peneæ fontibus
 Admurmurantem Thessaliæ iuga
 Mirantur, aut præteruoluto
 Attonitus stupet Æmus Hebrø:
Q ualémve puris Parthenium vadis
 Dignantur alto muta silentio
 Pangæa, vel circumsonantem
 Castaliis Heliconæ ripis
 Parnassus audit, dum noua gaudia
 Iam iam futuri veris auentibus
 Enarrat agris, & virentem

Exilio remeare Maium.

O quis Latinæ fons opulentia
Exuberanti viuudus impetu
Bacchatur, & lymphata secum
Corda rapax, animosque voluit!

Qui nunc profundo voluitur alue
Sententiarum, nunc gracili fluit
Torrente linguæ, nunc apertis
Ingenij spatiaur aruis,

Suique latè pronus & insolens
Exire ripam, non tamen obuiâ
Captiuus algâ, nec tenaci
Ire piger per aprica limo:

Sed clarus auro fertur, & Atticis
Ludit smaragdis, non sine consono
Liquentis electri susurro, &
Murmure prætereuntis auri.

Non stagna Cirrhæ, non ego Phocidos
Desiderarim: te propè vitrea
VRBANE Dirce, te fluenta
Virginæ comitantur antri:

Olimque simplex collis & inuius,
Nunc hospitalis, te duce, Dardana
Parnassus immigrauit aulae,
Et Latij rediêre vates.

Magnusque tanto Pindarus æmulo
Minor, videri gaudet, & Apulæ
Miratur hæredem Camœnæ
Pegaseos vacuare fonteis:

Seu dithyrambo liber, inutilem
 Verbis catenam demis, & affluvis
 Impunè: seu rursus seuerò
 Verba placet cohibere nodo.
 Sed non profanæ gloria laureæ,
 Umbrata Graiis tempora frondibus
 Adcomit, at conchyliatâ
 Pulcher honor redimit coronâ,
 Et dedicatam purpura laureæ
 Furata frontem subruber: hæcenus
 Florete vates: iam Latino
 Vester honos adoleuit ostro

AD LEVINVM HIELIVM

Laboris commendatio.

ODE XXIII.

NAm quæ purpureis fumet honoribus
 Formoso melior de grege victima,
 Quàm cui solliciti vomeris aspero
 Vssit colla labor iugo?
 Condit regna labor. Fabricio benè
 Findenti patriis iugera sarculis
 Frondent in mediis sceptrâ noualibus,
 Pulchræ messis adoreæ.
 Rastrisque & rigidis parce ligonibus;
 Vncum, Lictor ait, reiice sarculum:
 Quæ seuit Cererem, Regna meter manus,
 Glebæ fraude, superbior.

Iam nunc emeritos solue iugo boues,
 Iam nunc nobilium colla Quiritium
 Æqui flecte memor, parcus & abstinens
 Romani pater Imperi.

Fortunæ memores nunc, age, victimas
 Iusto mitte Ioui. quæ modò mugit
 Sacris Pontificum digna securibus
 Aras illinet hostia.

Numquam puniceis hispida crinibus
 Martis belligerâ pendula fraxino
 Auri deciduis vestierat iubis
 Graium pellis Iasona.

Si non difficiles imperij boues
 Egisset dominâ vertere dexterâ
 Ferratis chalybum saucia dentibus
 Colchi littora Phasidis.

Quanquam fulmineo pectoris halitu
 Sorberent animosum agricolam boues,
 Et fumi fluium & noctis inhospita
 Circum nubila funderent.

Necquicquam viridum è semine dentium
 Bellator iaculis campos inhorruit,
 Et latè péperit castra virentibus
 Christatus galeis ager.

Quippe ad Thessalici fulgur acinacis,
 Natali immoriens occubuit metu
 Tempestas peditum, & densa micantium
 Hastarum interiit seges.

MATTHIÆ CASIMIRI
SARBIEVII
SOCIETATIS IESV
LYRICORVM
LIBER SECVNDVS.

Ad Ferdinandum II. Cæsarem Augustum.

ODE I.

*Cùm Thracum copia excessissent
è Pannonia finibus.*

Q Væ regna, vel quæ dissociabili
Secreta tellus æquore, quæ domus
Eurique, & Arctoi Bootæ
Cæsarei sonitum triumphæ
Nesciuit? O quæ Rumor eburneis
Genteisque, & vrbeis præuehitur rotis;
Audite Cæsar, te superbæ
Herculeas superasse laudes
Fleuêre Thebæ: te tumidus procul
Formidolosi laudibus Herculis
Plorauit Hebrus: te frementes
Arcadiæ genuêre valles,

Non vſitatæ monſtra proteruiæ
Strauiſſe latè. te Nemees iuga
Dignatur Alcides, & Argis,
Et domitâ tibi cedit Idâ.
Non ille quanquam colla minantium
Fumofque & igneis, contudit anguium,
Criſtaſque, & immaneis hiatus
Fulmineo tremefecit ictu :
Quanquam gelati marmora Nerei,
Surdiſque mutum littoribus mare
Emenſus : arcana refregit
Regna Stygis, pedicaſque captis .
Iniecit vmbriſ immiſerabilis
Prædator Orci : cùm ſpolio prius
Tauriſque, & infani Leonis
Mœnalias decoraffet ornos :
Non ille quanquam tranſtulit aureo
Scalpenda cælo prælia, quæ procùl
Eofque & Auroræ rubentis
Regna legant, mediisſque Vesper
Miretur aſtris : non tibi debiræ,
Auguſte. Cæſar , reddat adoreæ
Palmas , triumphalemque laurum, &
Populei diadema ferti,
Te pronus ambit flumine ſupplici
Rhenusſque & Albiſ. Te reſſuus ſonat
Tibiſcus, & latè receptâ
Danubius tibi ſeruit vndâ :
Te bellicoſus Thermodoonti

Regnator Hebri : te sibi destinat
 Peltatus Eurotas. & asper
 Argolicis Achelóus hastis :
 Te militaris mœnia Daciæ ,
 Te Cimber horret : te genibus minor
 Brennus, percussisque lætùm
 Vindelici crepuère parmis :
 Te belluosi littora Bosphori ,
 Multoque canum frigore Caspium ;
 Te Cydnus , & læuis Scamandri ,
 Tè refugi pauet vnda Xanthi.

AD PVBLIVM MEMMIVM.
Vita humana breuitatem benefactis
extendendam esse.

ODE II.

QUæ regit canas modò bruma valleis,
 , Sole vicinos iaculante monteis
 , Deteget rursum , tibi cùm niuosa
 , Bruma senectæ
 , In caput seris cecidit pruinis ,
 , Decidet nunquam , cita fugit Æstas ;
 , Fugit Autumnus , fugient propinqui
 , Tempora Veris :
 , At tibi frigus , capitique cani
 , Semper hærebunt, neque multa nardus ;
 , Nec parùm gratum repetita dement
 , Serta colorem,

Quancquam micantùm regia fiderum,
 Romæque, Lauretique fedes
 Dalmatico potior metallo :
 Quancquam niuofi ciuis Enipei
 Te non auaris ornet adoreis,
 Ditemque miretur superbis
 Heniochus radiare tectis :
 Et qui fupinis præcipitem rotis
 Solem recliues Americi vident :
 Et qui fub Eois renatum
 Suspiciunt remeare cunis.
 Videtis ? an me ludit amabilis
 Imago Diuæ ? iam videor pios
 Audire plaufus, & fonanteis
 Cæruleum per inane currus
 Trifteisque fumos, & nebulæ globum
 Latè ferenas rumpere copias.
 Auroque florenteis, & igni, &
 Miffilibus radiorum acutis :
 Spiffæque nimbum lucis, & igneas
 Flictu rotarum, feruere femitas,
 Ventosque, & obluçtata longo
 Nubila diffiluiſſe fulco, &
 Effuſa denſis agmina defuper
 Errare gyris, non fine fiderum
 Riſu, renidentisque cæli,
 Sole cauas iaculante nubeis.
 Auditis ? O quas prætereuntium
 Lyrasque, cantusque audio nubium ?

Io, triumphe: ter procellæ,
Ter liquidæ crepuere flammæ.

Io, triumphe: ter resonabilis
Respondit Echo: ter Samogitiæ
Saltus, supinatæque valles,
Et trepidæ sonuere syluæ.

O ergo nostris præses habebitur
Regina terris: ite, recentibus
Stipate donis, & precatu
Indigetem celebrate Diuam.

AD FERDINANDVM II.
Cæsarem Augustum.

ODE IV.

I Am minax Albis, domitusque latè
Rhenus assertâ famulatur vndâ:
Iam fluunt pronis tibi regna FERDI-
NANDE tributis.

Turma pugnaces populata Dacos
Hansit imbellem galeis Tibiscum;
Fessa bellorum, pavidumque telis
Sepi Istrum.

Ille terrarum fragor, ille magnæ
Fulmen Europæ, Scythici tremendus
Arbitex ponti, piger obsoletis
Abstinet armis.

Iam sacrae Leges, & amica Legum
Iura ciuiles cohibent tumultus,
Et Fides, & Fas, & aperta læto
Gratia vultu.

, Iura pacatis dominantur agris,
, Iura compescunt graue clasticorum
, Murmur, & currus, & hiulca rauci
, Fulmina belli:
, Pax ubi clausas moderatur vrbeis,
, Illa vittatis operatur aris:
, Illa vicinis pudet æmulari

Sidera templis.
Quaque pubenteis graditur per herbas:
Hinc, & hinc Diuam comitatus albo
Messium fluctu Cerealis vndat

Merges aristæ.
Longus herbofis spatiatur aruis
Ordo virtutum: niueæque iuncte
Faustitas Paci legit otiosis

Lilia campis.
Ite Rhæteis sociæ triumphis:
Ite, delectos religate flores:
Ite virtutes, iterate nexis

Serta trophæis.
Te Ceres flauis redimita culmis,
Magne pacati moderator orbis,
Te Iouis quereus, & Apollinaris
Vmbra corymbi.
Te volunt lauri, tibi se Latini

60 LYRICORVM

Arbor Alcidaë probat, & supinis
 Annuit ramis, & amicâ circum
 Tempora serpit,
 Quo velis crinem cohibere seroto
 Mitte cunctari: tibi colla circum
 Herculis ritu fluat vsitarâ
 Populus vmbra.

AD IVLIVM ROSAM.

Inuitat eum ad sacram Poësim in crepusculo
 D. VIRGINIS MATRIS
peruigilij decantandam.

ODE V.

Quid muti trahimus diu
 Segnes excubias? suggere postibus
 Dereptum, ROSA, barbiton.
 Nos arguta manu fila docebimus:
 Tu buxum digitis mone,
 Et mutis animam suffice tibiis.
 Nos cantabimus aureos
 Stellarum vigiles, sistere lubricam
 Mundi sollicitos fugam, &
 Palantum choreas ducere siderum.
 Tu rerum dominam canes,
 Et sparsam Zephyrorum arbitrio comam
 Nudis ludere brachiis,

Et nimbos volucrum fundere crinium:
Addes & teretes pedum
Suras non humilem lambere Cynthiam:
Et futas chlamydem faces,
Indutique rogam Solis amabili
Emirabêre fistulâ:
Donec virginis laudibus, & suis
Placarus refecet moras
Et currum madidis flectat ab Indijs.

AD D. VIRGINEM MATREM.

Cum illi disata navis in Indiam
solueret.

ODE VI.

Diva ventorum pelagisque præses,
Quæ laboranteis super alta naueis
Summoues faxis, vteroque Nerei
Eripis imo.
Sì tibi moti cadit ira ponti,
Cum Thetis molleis imitata somnos
Sternitur latè, bibulisque se re-
clinat arenis :
Mercium felix tua naus esto,
Quæ per undanteis tibi læta fluctus
Floribus remos, hilarique proram
Fronde coronat.

Illa seu primos aditura Seras;
 Siue longinquas Orientis oras :
 Proferet latè tua fabuloso
 Nomina mundo.

AD APOLLINEM.

*Magnificentiam Casariana liberalitatis
 ab illo cani oportere.*

ODE VII.

Q Vis litterati munera Cæsaris,
 Fusasque pronâ diuitias manu,
 Et recta, quæ pecuniarum
 Auriferis micuère nimbis;
 Laboriosi carminis arbiter
 Æternet ! O qui sacra biuertiis
 Delubra Parnassi, & canorum
 Imperiis Heliconæ frenas :
 Expergestis ad sonitum lyris,
 Vndantis auri flumina concine,
 Quæ fusa Ferdinandianis
 Per populos abiêre riuus.
 Non curiosis ille ligonibus
 Euisceratæ collibus Indiæ,
 Aut emedullato Liburnis
 Montibus insidiatur auro,
 Vsuque rerum, non opibus potens ;

Exuberantis flumina dexteræ
Per sacra Musarum refundit
Atria, Palladiosque posteis.
At non, vt olim fabula pauperes
Ditauit agros : dum pretio grauis
Aurique tempestate diues,
Nobilium pater vnionum
Ganges auaro gemmea septies
Tributa soluit Nereidum patri,
Ripasque miranteisque campos
Mygdoniæ lauit amne gaza.
Hinc illa magnæ regia Palladis,
Fastigiatis Pyramidum iugis,
Æqua leuabit inuidendum
Mole caput, famulumque Musæ
Prætexet Albim : quæ procul exsulcra
Phæbum seueræ saltibus Atticæ,
Cirrhæque, & vmbrosis reductum
Thessaliæ reuocabit antris.
Sic ille Gallus scilicet Hercules
Plebem sonantùm colligat aureo
Nexu catenarum, & reuinctâ
Attonitum trahit aure vulgus :
Dulcique rerum defluus agmine,
Ludit recusis in pretium sonis.
Aurumque, & in vulgum caducas
Flumineo ruit ore gemmas.

IN D. VIRGINEM MATREM

CARMEN SECVLARE.

Parodia ex Q. Horatio Flacco.

ODE VIII.

Reginam teneræ dicite Virgines
Visentem roseis astra iugalibus,
Dignatamque volantum
Currus flectere siderum.
Vos lætam citharis, & sonitu lyræ,
Quem vel Pierij verberet pectinis
Fingit saucius aër,
Vel motæ digito fides :
Vos Marsæ iuvenes carmine tibiar.
Aut rauci strepitu dicite tympani,
Pugnarumve loquaci
Nympham reddite classico.
Cæcos illa metus, & procerum graueis
Iras è miseræ limine patriæ
Vestris mora querelis
Ad Medos aget, & Getas.

DE SACRO SALOMONIS
EPITHALAMIO:

*Similis est dilectus meus caprea, hinnuloque
cernuorum.*

ODE IX.

Vitas sollicitæ me similis capræ,
Quam vel nimbiſoni ſibilus Africi,
Vel motum ſubitis murmur Ereſiſ
Vano corripit impetæ.

Nam ſeu prima motum bruma trementibus
Incuffit folijs, ſiue Dieſpiter
Elifit reſonis rela Ceraunijs:

Incertâ trepidat fugâ.

At qui non ego te quærere deſinam,
Clamatura retrò, Chriſte, Reuertere, &
Rurſus cum rapido fugeris impetu
Clamatura, Reuertere.

O ſeu te Libani terga virentia,
Seu formoſa rubræ culta Bethuliæ,
Seu pinguis Solymæ, ſiue procùl cauæ
Cingunt rura Capharniæ.

Tandem ſollicitæ pone modum fugæ.
Nam non effugies, te mihi ſedulis
Æther excubijs proder, & aureis
Proder Cynthia cornibus.

Te neglecta gèmund littora, te procùl.

Suspitas tacitis aura Fauonijs,
 Te noctis vigiles, te mihi viuidis
 Signant fidera nūtibus?

AD IOAN. STEPHANVM
 MENOCHIVM RECTOREM
 Collegij Romani SOCIET. IESV.

*Cum Libros de Principum institutione
 in lucem edidisset.*

O D E X.

Qualis vbi Phrygiâ Iouis atmiger educatus
 Audax hiulei fulminis satelles, (Idâ
 Vere nouo teneras Aquilonibus experitur alas,
 Terrasque nescit immemorque nidi.
 Magna patris relegit vestigia fulminumque late
 Circumtonanteis visit officinas,
 Euincitque Notos, & inertibus euenit pruinis,
 Cæloque tenfos nauigat per imbreis:
 Talis inassueto circumuagus ingeni volatû,
 Doctus paternæ strenuusque pennæ.
 Celsa super procerum pallatia, despiciasque terras
 Summasque rerum peruagaris arceis.
 Quaq; Pater dubijs populos super immoratus alis
 Leges superbis diuidit Tyrannis:
 Hâc neque consilij, neque degener ingeni securo

Æquis adurges nisibus volantem.
 Ille tamē dominas frenauerat Insubrum secureis,
 Forūmque gnauus rexerat Triumuir:
 Tererum exsortem tenuit domus innocentis otī
 Ausum rogatas exuisse curas.
 Nec te plebis honos, neque litibus intonata centū
 Verbosa raucis bella sub patronis.
 Nec plorata reis subsellia, nec triumphali
 Adiudicatum curiæ tribunal:
 Sed iucunda tenent obliuia diffuentis æui,
 Et vrbis expers, patriæque vita.
 Non tamen interea niueos sinis exsulare moreis
 Aulis potentū, curijsque regum
 Præceptisque Numas & Legibus anteis Lycurgos;
 Valeriōque vincis & Carones (cellis
 Dum prohibēs tumidum popularibus Ambitū præ-
 Regni verendos obsidere posteis:
 Nec pateris medijs adistere Cæsarum cateruis
 Cæcāsque Fraudeis, desidesque Luxus,
 Exsomniaisue Dolo, & dulcibus illitum venenis
 Aulæ nitorem, barbarūque Fastum.
 Quin etiā teneros virtutibus imbuis Quiriteis,
 Sacrumque cunis aduocas Honestum
 Ignotūque doces vagitibus alloqui Tonantem,
 Rudēque Diuis explicare palmam.
 Iamque nouos debet tibi Martia Roma Scipiones,
 Centūque Magnos, Maximōsque centum,
 Et Belgæ Carolos, & Lechica regna Casimirost;
 Nouosque Dacus debet Emericos,

Ferrea paciferum qui secula digerant in aurum,
 Mundique pronas fulciant ruinas.
 Et Tiberi Gangen, & Gadibus asserant Hydaspen,
 Et regna primo differant Eoo.
 Quorum spontè fluens sub fœdera militaris Ister,
 Rumpat tenaceis Bosphoro catenas.
 Quos neque fulmineâ de pectoris emouebit arce
 Inane regni purpuræque fulgur:
 Nec quæ dispositis toga luxuriosior lapillis
 Furto pudentis erubescit ostri:
 Nec solium, nec quæ manus imperiosiore sceptro
 Mœstæ minatur, annuitque plebi.
 Hæc adeò longi cùm perleget otij sequester
 Vrsinus, almi prima cura Phœbi:
 Tristibus ignotum te non sinet immorè tenebris:
 Sed te futuro consecrabit æuo
 Temporis egressum ludibria, turbinesq; rerum, &
 Caliginosi sæua iura lethi.

AD ANDREAM RVDOMINAM
 è SOCIET. IESV.

*Cùm Româ in Lusitaniam abiret in Indiam
 nauigaturus.*

ODE XI.

E Rgò minaci credulus Africo,
 Tumultuosi marmora Nerei,
 Pugnasque ventorum, & tyrannos

Æoliæ superabis aulæ?
Nec te marinæ torua licentiæ
Imago terret? nec timor æquoris
Enauigandus, nec proteruis
Ille frequens equitatus Euris?
Sed contumaceis Æoliæ minas,
Iramque ponti spernis, & obuios
Mundi furores irretortâ
Fronte subis similique vultu.
Quo feriantis mœnia Tusculi,
Aut otiosi iuger a Tiburis
Perambulaturus subibas
Egelidos Anienis amneis?
Hoc ore motæ dira proteruia
Subsidet vndæ iam video procul
Ad littus acclinata leni
Æquora decubuisse somno,
Et dormientis flamina Nerei
Spirare pacem, scinde tenacium
Moras rudentum: perge classem
Veliuolis animare ventis.
REGINA terrarum & pelagi potens
Formidolosos diriuet obices
Periculorum nec sinistris
Ire dabit tua fara velis.

LAVDES

Inuictissimi Potentissimique

SIGISMVNDI III.

Polonia Sueciaque Regis.

ODE XII.

Quam prono Rhodopen pede
Lustro? quæ vitrei litora Phasidis
Viuo præuehor impetu?

Audaceisq; Dahas, & facileis mori
Colchos, & rapidum Scythen,
Captiuumque gelu transilio Tyram?

O cani iuga Carpathi!

O formosa rubræ rura Druentia.

Quam fontes Hypanis lauant,

Quam lambunt gelidi flumina Vistulæ!

Quis me, quis, Moraquæ, precor

Quis me prespicuæ margine Vilæ

Sistat, quæ gelidum nemus

Ridet mobilium fletibus amnium?

O quæ sidera traijcis,

O quæ nubiuagâ Calliope polura

Præterlaberis orbitâs

Hic me siste precor, quæ Getico piger

Feruet sanguine Bosphorus,

Nymphæque domos, & caua barbaræ.

Plangit littora Tauricæ.

Hic dulci scopulos carmine colligam,

Hic Graiæ prece tibiar

Aram de medijs surgere rupibus

Suadebo, duce me retrò

Descendent resonis marmora collibus,

Et longè procul ordine,

Arrepent Parijs saxa laboribus :

Musæamque pati manum

Inscribique volent, & memores tui

SIGISMVNDE, ferent notas.

Sculpêris volucris præterere impetu

Thressæ cornua Cynthiæ.

Scalpemus gemini fulmina prælij,

Scalpemus refugum Getæ

Et captum niueis Nerea vinculis.

Huc & nocte bis & die

Lectarum venient agmina Virginum,

Et latè violis humum,

Aramque & folio Solis, & aureis

Pingent marmora lilijs

Nos & manè ter, & vespere ter. sacrâ

Circùm valle sedebimus.

Hic viuis dabimus cespitibus super

Verbenas, & elentia

Sacris thura facis, & rude sutili

Nectemus philyrâ caput.

Dicemus ter io: ter recinent io

Canæ littora Thraciæ:

Et victos iterum carmine Concanos ,
 Et plausus , & ouantia
 Permissis dabimus classica tympanis.

AD GERMANIAM.

Ciuili bello ardentem.

ODE XIII.

Quid iuuat densis glomerata turmis
 Bella ciuili tonuisse clade ?

Quid iuuat latè maduisse pingueis
 Sanguine campos ?

Tela Threissis potiora pugnīs ,

Tela Germani cohibete, tela :

Tela molitur noua peruiacem

Cæsar in hostem.

Parcus irarum, modicusque ferri

Lenis in ciues , sine cæde fusos

Thracas & victos sine clade Cæsar

Sternet Alanos.

Pone crudelis simulachra lethi ,

Deme loricas , pharetrasque Rhæte.

Mollibus flectit sua regna Ferdi-

nandus habenis.

Seruit extremi tibi potior Istri,

Cæsar irati moderator orbis :

Te reperiçusis agilis Sicamber

Concrepat armis :

Condito

Condito mitis, placidusque ferro
Orbis, ingentes senij ruinas
Firmat, & prono fugitiua ducit

Otia mundo.

Martis oblitus, calidaque rixa

Findit obliquo iuga vomer vnco:

Et minax olim, modò iustus agrum

Demerit ensis.

Cassis instratis relupina cristis,

Alitum vernis resonat querelis,

Fœta nidorum: sociant maritas

Scuta columbas.

Te vagum Solis comitata currum

Fama per latas spatiata terras,

Narret Eois, doceâtque seros

Nomen Iberos.

Audiet Dacos acuisse tela,

Tela Germanis inimica telis:

Audiet contos & iniqua pilis

Pila rotari,

At simul leni rapiente curru

Sparget infanti fera corda succo:

Demet & contos, & iniqua pilis

Pila recondet.

DIRÆ IN HERODEM.

O D E XIV.

DEuota sacrae progenies domus!
 Fatale monstrum! prodigialium
 Monstrum parentum! seu Libyssa
 Caucaeseis lea pauit antris,
 Seu te maligno fidere barbarus
 Getes maritâ tigride prodidit,
 Furoris hæredem paterni:
 Siue gregis populator Afri
 Nudum sub alto destituit iugo:
 Seu belluosis fluctibus exspuit
 Irata tempestas nocentem
 Alitibusque ferisque prædam:
 Tuo seueras pectore marmora
 Duxêre venas, marmora rupibus
 Decisa, quas Gerula cælebs
 Deucalio super arua iecit:
 Te sede primùm liuida regiâ
 Megæra fixit: Typhisphone dedit
 Sceptrum cruentandum, feræque
 Imposuit diadema fronti &
 Regale nuper cùm premeres ebur,
 Ad sedit altis fulta curulibus,
 Et per Palæstinos Tyrannis
 Explicuit sua signa campos.

M. Tremensque & atrum sanguineâ manu
 Telum coruscans, secum Odia, & Minas,
 Cædemque, & insanos Tumultus,
 Funeraque, & populorum iniquas
 Strages, & indignum excidium retrò
 Lactentis æui traxit, & inclyta
 Regnorum, inexhaustasque longis
 Cladibus euacuauit vrbeis.
 Illam & parentum dira gementium
 Lamenta, Questusque, & Gemitus retrò,
 Luctusque viciatim secuti, &
 Irriguis Lachrymæ cateruis.
 Quòd si caducis decidit amnibus
 Præfagus imber, quid pluuias sequi
 Cunctantur vltrices procellæ,
 Et volucrum strepitu quadrigarum.
 Incessus æther pigra tonitrua, &
 Immugientùm fulmina nubium
 Compescit, indulgentque metæ
 Aërijs vaga tela pennis?
 At nil trisculcis Acroceraunia
 Deiecta flammis, nil Rhodopes iugum;
 Quassæue peccauêre cautes
 Emathiæ, nisi fortè dirum
 Inominatis marmora partibus
 Fudêre monstrum: rumpite, rumpite
 Monteisque, sæcundasque Regum
 Fulmina præcipitate rupeis.
 Exspiret auras. Occidat, occidat

Funestus, execrabilis, efferus

Sector, crematuramque taxum

Ipse super, cumulūque regni:

Summum cadauer fumet, & aëra,

Cælūque diro liberet halitu,

Fatale monstrum, dissidentū

Ludibrium Furiarum, & Orci.

Perrumpē tractus impenetrabileis

Ignaua tellus, de super arduā

Voluente saxorum ruinā:

Quam pelagus super & refusis

Bis terque Nereus Syrtibus insonet.

Audimur, ingens sidera verberat,

Spumamque, lymumque, & rapaceis

Oceanus glomerauit vndas.

Iam nurat æther, iam barathrum propē,

Vastisque campi dissidijs hiant.

Iam fractus illabetur orbis

Sacrilego capiti. i, profunda

Inexpiato pollue Tartara

Tyranne letho: solus & igneum

Insune Cocytum, & trementem

Sulphureis Acheronta ripis.

EX SACRO SALOMONIS
EPITHALAMEO:

*Fulcite me floribus, stipate me malis,
quia amore langueo.*

*Adiuro vos, filia Hierusalem, ne excitetis,
neque enigilare faciatis dilectam,
donec ipsa velit.*

*Ecce iste venit, saliens in montibus, transiliens
colles. Similis est dilectus meus caprea,
hinnuloque cernuorum.*

ODE XV.

ME stipate rosarijs,
Me fulcite crocis, me violarijs,
Me vallate Cydonijs.

Me canis, sociæ, spargite lilijs:
Nam visi mora Numinis
Mi sacris animam torret in ignibus.

Vos ô, vos ego filia
Cælestis Solymæ: vos Galatidides,

Vos ô per capreas ego
Erranteisque iugis hinnuteos precor,
Antiqui genus Ifaci,

Quæ saltus Libani, quæ viridem vago
Carmelum pede visitis,

Nymphæ nobilium gloria montium :
Ne vexate tenacibus

Acclinem violis : neu strepitu pedum ,
Neu plausæ sonitu manus

Pacem solliciti rumpite somnij :
Donec Sponsa suo leues

Somnos ex oculis pollice rerferit ,
Donec Lucifer aureus

Rerum paciferum ruperit otium.
Summis ecce venit iugis

Formosæ soboles matris, & vnica
Formosi soboles patris.

Syluarumque super colla comantium, &
Introrsum Libani caput,

Magnorumque salit terga cacuminū, ac
Proceras nemorum domos

Prono transiliens præterit imperu :
Veloci similis capræ,

Quæ visis humili in valle leonibus,
Per prærupta, per ardua

Sublimi volucris fertur anhelitu.

AD D. VIRGINEM MATREM

*Cum fame, bello, cœlique intemperie
laboraret Polonia.*

ODE XVI.

A Vrei regina VIRAGO cœli,
Mæsiæ valleis, Hypanimque latè
Nubium curru super, & niuosis
Vise quadrigis;
Aureus tecum Puer, & coruscis
Aureæ pennis properent cateruæ:
Et Salus, & Pax, & aperta pando
Copia cornu.

AD CLAUDIUM RVFVM

*Sibi sepulchra & tumulos Regum
scholam esse.*

ODE XVII.

N On me Democriti sales,
Non me Cecropij porticus atrij;
Non percussa docentium
Delectant calidis pulpita iurgijs,
Vel quæ pectoris impotens

Clamofî celebrat turba Panætij:
 Vel quæ Pythagoræ ſenis
 Doctâ ruſſe crepant: me veterum frequens
 Memphis Pyramidum docet,
 Me preſſæ rumulo lachryma gloriæ:
 Me proiec̃ta iacentium
 Paſſim per populos buſta Quiririum,
 Et vilis Zephyro iocus.
 Iaſtati cinerès, & procerum rogi,
 Fumantumque cadauera
 Regnorum tacito, RVFFE, ſilentio
 Mœſtum multa monent, mihi
 Pompeij gelido ſub Ione ſegreges
 Artus, & lachrymæ carens,
 Deſertoque vagum littore funus, &
 Magni nominis indigum
 Corpus, magniloqui verba Panætij
 Compensat breuiùs, neque
 Reges patitur quærere copias.
 Nolim Pierijs macer
 Infudare libris: aut tacito vigil
 Impalleſcere Socrati:
 Si Regum titulos, & rumulis ſuper
 Fulgentem premo gloriam, &
 Calco nobiſſimum nomina Cæſarum.

AD FAMAN

LAUDES LADISLAI,

*Principis Polonia Sueciaque ab illâ
cani oportere.*

ODE XVIII.

A Ge picti moderatrix Dea mundi,
 Quate pulso titubanteis pede nimbos,
 Age, claras famulantū quate pennas Aquilæ
 Glacialis rege currum Cynosuræ, (longæ
 Cata spissos super imbreis equitare,
 Simul Euros animavit generoso tuba cornu.
 Tibi plausus populari vagus aurâ,
 Tibi pulchræ sociali vice Laudes:
 Famulantur salientū comitatu chorearum;
 Tibi septem Tiberinæ iugâ ripæ
 Saliari cita gyro glomerantur;
 Tibi longus per apricum salit ordo thyaforum.
 Age, sacrum glacialis iubar Vrsæ
 Cane Medis, cane flauis Agathyrsis,
 Cilicumque & pharetratis Nasamonum cane
 Tibi, Princeps, opulenti liquor Hermi (tutem
 Graue nomen fluuiali linet auro;
 Tibi carmen pretiosâ perarabit Tagus urnâ.

MATTHIÆ CASIMIRI
SARBIEVII
SOCIETATIS IESV
LYRICORVM
LIBER TERTIVS.

AD FRANCISCVM CAR-
dinalem Barberinum.

VRBANI VIII. Pont. Opt. Max.
fratris filium.

ODE I.

A Biste vulgus, nil humili iuuat
Cantare buxo, nil popularibus
Neruis, verecundoque functum
Barbiton ingeminare cantu.
Te Vaticanæ fidus adorea,
FRANCISCE, dicam; Te niueis super
Cunis ligustrorum reclinem
Pulcher honos, croceoque Phœbus
Persudit imbri. te roseus Pudor;
Virtusque primùm non pueriliter
Ris ère nascentem, & supinis
Lilia supposuere membris.

Tunc & iocoso murmure garrulus
Arguta primis verba leporibus,
Dulceisque vagitus ab ipsis
Crederis edidicisse Musis.
Tunc & caducis ningere lilijs
Molleis pruinas, & violaria, &
Nubem rosetorum proteruo
In puerum cecidisse nimbo.
Nec non seueri flumina Liberi
Manasse credunt, mellaque Dardanos
Errasse per vicos, & urbem
Vberibus secuisse riuis:
Læuūque vernæ munere copię
Risisse Tybrin, & virides procūl
Strauisse per ripam tapetas,
Oenotrios Aniene fonteis
Gratūm allocuro lenè cadentibus
In verba lymphis, ite loquacibus
Per planā campōrum fluentis:
Ite, nouos iterate lusus:
Auræ cahirno molliter herbidas
Plangente ripas, nascitur, & viti
Syncerus, illimisque morum
Innocuæ fluit amne vitæ
Princeps amœnæ flumen Etruriæ:
Ille & profundi feruidus ingeni,
Frugemque virtutum, & Latinis
Restituet sata læta campis:
Auroque fufum tempus, & aurei

Latè per vrbeis flumina seculi
 Diffundet, & regnata paruo
 Rura Ioui, residesque glebas.
 Deliberato vomeris otio,
 Bacchoque & albis frugibus induet:
 Ripasque, miranteisque sylvas
 Hesperiaë liner amne gaze.

AD D. MAGDALENAM.
Christi necem deflentem.

ODE II.

CVM tu MAGDALA liuidam
 Christi cæsariem, cum malè pendula
 Spectas brachia, prò tibi
 Pectus non solitis feruet amoribus!
 Non es, qualis eras: tibi
 Non mens semianimis restat in artubus
 Non fronti teneræ niues,
 Non viuax roseis purpura vultibus,
 Non notus superest color
 Sed mors marmoreis pingitur in genis,
 Et vitæ gracilis via
 Exili tacitè spirat anhelitu.
 Non, me si satis audias,
 Plores perpetuum tristia, tertia
 Cum lucem reuehet dies,
 Mutati referet munera gaudij.
 Nam quæ sole caret duplex
 Ridebit, geminis tertia solibus.

AD FRANCISCVM CARDINA-
LEM BARBERINVM.*Clementiâ potissimum Principes ornari.*

ODE III.

Felix, qui dubio forte caput supposuit Ioui,
 Nutantique polo: nec trepidâ sceptrâ tenet
 manu,
 Nec sperat cupidus, sed fruitur; nec pauidus tenet,
 Sed securus habet. Tu modici lenior imperi,
 Nec plausum tacitæ plebis emes, nec miserabileis
 Diuendes lacrymas nobilium cæde Quiritium;
 Te iustus populi clarat amor. cætera diffluent,
 Hoc vno veniet diues opum copia flumine.

AD EGNATIVM NOLLIVM.

*A quo semper, rectoque animo aduersus
Fortune inconstantiam standum esse.*

ODE IV.

Sive te molli vehet aura vento,
 Siue non planis agitabit undis;
 Vince Fortunam, dubiasque NOLLI,
 Lude per artes.
 Riserit? vultum generosus aufer,
 Fleuerit? dulci refer ora risu:
 Solus, & semper tuus esse quouis
 Disce tumultu.

Ipse te clausam modereris urbem
 Consul aut Cæsar : quoties minantùm
 Turba Fatorum quatient serenam
 Pectoris arcem.

Cùm leues visent tua tecta Casus,
 Lætus occurre : præeunte luctu
 Faustitas & Pax subeunt eosdem

Sæpè penates:

, Dextra fors omnis gerit hoc sinistrum ;
 , Quòd facit molleis : habet hoc sinistra
 , Prosperum, què nunc ferit, imminenteis

Durat in ictus

, Ille qui longus fuit, esse magnus
 , Desinit mæror : facilem ferendo
 , Tinge Fortunam : leuis esse longo

Discit ab usu,

AD PVBLIVM MVNATIVM.

*Mærorem animi colloquijs & cœtibus
 amicorum temperandum esse.*

ODE V.

SI quæ iuuabit dicere faucium,
 Permite, PVBLI, compositam malè
 Loqui cicatricem, & latentes
 Parce animo sepelire curas.
 Secura ferri robora, sæpius

Neglectus igis subruit : & super
Minora sylvarum caducum

Traxit onus , nemorumque famam
Straula virentem : quam tonitru leui

Quondam fauillâ lambere gestiit

Impunè. Te longus silendi

Edit amor , facilesque luctus

Hausit medullas , fugerit ocyûs

Simul negantem visere iusseris

Aureis amicorum , & loquacem

Questibus euacuâris iram.

, Olim querendo definimus queri ,

, Ipsoque fletu lacryma perditur :

, Nec fortis æquè , si per omnes

, Cura volat , residetque ramos.

, Vireis amicis perdit in auribus ,

, Minorque semper diuiditur dolor ,

, Per multa permissus vagari

, Pectora , nec rediisse quondam

, Pulsus superbit. Vise sodalium

Cœtus & vdis sic temerè iace

Infusus herbarum lacertis ,

Ad patriæ leue murmur Hallæ.

AD MARCVM SILICERNIVM.

*Veras esse diuitias, quæ à bonis
animi petuntur.*

ODE VI.

N Vnquam præcipiti credulus alexæ
Cum fatis auidas composui manus,
Vt mecum taciti fœdere prælij
Æquâ pace quiescerent.

Quid Fortuna ferat crastina, nesciam.
Hæres ipse mei. Quas dedit, auferet,
Non auellet opes, quæ procul extimo.
Semotæ spatio iacent.

Quæ possunt adimi non mea credidi,
Nunquam pauperior, si meus integer.
Regnum es, MARCE, tibi, si benè de tuis.
Vectigalia censibus.

Intra te numeres, pars animi latet
Ingens, diuitibus latior Indijs,
Quo non ter spatio longiùs annuo
Itur nauibus aut equis.

Sed mens assiduum visitur in diem
Hospes sæpè sui, non ebur, aut nouas
Mercatura dapes, ipsa sui satis
Diues, si sibi cernitur.

In turpem seculi Avaritiam.

ODE VII.

F Rustrà querelis & gemitu parùm
 Deliberato fleuimus arcium
 Portas, & emunita sæuo

Mœnia procubuisse ferro.

Tot ciuitatum clade super parùm

Peccauit ensis, quando labantium

Infirma murorum, reperto

Oppida suffodiuntur auro.

Eheu! secundum militis ad latus

Primus resedit sedulus artium

Fossor pudendarum, & decoros

Explicuit sine sole vullus

Vicina iuxta pocula lætior!

Cessere seruis tela ligonibus!

Plebeius, (heu nefas!) equestris

Malleus associatur hastæ!

Pax ipsa bello deterior subit

Cùm vilis auri belligeras amor

Pacauit iras, & repensis

Prælia detonuere nummis.

Pugnare dignos sole palàm duces

Celant opacæ nobilis obsides

Auri cauernæ, iam caduci

Desper, intremuere colles:

Nollunt adeo iam dubiæ solo

Pendere turres, excutit impios
 Tellus colonos, in ruinam
 Ambiguis agitata campis;
 Fugere turpes agricolas agri,
 Insons auaris littus ab urbibus
 Migravit, & contaminatos,
 Æquora deseruere portus.
 Natura magnis dum sepelit nefas
 Rerum ruinis, vitrea fontium
 Oblenit ora, ut nauigatos
 Sicania Venetæque merci
 Punitet amnes. Vidimus Aufidum
 Nusquam repertas, arua per Apula,
 Quæsisse ripas, cum sequacem
 Distinuit malus error undam,
 Haussitque nubes vallibus integras
 Turbo soluto plana per aluco,
 Regum piaturus penates
 Flagitiis, populique noxâ.

AD ÆLIVM CIMICVM.

In Russiam citeriorem profecturus.

ODE VIII.

ÆLI, non sumus arbores:
 Ut quo quisque loco natus, iuuit
 Duret perpetuum morâ.

Nolis cæruleas Sarmatiæ domos,
 Et canæ iuga Russiæ
 Intentata mihi, dum Zephyri vocant,
 Et siccæ nimium viæ:

Non frustrâ properis imposuit rotis
 Currus Iapeti genus,
 Et terram pavidos linquere navitas
 Pictis non sine carbasis.

Remorum celeri populit agmine:
 Non frustrâ patiens equi
 Se sternit mediis trames in Alpibus.

Magno dignum iter Hercule,
 Naturæ ingenium struxit, idoneis,
 Dimensum iuga passibus.

Quâ se præcipiti gloria vertice
 Lasso ostenderet Herculi;
 Dignatusque sequi pergeret Annibal;
 Regnumque ac Libycos manu
 Attollens populos Æoliam super,
 Et tristes nebulis domos

M Armatam Italiæ infunderet Africam.
 Non soli loca quærimus:

, Nusquam fixa satis Pergama transeunt,
 , Teucrique & Dolopes migrant,
 , Murant magna suas regna vices: nihil
 , Perstat, quo genitum est, loco.

, Cùm primum geniti matris inertia
 , Terræ viscera rupimus,

, Moti particulam traximus ætheris:

Cælique ingenio patris,

Cum matre immemores stare, cucurrimus.

PANEGYRIS

ANNÆ RADIVILIÆ CASTEL-
LANÆ TROCENSIS

Ducissæ Nesuisij.

ODE IX.

QVo te Dearum nomine consecrem,
Vicina cani Nympha Borysthenis?

Themisne, an vna Gratiarum

De tribus excipiêre Diuis

Scribenda Drie? cedit aquis tibi?

Vtcunque pictis fertur oloribus

Gretâque, & innantem relinquit

Oceano Cytherea Delon.

Hinc & seверо migrat ab Algido

Parùm serenis Cynthia cornibus,

Quamuis anhelantùm lacessat

Ira canum, teretesque rumpant

Virgulta damæ. Sed Tibi dulcius

Tranquilla rident Palladis otia,

Seu tela non mendax retexto

Bella virùm simulare in auro

Mensem fefellit, seu tibi Cœlitum

Vestire nudas spiritus incidit

Aras, & aulæis, & ostro
 Pauperibus placuisse Diuis.
 At non inani fama canit tubâ
 Te vi potentis non sine consili
 Ventura tangentem sagaci
 Mentis acu celerique curâ.
 Tristis videri prodit, & vnicè
 Sibi serenis peruigil in genis
 Lucet venustas: seu coruscum
 Cæsariem tibi pingit aurum,
 Non indecoræ nube modestiæ,
 Extinguis aurum vilius aspici.
 Gemmasque nolentes latere
 Moribus, ingenioque celas.
 Hinc inde rubris Creta corallijs,
 Illinc smaragdis fulgurat India,
 Cum pura Virtus fulsit, omnes
 In tenebris latuère gazæ.

AD MVSAM.

LAVDES LADISLAI Principis
 Polonia & Suecia.

ODE X.

Carminum præses, cytharæque Clio
 Dic, vbi molli resupina somno
 Fœta rumorum cubat eruditis
 Fama sub antris:

Rumpat ignauos , age, dic, sopores
(Nam locum nosti) nimijque fessa
Somnij , tergat niueo morantem

Pollice somnum.

Thespio currum moderante loro
Solis auratas, age, dic, quadrigas
Scandat , & claros gemino triumphos
Differat orbi.

Narret hibernis Helicen pruinis
Barbaro nuper caluisse tabo.

Narret Arctoo rubuisse canum

Sanguine Pontum :

Prodigus laudes tibi fundet Indus
Ostiis septem ; tibi diues æris
Accinet Lydus : tua voluet ingens

Nomina Ganges!

Te canent solis Garamentes aruis ,

Te Dacæ Princeps , pluuiæquæ pauper

Maurus , & Cydni, vitreique discet

Potor Enipei:

LAVDES FRANCISCI CARDI-
NALIS BARBERINI.

O D E XI.

QVis me citatur pectoris impetus
Denso sedentem propulit aëre,
Currusque nimborum morari , &
Per medias equitare nubeis,

Et plana terrarum, & populi casae
 Regumque turreis non sine gaudio
 Calcare sublimem, & superbo
 Regna superuolare curru?
 Rerumne falsâ ludor imagine?
 An picta mundi mœnia, & igneas
 Arces, coronatumque flammis,
 Et liquidum sine labe solem
 Præuertor? hîc & patria siderum
 Clarusque cœli baltheus aurei,
 Campique stellarum, & decemplex
 Perpetuo redit aula gyro.
 Quâ parte cœli Principis aureas
 Inscribo laudeis? hinc adamantinis
 Æternus Orion in armis,
 Et gemino propè Castor igni
 Fortem reposcunt hinc grauis Hercules
 Famæ propinquum postulat Herculem:
 Hinc noctis immunem & veterani
 Parrhasij velit ora plaustri.
 Acrem & timori cedere nescium
 Addam Leoni: quem penes igneæ
 Æstatis, aruorûmque cura, &
 Flaua Canis, Cererisque regna.
 Iustam & tanacem propositi manum
 Mundi serenâ partibus asseri
 Expectat Autumni Virago:
 Quæ geminam sine fraude Libram
 Euique frenos, & celeres vehi

Compeſcit horas ; hinc tibi patrio ,
 FRANCISCE , cedentes olympo
 Pleiadas , Hyadasque cerno .
 Illic laborat Phosphorus hospitas
 Laxare nubeis : hinc tibi lucidus
 Collumque repentiſque cœlo
 Scorpius abſtinuiſſe chelas.
 Auróque comptum Marmaricus Leo
 Crinem totondiſſe , & radiantium
 Opima villorum , & iubatas
 Velle polo reuocare flammas.
 , In ſculpta cœlo gloria ſoſpirat
 , Heroas : anni cœtera ſubruunt.
 , Aulæque ſceptróque , & columnis
 , Excidium ſua dixit ætas.

AD AVRELIVM FVSCVM.

*Omnia humana caduca incer-
 taque eſſe.*

ODE XII.

SI primum vacuis demere corticem
 , Rebus , FVSCÉ , velis , cœtera diſſuente
 , Vernæ more niuis , quæ modò nubium
 , Leni tabuit halitu.
 , Formoſis reſeces fortia : diſpicient.
 , Externis trahimur : ſi malè Dardanis
 Reſpondens Helenæ pectus amoribus
 Famofus videat Paris ;

Nuf.

Nusquam per medij prælia Nerei
 Ventorúmque minas splendida deferat
 , Graij furta thori , sed benè mutuo
 , Rerum consuluit iugo
 , Naturæ dominus , quòd niueis nigra ,
 , Lætis occuluit tristia , qui bona
 , Rerum de vario deliger agmine ,
 , Consulto sapiet Deo.

AD MOSCOVIAM.

*Cum Principem Polonia Moschi in
 imperium accerserent.*

ODE VI.

Moscua , cur iniquas (tas ?
 Aureis frustra pharetris diminuis sagittas
 Vulnera cur adacto

Dirigis ferro , cohibe stridula contumaci
 Barbara tela neruo.

Iam tibi Mauors facili molliit arma risu :
 Iam tibi mulcet iras :

Iam tibi frontem lepido temperat in sereno ?
 Iam cecidère tela :

Iam pharetratis clypeus demigrat è lacertis ,
 Quid lachrymosa toruam

Exaras rugis faciem ? quid melius supinis
 Fletibus astra poscas ?

Quid bono Diui melius mittere Rege possint

AD HONOREM.

*Cum Franciscus Barberinus sacrâ purpurâ
ab VRBANO VIII. Pont.
Opt. Max. ornaretur.*

ODE XIII.

TE clara Diuûm progenies, Honor,
 Marsæ canemus carmine tibix:
 Te meta votorum, & laboris
 Dulce lucrum, volucrisque vitæ
 Formosa merces, te decorum patrem
 Inter serenæ fulgura Gloriæ,
 Lunæque, stellarumque cunas
 Imbre super radiorum, & aurî
 Virtus marito conscia Numini
 Effudit illustrem, & genialibus
 Toris coronarum reclinem
 Sidereâ religasse zonâ, &
 Non indecoræ fidere purpuræ,
 Grataque risu lucis, & osculis
 Miros anhelantem nitores
 Celsa super posuisse sceptrâ.
 Et molle fertur fascibus & mitris
 Aptasse fulcrum: quas stipulæ modo
 Prensasse per ludum, & procaci

Diceris arripuisse dextrâ.
Te prorogati filia Temporis
Germana Recti candida Veritas
Non erubescendis adurit
Ignibus, ingenuoque paruus
Luces honesto, feruidus ardua
Curare rerum, te patriæ parens
Tranquilla libertas, Fidesque,
Et duplicis studiosa mundi,
Illiterato quæ procul otio
Fœcunda veri tempora diuidit,
Arcemque Causarum, & corusci
Præuehitur vaga regna Phœbi.
Te, quæ propinqua clade superbior
Gaudet cruentis Diua periculis,
Lassare Fortunam duello, &
Per medias docet ire morteis.
Illam impotentium exercitus imbrium
Insana aquarum rumpere prælia,
Vndas refringentemque flammâs,
Attoniti pauer ira mundi.
At non & æquo fœdere Comitas
Non temperato pectore conserit
Cultusque, tranquillamque morum
Temperiem, similemque vultum.
Siue æstuosus gurgēs inhorruit
Ciuis vndæ, cum popularium
Æstu procellarum, & dolosâ
Carbasâ diripiuntur vndâ:

Seu rauca vulgi murmura lenibus
Sedere tonsis, cum placidum sibi
Confenfit aquor, te decoro
Nobilitas comitata gressu
Centum vetustas nectit origines,
Centumq; retrò per populos fuit
Geris auorum: nec seueræ
Martis opes, Aquilæque desunt;
Censusq; & almae vulgus adoreæ
Anciliorum, & stemmatis, & togæ,
Fascesq;, lauriq;, & frementum
Turba retrò Titulorum inaneis
Exercet auras, non sine Plausibus,
Famaq; & aureo Nominis effedo,
Quod turba mirantum, & curule
Frenigerâ trahit aure vulgus.
Iamq; & virentis vere puertiae
Malas amictum, purpureus simul
Autumnus irrepsit decoras
Flore genas, per aperta latè
Effulgorantùm culmina siderum
Effræna curru iungere fulmina,
Nubeisq; præteruectum & imbreis
Quadriugis dare lora ventis
Miramur omnis turba minor pedum.
Supina curuo poplite ciuitas,
Votisq;, & obrutu sagaces
Puniceum iaculamur axem:
Vnde & coruscis oppida mœnibus

Pictumq; velis æquor, & insulis,
Regumq; turres barbarorum, &
Attonitas specularis vrbeis.
Tn regna ventorum, & pelagi grauem
Compescis iram, tu vaga siderum
Crystalla frenas, tu frementeis
Lucis æquos, vigilesq; mundi
Metaris igneis: te penes Æquitas,
Et septa Tuscis iura securibus
Stipantur: annosæq; Leges,
Et niueum sine cæde Iustum.
Tecum suppeller aurea, & asperi
Gemmis tiaz, te radiantium
Nexus coronarum, sereni
Regum apices, lituiq; circum
Et regiarum sidera frontium,
Mitæq; fulgent, & diademata
Ad vsque formosam diei
Inuidiam, opprobriumq; solis.
At retrò flauum lambere puluerem
Liuor rotarum, & degeneri solum
Mento cecidisse, & procacem
Mœret humi posuisse vultum:
Plenoq; nusquam Diuitiæ sinu
Gazæq;, & omnis turba Pecuniæ
Et grando gemmarum, & refusi
Per populos vagus imber auri.
Tulene Tormentum ingenio admoues,
Menteisq; dulcis nectare Gloriæ

Plerumque mulces : te feracem
 Consilij, facilemque vendi
Emisse doctus circuit ambitus,
Fucóque & albis, vestibis vnice
 Formosus, agnosceique duplex,
 Et placida sine nube rugæ,
Risu serenæ frontis idoneus
Misé sagacem fallere curiam,
 Discrimen obscurum dolosis.
 Artibus, ingenioque morum,
Spes mille circum nubibus insident,
Plenoque regni pectore turbidum
 Bacchantur : at turpes Repulsa,
 Et volucris fuga ridet auræ.
Te quanquã anhelantùm ignea sideris
Suspirat ædes, Principis aureos
 Inuise posteis, hîc ruinas
 Imperij, seniúmque mundi
Curare solers desine tristium
Tandem querelarum, & potius sacrâ
 Incude diffingas in aurum
 Sæua Ducum, procerúmque rela.

AD APES BARBERINAS.
Melleum venisse Seculum.

ODE XIV.

Cives Hymetti, gratus Atticæ lepos,
 Virginæ volucres,
 Flauæque veris filia
 Gratum fluentis turba prædatrix thymi,
 Nectaris artifices,
 Bonæq; ruris hospita,
 Laboriosis quid iuuat volatibus,
 Crure tenus viridem
 Per ambulare patriam,
 Si BARBERINO delicata Principe
 Secula melle fluunt,
 Parata vobis secula?

AD SEIPSUM.

ODE XV.

Quid diu vanas feriente nubeis
 Vota saltaci iaculamur arcu?
 Quid loquor dudum mihi Consul ipse,
 Ipse Senatus?
 Ite mordaces procûl ite curæ,
 Me vocat notis Helicon viretis,
 Me sacrum lauri nemus, & canorum
 Phocidos antrum.

O vbi molles Heliconis vmbrae,

O vbi Cydnus, violisq; pictum

Thespiae rupis caput ! O sonori

Flumina Pindi!

Me quis ad vestros Aquilo recessus,

Aut quis alata Zephyrus quadriga

Deferet fessum, gelidosq; Cirrhæ

Sistat ad amneis ?

Vos mihi Romam, Phrygiisq; centum

Pendulas saxis simulatis ædes :

Vos Auentinum Capitoliiq; im-

mobile saxum;

Hic vbi leui cecidêre musco

Virgines undæ, vitreoq; garrit

Ore Clitumnus, mimiûmque labi

Sedulus Almon;

Hippocreneis abiêre riuis

Pegasi fontes, Aganippidûmquæ

Murmur, & cantus, & euntis agro

Copia lymphæ.

Alter hic Liris fugit, alter Vfers,

Alter illimi Thrasimeneus amne

Trudit electrum, liquidoque Plauis

Voluitur auro.

Hic ad Empusæ nemus, & virentem

Æsaris ripam studiosa florum

Aura colludens cumulo iocantis

Obstreper undæ.

Lenis hic auræ tepor, hic venustas,

Hic nitor rerum , meliôrque cœli
Vultus , hîc plenis agitata manant
Gaudia ripis.

Hic sales compti , facilesque Risus,
Hic levis circum iocus , & decentes
Gratiæ plenos referunt refecto
Flore quasillos.

Hic mihi septem meliùs renident
Romuli colles , gracilésque ventî
Leniùs perflant gelidam supini
Tyburis arcem.

Collis ô sacri decus , ô magistrum
Numen, ô Graiæ fidicen Camœnæ
Phœbe , si gestis procùl arduo de-
-scendere Cyntho.

Huc ades longi mihi testis orî :
Tûque (nam me quis prohibet ?) reposta
Affer imprimis mihi, FVSCE, grati
Carmina Flacci.

AD TIBERIM.

Eum Beneficentia & Liberalitatis
VRBANI VIII. Pont. Opt. Max.
Symbolum fore.

ODE XVI.

Tibri siste precor , nec rapidæ regna licentiæ
Iactâris temerè: neu Latij littora Nerei
Yndarum nimio deciduus plauseris agmine.

Quid per plana, per abrupta, per imperuia lustricum

Vestigal domino deproperas Nereidum patri?

Vibani patulæ credideris flumina dexteræ:

Tunc seu melle fluent, seu rutilis secula fontibus,

Fies auriferis nobilior fabula Lydiis.

LAVDES FRANCISCI CARDINALIS Barberini.

ODE XVII.

Hic ille plenis Oceanus patet
Laudum carinis, ite loquacia

Per transtra, facundisque Musæ

Carmina deperate remis,

O qui loquentis flamine sibili.

Lenique sacræ nubis anhelitu

Impellis antennas, Notorum

Alba super volitare terga

Doctus, procellas & biuges celer

Frenare nimbos, huc age Delphicâ

Lauru, coronatamq; myrto

Pegaseæ dominator undæ

Inscende puppim, quod timidi prius

Sulcemus æquor? quod pelagus situm

Fundoque virtutum, & refusæ

Per populos maria alta famæ

Vates profundæ nauita gloriæ

Inuifet ? illinc alta frementium
 Moles procellarum, & proteruæ
 Fluctibus intonuere lymphæ,
 Hæc illa parci nescia littoris,
 Auara cæli, prodiga munerum
 Bacchatur, & pecuniarum
 Cæruleo pluit aura nimbo:
 Hæc illa magni pectoris indoles
 Sese ipsa rerum fluctibus erigit,
 Curasq; & alternis natantem
 Consiliis animum remiscet
 Vindex auaræ fraudis, & abstinens
 Lucrantis auro regna pecuniæ,
 Rerumque prudens, nec cruentæ
 Laudis iners, animique parca.
 Hinc æstuantum mota superbia
 Subsedit vndarum, & procul arduum;
 Ad littus acclinata blando
 Æquora decubuere somno;
 Hoc illud alti Principis otium
 Clausum quieti veste silentij:
 Somniq; curarum, & labore
 Empta quies, animiq; vespër
 Longi repensus merce negotij:
 Cum dulcis inter claustra modestiæ
 Sceptrumq;, & immanis reclinat
 Regnum humeris, oneriq; parcit;
 Obliuosus dissipat Hesperus
 Regum labores, damna fugacium.

, Plerumque curarum reponunt
 , Peruigiles sine nocte somni,
 , Aulæ nitorem cum benè nesciã
 Textêre noctes nobilium simul
 Pompam cateruarum retexit
 Clara dies : rediêre curæ.

AD MILITARES EVROPÆ ORDINES.

De Provinciis Graciæ recuperandis.

ODE XVIII.

SI quem clementæ vultus adorex,
 Si fusus auro miles, & inclyti
 Vrant in argento triumphi
 Artifici æmulante dextrâ,
 Sculptæque laudes, & titulis super
 Afflata signis vita Corinthiis,
 Cultusque, morésque, & perenni
 Penè loquax sua fama saxo:
 Hic si locari pòst genitis sacer:
 Et per nepotum lucidus atria
 Quærit videri: destinatam
 Funeribus meditetur aram,
 Vultumque vultu fingat Achillei:
 Dextramque dextræ commodet Hectoris,
 Dignus Timantæâ notari
 Arte, Syracosioque calo:

Lethique curtâ merce perennius
Lucreretur æuum, quos sibi dempserit
Caris redonaturus annos
Coniugibus, puerisque caris.
Hic si timendus gestit aheneis
Horrere squammis, quem litui sonus,
Sæuique coniurata Martis
Signa vacant, clypeo subire,
Sparsumque crimen versicoloribus
Mutare cristis, & rapidum vehi
Dum per reiectanteis lacertos
Ambiguæ fluitant pharetræ:
Illum palustri consita fraxino
Poscit Methone, poscit Acarniæ
Lacus, Tanagræique saltus,
Aut graciles Marathonis orni.
Gnosfosque telis, & resonum graui
Stymphalon arcu: non chalybum rudis
Lemnos, nec inconsulta ferri
Phocis erit, nec inermis Oea.
Si rursus idem bella fidelibus
Committat Euris: æquoris impiger,
Veloque & obstrictante remo
Ortygijs equitabit undis:
Illi Cytori pinus, & hispidæ
Cupressus Idæ brachia frondium
In transra, & hærentem carinam
Contrahet, ærisonamque puppim
Non imperito remige muniet

TIO LYRICORVM

Eubœa : remos Thespia suggeret ,
 Ausamq; despectare nubeis
 Veliferam dabit Ossa pinum.
 Aut qui comatas educat ilices
 Caycus , aut qui limpidus affitas
 Mæander intercurrit alnos ,
 Aut dubij vagus error Hebri.
 Nec si superbus poscat eques vehi ;
 Pugnae scientes Ismara denegent
 Pullos , relicturasq; retrò
 Aut Noton, aut Aquilona plantas;
 Si bellicosos proruat accolas
 Seruilis Aemi , sparsa sequi celer
 Vexilla , palantemq; Lunam
 Aemonijs agitare campis.
 Illum & colossis conspicuum dabit
 Venalis omni funere gloria, &
 Doctis renascentem metallis
 Orchomenos, vel amica viuum
 Non peieranti marmore Neritos
 Ementietur, nec Capitolia
 Mutum , Palatinæuè moles
 Stare sinent sine laude ciuem.

AD AVLV M LEVINIV M.

Visnouij Poloni Equitis virtus, cuius inter-
empti pro patria Cor, per summam barba-
riem, inter se partiti Turca, & depasti sunt.

O D E XIX.

Eheu! quò cytharæ sciens,
 Et Bacchi calidis feruida iurgijs,
 LEVINI, ruit indoles,
 Imbellem strepitum, & docta procacibus
 Saltum fingere classicis,
 Auditoq; choros cogere tympano,
 Et mensam clypeo super,
 Et plenum galeis ducere Liberum!
 Non hoc pectore Thracios
 Inter Sarmatici fulmina prælij
 Fudit VISNOVIVS globos,
 Et Thracum volucres contudit imperus.
 Ille & sanguineis super
 Fumantùm cumulis hæsit Iazygum, &
 Alti nauita sanguinis
 Portum non soliti nominis attigit.
 Illum Thraces Achaicis
 Rimati gladijs, pectoris inuia
 Dimouêre repagula:
 Et cor, & repidâ morte fluens iecur

Deuesci, & pia viscera
 Ausi sacrilegis carpere moribus,
 At non egregiam quoque
 Libarunt animam, nec Mareoticas
 Paut fama libidines,
 Aut secura Getæ dentis adorea.
 Eheu, stringite posteri,
 Ferrum belligerâ stringite dexterâ.
 Heu primam gladii firim
 Pubes Odrysiis imbue cædibus,
 Confossisque reciprocum
 Rursum pectoribus reddite sanguinem,
 Dudum in corpore Bistonum, &
 Venis immeritum feruere barbaris.

AD FRANCISCVM CARDI-
 NALEM BARBERINVM

*Inuendam & honestam vitam fructuosa
 & anxie esse preponendam.*

ODE XX.

Regias veto manus
 , R Tagi serenis imminere riuis.
 , Vtili placet luto;
 , Fucumque nobis fluctuantis auri
 , Flauus allinit liquor:
 , Ex quo superbi diues amnis Hermi
 Sordidum lauit Midam

Rūdique limum duxit a Tyranno.
Ite, mobili vitro

Auri coruscas submouete labes.

Riuus integer vitæ,

Suæque purus, consciusque lucis

Præterit fidelius

Regumque somnos, Cæsarūque palmas,

Dulce purpuræ decus,

Tuam micantis innocens metalli

Amnis irrigat manum :

Midamque Princeps, Tantalūque rides.

Vitreus tibi latex,

Lymphâ sequaceis euocante lymphas,

Lubricâ placet sugâ,

Quâ feruet Arnus, garrulūque pratis

Vnda promouet pedem,

Ripasque pingit, candidique fontis

Vda voluitur dies.

Hic thymbra poscit, hic amœniores

Humor educat rosas,

Et cana nardus, filijque Veris

Hinc & hinc bibunt croci,

Viuūque potant fluminis pudorem.

Hic comata lilia

Passitque Maius ambulat capillis.

AD CÆSAREM PAVSILIPI

Ne nimium adolescentiæ fidat.

O D E XXI.

NE te, PAVSILIPI, fallat inanibus
 , Ætas delicijs, quæ simul impigris
 , Incertum rapuit curriculum rotis,
 , Effreno citius labitur Africo.
 , Mendax forma bonum deficientibus
 , Annis præcipitat, vitrea concuti,
 , Dilabi facilis, cerea diffuere
 , Hornæ more rosæ, quàm modò roscidū
 Cùm fouit tepidīs manē Fauonijs,
 Dissoluit pluuijs vesper Etesijs,
 , Nunquam quod rapido pollice texuit,
 , Audet compositum Parca retexere:
 , Nec reddit refluo secula turbine.
 , Felix ille, cui non breue temporis
 , Momentum placuit; qui iuga mobilis
 , Æui deposuit, qui sibi lucidam
 , Iam nunc sollicito lumine patriam, &
 , Arcem nobilium destinat ignium.

AD IVLIVM ARIMINVM.

*Solis animi bonis nos belluis
prestare.*

ODE XXII.

Non Hydaspes, ARIMINE, gemmis,
Non domus flavâ laqueata cedro,
Aurei torrens neque te beatum

Fecerit Hermi.

Mitte sectari, quis amœno præter
Prata, non parco fluat amnis auro.
Sit satis Virtus, animosa sedeis

Visere Diuûm.

Alter effultos adamante muros
Degat, aut cæsas Sipylo columnas,
Fossor, inspectâ Styge, quas renulso

Subruat Orco.

Ditior syluis habitat Sabæis

Ales Eois renouata bustis.

Ditior gemmis rutilo vagatur

Piscis Hydaspes.

Alter Eois variam lapillis

Subliget zonâ retinente passam :

Alter insigneis Tyrio lacertos

Vinciat ostro.

Gratiùs læues variauit alas

Sparsa natiuis philomela guttis ;

116 LYRICORVM

Pulchrius Thressæ maculosa pingunt
Pectora Lynces.

Tonsa nos vestit pecus & luporum
Terga mentimur, neque flaua vestem
Dedecet vulpes, & abacta cæso
Castore pellis.

Vna mortaleis numero ferarum
Eximit virtus, volucérque notas
Siderum sedes animus solutis
Visere pennis.

AD IOANNEM RUDOMINAM.

In funere Georgij Rudominae fratris.

ODE XXIII.

QValis trisulci fulminis impetus,
Quem Dædaleis foeta vaporibus,
Pinguemue pabulata terram
Per medias rapit ira nubes,
Fastidioso cum semel excidit
Immurmurantium carcere nubium,
Per regna ventorum, per auras,
Et dubias Aquilone sylvas,
Per arua latè per iuga concito
Grassatur igni iam capitis minor
Aut Æmus, aut percussa Calpe
Non humiles posuere fastus.
Interque diras Dux equitat faces

Communis omnes per populos Timor ,
Et ponè strages , & supino
Deproperata ruunt tumultu
E nube Fata, non sine montium
Clamore, longus quem glomerat fragor
Volentis audiri ruinæ ,
Et volucrum furia Notorum.
Talis superbis irruit hostibus ,
Mortis decoro puluere sordidus,
Et per Musurmannos honestam
Explicuit RVDOMINA pugnam.
Illum futuræ laudis, & inclytæ
Mercede famæ Gloria mentium
Regina, nundinata morti
Per medios rapuit Gelonos ,
Quam ponè Virtus, & Decus, & comes
Iniuriosæ Relligio necis,
Per tela, per formidolosos
Quadrupedantùm onagrorum hiatus
Exercitati militis, obuio
Venale fato prostituit caput ;
Sed visus haud venire paruo
Magnanimus RVDOMINA letho.
Nam dum duelli lærior , hostica
Opprobriorum marmura vindice
Excusat ense, barbararum
Immortuus aggeribus cohortùm
Præfecta tandem colla volubili
Lapsu reclinat , sed famulâ propè

Decusq; præsignisq; Virtus
 Semianimem subiêre dextrâ:
 Mox expeditis corpore manibus,
 Depræliatrix Gloria siderum
 Occurrit, & fuluo reclinem
 Ire iubet super astra curru.
 At fama latè tergemino Tubæ
 Longæua cornu secula personat.
 Io triumphæ, viuit Astris
 Ille meus RYDOMINA viuit.

AD IOANNEM RYDOMINAM.

In funus Joannis Rydomina Patris.

ODE XXIV.

Quemcunq; mendax fama Quiritium,
 Et dedicatis densa clientibus
 Corona, iuratisq; stipar
 Imperij comitatus armis,
 Quamuis Lacænâ picta superbiat
 Sub veste tellus, & famulantium
 Iuxta lacerrosæ cohortes
 Et clypeis radient, & hastis.
 Nec pervicacis ludibrium Deæ,
 Nec concolores consilio Dolos
 Vitabit, aut circumsonantes
 Nobilium fugiet tumultus.

Nec concitato pectoris impetu
Nitente mentis remigio, soli
Ignauus hæres, innatantes
Cæruleum per inane campos
Peruadet vnquam, quippe volubili
Negotiorum puluere sordida,
Gliscente curarum tumultu,
Mens humiles remoratur alas.
At quem supernis sedibus intulit
Mors, & profanis præcipitem procul
Furata terris. quò solutus
Fræpetibus RVDOMINA pennis
Exerrat! ohe! quo per inhospitas
Afflata leni pectora flamine
Nubes, inaccessosq; tractus
Et superas agit inter arces!
Non vſitatis ille volatibus
Præuectus vdas terrigenûm domos,
Cætusq; vulgares, supernæ
Non humilis venit Hospes aulae.
Illum ministrâ Relligio manu,
Et delicato pectoris effedo
Euexit inconcussa Virtus,
Et superis dedit ire campis.
Exstructa quondam celsa fauentibus
Delubra Diuis Munificentia
Pensauit auratis Deorum
Hospitijs, famuloq; cælo.
Hic vel corusco se propè siderum

Curru locabit, vel propior Deo
 E nube recliuis curuli
 Sub pedibus sua fata cerner.
 Regumue toruos subter acinaces,
 Et regiarum sidera frontium,
 Et tot Tyrannorum videbit
 Suppositos radiare fasces.
 Et hæc stupebit, quæ proprius micant,
 Obscura crasso serpere núbilo,
 Lateque casuras per vrbes
 Ora sagax, oculosque ducet.

*In funere ERNESTI VEIHER
 Palatini Culmensis filij, vitâ imma-
 ture functi.*

ODE XXV.

POrrextus imo nec scopulus vado,
 Cautesue pronis amnibus imperat
 Moras, neque vndantem morantur
 Fluminibus caua saxa lapsum.
 Nec irretento prætereuntia
 Tempus retardat secula cardine,
 Nusquam fatigatos Orion
 Soluit equos properante curru.
 Annos & horas præpetibus rapit
 Latona bigis, irreuocabilis
 Decurrit, effœtamque prona
 Accelerat cariem iuuentus.

Appolli-

Apollinari nuper in agmine,
Florentis æui limine vidimus
Stantem VEIHERVM, lachrymoso
Præcipitem cecidisse fato.

Mox vt caducis artubus ingruit,
Mors æstuosis torrida febribus,
Ferocientes deuoluta

Stamina diripuere Paræ.
Candente bysso pensa fluentia
Rupere nodos : occidis, occidis,
Erneste, ceu languent recenti
Exanimis sine flore nardi.

Ceu dum per hortos cæreleâ manu
Desæuit vds Iuppiter, imbribus
Sterni reluctantes acanthi
Lassa solo posuere colla.

Quid Mors superbo pectora turbine
Insana victrix surrigis, inferens
Terris triumphales cupressos,
Et mutilam sine fronde taxum?

Mentis pudicæ candor, & indoles
Firmata faustis sub penetralibus,
Cultusque diuinæ parentis

Fixa locant monumenta terris.
Vidit benignis moribus aureum
Felix Lyceum, vidit imaginem

Virtutis ERNESTVM paternæ,
Et similem proavis Nepotem.

Sæui tropæum funeris ardua

Virtus profundo præcipitat solo.

Sublime Veiherana Virtus

Sidereo caput æquat orbi.

Illam benignis Gracia brachiis.

Altusque curru Rumor eburneo

Ad astra sustulit videndam

Attonitæ volucrem iuuentæ.

IN PRIMI LAPIDIS IACTU,

*cum Ioannes Carolus Chodkeuicius contra
Osmanum Turcarum Imperatorem signa
moturus, Templum Virgini Matri
Crosensis Societatis Jesu Collegij ex-
trueret.*

ODE XXVI.

Diuûm locatus consilio Lapis,
Et dedicati liminis arbiter

Quàm ritè de cælo migrantium

Hospitio superum coruscat!

Non tot fremebat litteus Olympiis

Olim cateruis, Graia Corinthio

Dum lustra certatim Tonanti

Instabilis celebraret Isthmos.

Te quippe Diuum turba domesticum

Marmor superni ciuibus ætheris,

Magnæque maiestas Parentis

Perpetuis habitabit annis.
I, perge felix, & latebras cauæ
Telluris intra : quâ tibi tutior
Templi superuentura moles
Fortibus infideat columnis,
Hic nempe quisquis sacrificas manus
Inaugurato tinxerit vngue,
Cœlumque solemnesque sacris
Muneribus cumulabit aras
Et fronte plenum lætitiæ diem,
Intaminatis pulcer honoribus
Ostendet aris, & serena
Per solidum feret ora vulgus.
Plebisque denso celsus in agmine
Diuina cælo tendet adorea,
Quæ terra, quæ supplex adorat
Compositis pelagus procellis.
Nec verò surdis sideribus preces
Conchyliato murice fulgidi
Mystæ feretis, dum fauenti
Pro CAROLO, Carolique castris,
Optata Diuinis vota litabitis.
In ore vestro sollicitus suas
Spes ille librat, & Tonanti,
Et Patriæ sua sacrat arma.
Effrena vestrâ detum eant prece
Formidolosæ bella Propontidos,
Et læuus Ister, & Celonus
Vipereo metuendus ictu.

Illuc citato Martis in effedo
 Toto vehatur CAROLVS impetu,
 Et concatenatos superbis
 Massageras trahat in triumphis.
 Iuxta fauentum cura Quiritium
 Densisque Laudes agminibus Ducem,
 Et Plausus, & depurpuratis
 Gloria concomitetur armis.

AD ABRAHAMVM BZOVIVM.

*De sacrâ Annalium Historiâ
 Eugenij IV.*

ODE XXVII.

Q Valem è niuosis Eridanum iugis
 Primo cadentem leniter agmine
 Fastæ Napæarum cateruæ
 Traijciunt, hilarique circum
 Plaudunt natatu : mox vbi prodigus,
 Et temperati marginis immemor
 Prorupit, & præterfluentis
 Regna procùl, populosque lustr
 Errore lymphæ : degeneres simul
 Ripæque, & immensi hospitio aluei.
 Dignatus amneis, at e aquosum
 Immodico bibit ore cælum,

Syluisque, & aruis latius imperans
Ripam euagantis seditionibus

Metatur vndæ, iam natari

Difficilis, nimiusque campi
Venti pauentem non benè sustinet
Dorso phaselum, lætior arduas

subire bellantum carinas,

Et galeis, clypeisque longè
Clarus videri, donec Iapygas
Amneis auari fluctibus Adriæ

Summisit, & maiore ponto

Velivolam dedit ire Martem:

Sic te fluentem leniter aureæ

Torrente linguæ, prima per Italas

Clamata defatigat virbeis

EVGENII pia cura patris.

Qui bella Regum, & illachrymabileis

Rerum tumultus flectere prouidus

Mundi laborantis ruinas

Extulerat subeunte collo,

Sacrique Veri solliciti Patres

Quos infidelis littora Bosphori,

Rubricæ submittere ponti

Regna, Parætonijue Nili,

Lectum remotis consilium plagis

Rerum potentem visere Tusciam, &

Leges peregrinosque ritus

Dardaniis sociare sacris.

Hic tu prophanis cassa furoribus,

Doctisq;ue narras prælia vocibus
 Pugnata, clamatumquæ Martem,
 Quà vitrei ruit amnis Arni.
 Nec otiosæ more licentiæ
 Exaggerato defluis alueo :
 Sed plana per rerum profundo
 Ore ruis, mediusque ripæ :
 Mox & citato plenior impetu,
 Linguae sonoro flumine deuehis
 Claſſemque & euagata longè
 Ambracio pia bella ponto.
 Quò nos auorum bella trahunt, retrò
 Seri nepotes ibimus ? ibimus
 Pulchros redordiri labores,
 Et veteres reparare palmas ?
 Solusne palmas, ſolus Achaica
 Obliuioſi nocte ſilentij
 Abducit Abramus, tropæa,
 Et veteres reuocat triumphos ?

AD AMICOS.

*Se ad ſacra ſtudia animum
 appellere.*

ODE XXVIII.

Vixi canoris nuper idoneus
 Vates Camœnis : iam cytharæ vector

Sermone, defunctumque longo
Barbiton ingeminare cantu
Iam feriatâ fistula cum lyrâ
Dependet vnco: rumpite tinnula
Vocalis argenti, sodales,
Fila, super vacuosque nervos.
O quæ corruscantium atria siderum
Seruas, & aurei læue per ambulas
Mundi pauimentum, molestæ
Pelle Themî stadium Minervæ:

FINIS.

Libri III. Lyricorum.

MATTHIÆ CASIMIRI
SARBIEVII

SOCIETATIS IESV

LIBER EPODON.

AD IORDANVM VRSINVM.
Barcenorum Ducem.

*Barceni agri amoenitatem commendat,
ad quam per ferias Septembres
secesserat Româ.*

H Vc ô quietis apta Musis otia,
Leuésque Ludorum chori.
Huc feriantùm Phœbe Musarū pater;
Huc hospitales Gratia;
Huc delicatis ite permisti Iocis
Non inuerecundi Sales :
Hîc otiosi mîte Barceni solum
Vago coronemus pede.
Clemens supino clius assurgit iugo,
Cœlúmque paulatim subit,
Et solida subter terga scopulorum, arduo
Securus in sessu premit :

Arcisque iactat inter alta turrium:
 Insigne propugnacula,
 Timenda quondam Cæsarum turmis ducum,
 Timenda magno Borgiæ,
 Cum per minantium militum æratos globos
 Metuenda iaceret fulmina,
 Ageretq; profugum Cæsarem & quasum mei
 Adusque promissum NIHIL.
 Hic ille magnus frenat Etruscas opes
 VRSINVS heroum decus,
 Hæres auitæ laudis, & princeps caput
 Magnæque laus Oenotriæ,
 Circum coruscis scena quercetis viret,
 Cælumque verrit frondibus
 Suosque colles vestit, & patentibus
 Sese theatris explicat.
 Admota muris ponè Nimpharum domus
 Aprica præbet littora:
 Ripamque Baccho iungit, & vallum propè
 Lentis flagellat fluctibus.
 Maiore nusquam stagna Neptuno sonant,
 Aut æstuantis Larij,
 Aut qui seверо tangit Albanus lacus
 Inenatabilem Styga:
 Aut quæ procellis gaudet, & magno fremit
 Superba ponto Iulia:
 Nec maior vsquam spumat, & rupes truci
 Benacus assultat salo.
 Intonsa curuo monte circumstant iuga,

Miresque despectant aquas.
Niuosus illinc terga Romanus mouet,
Cæloque diducit minas :
Illinc caducis ilicem quassat comis
Sublime Cymini caput :
Crudumq; Boream frangit impotētibus
Depræliaturum Notis,
Terrisque latè regnat, & cæli minis
Opponit hybernū latus,
Amica sternit interim lacum quies,
Fluctusque fluctu nititur,
Et ipsa secum pigra luctatur Thetis,
Aquæque colludunt aquis :
Quas vel carina, vel citata turgido
Findit phaselus linteo :
Pinnæque latè vitreum cogens pecus
Volente lino truditur.
Setaque piscem ducit, & raris procū
Lacum coronat retibus.
Hinc alta lucet diuitis Pollæ domus,
Hinc pinguis Anguilaria,
Trebonianas hinc amica vineas
Vadosa plangunt æquora :
Hinc delicati fundus Aurelî niter,
Lymphæ salutaris pater :
Vndæque morbos arcet, & viuacibus
Luem fluentis eluit.
At quâ superbū fontibus nomē dedit,
Suumque Flora marginem.

Viuis perennes decidunt saxis aquæ,
Camposque decursu lauant,
Patremque longe Tybrin, & regem sonant,
Romæque seruitum fluunt.
Syncera circum regna naturæ nitent,
Et artis immuneis loci:
Adhucque virgo sulcus, & montes adhuc
Molleis inexperti manus,
Meràmque Bacchus Tethyn, & Bacchum
Thetis,
Et pinguis inuitat Ceres.
Hinc ille latus surgit, & tenacibus
Inserpit vlmis Euius,
Vdoque cornu turgit, & fluentibus
Crinem racemis impedit.
Non Lesbos illi, non odorati magis
Vineta rident Massici,
Aut quæ Falernis educata solibus
Sublucet vuæ purpura:
Sed nec Falisci glaream malit soli,
Nec pinguis vber Rhœtiæ.
Nec flaua tantùm culta felicitis Cypri,
Graiamûe dilexit Rhodon:
Quantùm suis superbit, & sese suis
Miratur in Canalibus.
Circum beatis imperat campis Ceres,
Lateque rura possidet:
Et arua flauo messium fluctu tument,
Motuque culmorum natant.

Innube rarus inquinat cœlum vapor,
Aut tensa nimbis vellera :
Aut è Boreis, bella ventorum plagis ,
Raucusque sylvarum fragor
Audirur vsquam : non proternis insonant
Exercitati Syrtibus
Euris & Austris, contumaces Africi,
Et perduellibus Notis.
Tantum serenus Vesper, & tenerrima
Etesiarum flamina ,
Albique soles, & serena lucidis
Aspirat aura montibus :
Purâque cœlo prouehunt Horæ facem,
Et Phœbus Horarum pater
Peculiari luce colles irrigat ,
Pronâque perfundit die.
Ramis repentes ingruunt Fauonij
Locantis auræ sibilo,
Et temperatis prouocant suspirijs ,
Lenique somnum murmure.
At non loquaceis interim nidi tacent ,
Matresque nidorum vagæ.
Sed aut maritis turtur in ramis gemit,
Et saxa rumpit questibus,
Aut læta latè cantibus mulcet loca
Famosa pellex Thraciæ ,
Syluisque coràm plorat, & crudelibus
Accusat agris Tereæ:
Quæcunq; mœstæ vocibus dicunt apes.

Respondet argutum nemus.
Affatur alnum quercus, ornum populus
Affatur illex ilicem,
Et se vicissim collo-cuta redditis
Arbusta solantur sonis.
Huc ô Quiritûm ductor, huc Oenotriæ
O magne regnator plagæ
Iordane, tandem plenus vrbis, & fori,
Rerumque magnarum satur,
Sepone curis temet, & domesticis
Furare pectus otijs.
Hic vel tuarum lene tranabis vadum
Opacus vmbris arborum,
Tuosque colleis inter, & tuas procûl
Perambulabis ilices
Vel cum Decembre cāpus, & primâ niue
Vicina canescent iuga:
Nunc impeditas mollibus plagis feras,
Syluamque præcinges metu.
Nunc incitato capream rumpes equo,
Telóque deprendes aprum.
Iactoque ceruos collocabis spiculo,
Fureisque terrebis lupos.
Quod si Latinæ laus Alexander plagæ,
Sacræque sidus purpuræ,
Tecum paterno feriabitur solo.
Seséque curis eximet,
Tuíque ciues, hospitesque ciuium
Toto fruemur gaudio.

CARMEN SECVLARE

DIVINÆ SAPIENTIÆ.

In Anno seculari M. DC. XXV.

*Cum VRBANVS VIII. Pont. Opt. Max.
portam auream aperiret.*

*In gratiam Pauli Frigerij Romani, publicè
de Philosophiâ disputaturi.*

Diva terrarum, pelagique præses,
 Dicta sublustrès habitare nubes
 Inter, & latè cohibere pictis
 Sidera frenis,
 Patris æternas imitata flammæ,
 Pura synceri soboles Sereni.
 Mentis arcanum iubar, & coruscæ
 Filia lucis:
 Par patri natum sine matre numen;
 Candor aspecti sine nube Veri,
 Ingeni proles, genialis almi
 Pectoris ardor:
 O sacer mundi lepor, ô decoræ
 Fabra naturæ faciès, paternæ
 Mentis exemplum, liquidi serenus
 Luminis imber:

Patris interpres, similisque voci
 Nata fecundo genitoris ore,
 Vena virtutum, generosa pulchri
 Mater honesti :

Ante formosi vaga regna cœli
 Prima natales habuisse cunas,
 Antè vagitus, & anhela parui

Murmura ponti :

Antè quàm Phœbi celerisque Lunæ
 Vesper alternos reuocaret ortus,
 Antè quàm montes, & opaca staret

Montibus arbor :

Antè quàm tellus, & aquosa Tethys
 Regna disseptâ sociaret vndâ :
 Et cauas circum sonuere fletu

Littora cautes :

Cœlibi Patris generata partu,
 Cœlibi Patris generanda partu,
 Lumen, & verum semel elocuti

Copia Veri :

Tu quater nexis elementa nodis
 Molliter firmas, & iniqua magnæ
 Bella naturæ premis, & quaternæ

Iurgia causæ.

Tu tuos causis imitata vultus
 Diuidis toto simulacra mundo,
 Numinis formam studiosa vili

effingere limo.

Cum Pater sacro redimiret igni
Siderum crines, tenerumque Solem,
Et rudes Lunæ radios honesto

Comeret auro.

Pondus, & Leges faciemque rebus
Ipsa fingebas : variæque rerum
Te penes Normæ, Numerique, & Ars, &

Lucidus Ordo :

Tu vagas zonâ cohibente stellas
Ausâ nascentem religare Phœbum :
Ausâ nascentem nebularum amictu-
-inuoluere terram.

Cresce, dicebas spaciola cresce,
Fertilis frugum pecorisque tellus :
Hinc iugis, illinc medijs dehiscant

Vallibus agri :

Cresce, dicebas: simul ipsa mensum
Erigit ponto caput & refusus
Hinc aquis, illinc steterunt oborti

Collibus agri.

Quæ simul multâ tibi risit herbâ,
Lætior celsas reparare sedes
Arduum molita tholum volantis

Nube columnæ

Diceris vastos equitasse supra
Nerei campos celer, & curules
Africi pennas super, & iugalis

Terga Fauoni :

Rursus obliquo redeunte gyro

Isse per fluctus, tibi naus ipsa,
Isse per campos tibi currus aptis

Ipsa quadrigis:

Docta sublimes peragrarè tractus,
Docta terrestres referare vèctes,
Orbis obscœnum chaos, & latentis
Ultima mundi.

Clara te Lunæ stupuère templa
Sospitem flammis iterare plantam,
Inter & nimbos & acuta ficci

Regna Promethei.

Ad tuos lenis venit Aura frenos:
Hinc & hinc Ignes, patiensque lori
Pontus, & tractas sine fraude Tellus
Audit habenas.

Te Dies, & Nox, & Hyems, & Æstas,
Ver, & Autumnus, properique Menses,
Et leues Horæ, rapidoque cingunt
Secula passu.

Te vehit claro Cynosura plaustro,
Te nec iratâ mare sistit vndâ aut
Pertinax Euri furor, aut inelu-
stabilis Austri.

Nec minax Cauri, Zephyrique frater,
Cum truces iram struit inter imbres,
Aut freto pulsum Boream vadôsâ-
Oppugnat arenâ.

Te renascentis videt ora Phœbi
Quæ vel excusso glomerata fluctu

Lora, vel currum pelago cadentem

Audit Ibero.

Quæque deuexo tegit astra nimbo,

Quæque sublimis speculatur Vrsæ

Hispidas arces & inhospitalis

Frigora brumæ.

Iamque mortales simulata cultus

Inter humanas manifesta turmas,

Nesciam gaudes lepido cateruam

Ducere ludo.

Inter & cœtus, solidamque plebem

Libero gestis volitare gressu, &

Ire per vicos, populique densas

Ire per Vrbes.

Vtilis morum, placideque fortis

Certa permissi dare iura Recti, &

Siderum solers, patrioque mentem

Didita cœlo.

Qualis vmbrosâ Libanitis aurâ

Gedrus, aut læto cyparissus amni.

Qualis attolit caput è Cadanis

Sylua viretis;

Qualis Eois rosa regnat hortis,

Aut Idumæis opulenta baccis

Palma, quam præter fugientis humor

Educat vndæ:

Vere tu vincis veniente flores,

Vincis Autumno remeante vitess

Vincis & succos, & odora Medi
Vulnera trunci.

Myrtheas vincis lachrymas & vdos
Balsami rores, & ineuolutos
Cinnami libros, volucremque sicci
Corticis auram.

Pampinus multâ tibi cedit vuâ,
Cedit effusis terebinthus umbris,
Ver & Autumnus simul os decoris
Extulit aruis.

Sceptra te circum, Trabeæque & alta
Turba fortunæ, famulique retrò
Nimbus argenti fluit & frementum
Vulgus honorum.

Prona te longè coluere regna,
Et per insignes gradientem & imos,
Et minas regum super, ac Tyrannorum:
- Ardua colla, &

Pauperum cœtus, humerosque vulgi
Ire sublimen. Tibi lætus Afer,
Et pedum Maurus minor, & supinis
Sarmata palmis

Scuta deponunt. Tibi China nuper.
China non notæ dominator actæ,
Et ferox Iapon, & Arabs Latinis
Accidit aris.

Commodet raucus tibi sinistra Nilus,
Te sonet pulsus Arimaspsus armis,

Te Lyci potor, vtreique dicat

Ciuis Enipei.

Prodigus laudes tibi fundat Ister

Ostijs septem; tibi manet ingens

Tybris, immensâque vehat sonorum

Mole tributum.

Tuque neglectas miserata gentes,

Nuper heu fœdis malè pulsa rixis

Cassa bellorum refer heu pudendis

Otia terris:

Si tuam votis veneramur urbem

Omnis Europe, Latiumque supplex

Præna certatim culimus quaternis

Oscula portis.

Pelle vesanas Dea pelle cædes,

Quæque vicinis agitata pugnis

Bella durauère sonora crudo

Secula ferro.

Neu nimis nostris inimica culpis

Oderis cerni: dominamque Romanam

Nubium curru super, & niuosis

Vise quadrigis.

AQUILÆ RADIVILÆ

Nuptialis Pompa.

AD PRÆSVLEM VILNENSEM,

Dithyrambus.

A Ge Musa nuptiales
 Imitata voce plausus,
 Per feracis arua Vilnæ
 Quære flores, carpe frondes :
 Carminumque mille foeta
 Vere pulchro cinge, pulchro rore sparge tēpora.
 Parce nunc Horatiano
 Alligare verba nodo:
 Age, molliora blandi
 Quære plectra Claudiani ;
 Mitte bella, differ arma ,
 Hospitisque Dythyrambi voce Vilnam persona.
 RADIVILÆ stemma ceræ
 Alitem Iouis ministrum,
 Qui per auras, qui per ignes ,
 Mille gyros, mille tractus
 Remiges fatigat alas ,
 Barbitique Carminumque voce, cœlo deuoca.
 Ales armiger Tonantis ,
 Blande fulminum satelles,
 Mitis ignium Tyranne ;
 Nubiumque, turbinumque

Linque serus officinas,
Carpe frondes, & paterno sterne nidum stemmat
Carpe flores, quos maritis
Parturiuit ALBA campis,
Carpe frondes, quas paterni
Educauit vnda Chroni.
Quæ vel addibere Vilnam :
Vel propinguae lene murmur audire Viliam,
It volantis aura prati,
Nexilis florum procella,
Pingit Euros, & remisti
Lilijs pluunt acanthi :
Ludibundi veris imber
Spargit arua, spargit vrbes, recta spargit urbium
Ille nubium viator
Pulcher ales, vt virentem
Nube diuidit pruinam !
Proque grandinum molesto
Dejicit ligustra nimbo,
Et rosæ pro rubenti rubra iactat fulmine.
Iactat herbas, quas iocantis
Ludit inter ira venti,
Quas adhuc seueriores
Ore bruma non momordit,
Sed Fauonius repenti
Fouit ore, fouit vdis Æolus suspirijs.
Ite bella, quæ cruentis
Ira colligat catenis.
Perque viua regna Floræ

Nuptialis insolenti
Vere frondeat Nouember.
Quà maritus alba calcat, quà marita lilia.
Æstuantis arua ponti
Vexet innocenter Eurus,
Ad fugacis agmen vndæ
Ter quater reuerberatis
Aura rideat cachinnis,
Ludicri fluenta perflent sibilis Etesia.
Magne Præsul, quæ profano
Ominamur ore vates
Auspicata verba Sacro
Omineris ore Præsul.
Littauæ fidus coronæ,
Littai lumen Senatus, sol, VVOLLOVVICIA-
Sir perennis ille torrens (DVM.
Illa vena iugis auri,
Eloquentis ille linguæ
Amnis irriget Senatum.
Architecta gratiarum
Illa longum verba pronis imperent Quiritibus:

MATTHIÆ CASIMIRI
SARBI EVII
SOCIETATIS IESV
EPIGRAMMATVM
LIBER VNVS.

AD TARQVINIVM GALLVTIVM
è Societate IESV Oratorem &
Poëtam clarissimum.

*Cum ei sua de Diuino Amore Epi-
grammata traderet.*

I.

DVm tibi diuinos iussi ferremus Amores,
Vrget Amor gressus ferre, referre Timor
Hic trahit, hic retrahit gressus: hic pugnat, & ille
Ille suis nixus viribus, iste suis.
Hic iaculum iacit, ille iacit: pugnatur: Amori
Tela Timor, vitat tela Timoris Amor.
Vt tibi diuinos tandem ferremus Amores:
Victus vterque fuit, victor vterque fuit.

Reli

II.

RELIGIOSVM PAUPERATIS
VOTVM.

*Si dederit homo omnem substantiam pro dile-
ctione, quasi NIHIL despiciet eam.*

CANTICORVM S.

VEnalem nuper cœlo mercabar Amorem.
Quis credat? qui se venderet, ipse fuit,
Aurum donabam: sed emi se noluit auro.
Cum largirer opes, rejiciebat opes.
Omnia donabam: sed noluit omnia, totum
Quod superest: (inquam) si placet, aufer, Amor:
Risit, & æthereo quid inutile quæris Amori
Sollicitus pretium? da NIHIL (inquit) Emes?

III.

*Hastiludium Fortune & D. Amoris.
Dotalis, Fortune anulus, orbis.*

Seneca.

*Deus est Sphæra: cuius centrum est ubique,
circumferentia nusquam.*

Proclus.

Meta volaturæ steterat teres anulus hastæ,
Anulus ad dociles peruia meta manus.
Anulus orbis erat: Fortune ciebat ad Orbem,

146 EPIGRAMMATVM.

Et simul æthereus tela ciebat Amor.
 Fortunæ mediam teres anulus induit hastam.
 Maior, ait, nobis meta petetur, Amor,
 Et temerè iactum iaculatus in æthera telum,
 Nusquam meta mea est, inquit, ubiq; mea est.

IV.

Veniat dilectus meus in hortum suum.

CANTICORVM 5.

Pleber Amor sumpsit rudis instrumēta coloni,
 Et sua deposuit tela, suasque faces.
 Et manibus stiuam rapuit: castique laboris,
 Ad sua ruricolos iunxit aratra boues.
 Illicet, vt facili subuertit vomere corda,
 Castaque virginibus Gratia creuit agris:
 Flos, ait, vnus abest: sunt cætera millia florum.
 Vt nullus possit, Christe, decesse, Veni.

V.

*De S. Mammete Mart. à Leonibus, quibus
 erat obiectus, intacto.*

Paruus in extremam Mānes descendit arenam,
 Squallebant renui pallida membra fame.
 Horruit hanc prædam venantūm turba ferarum
 Et potuit sese vincere longa fames.

Vnde proteruorum ieiunia victa Leonum ?
Sic docuit Martyr : sic didicere feræ.

V I.

De eodem.

PRætor inhumanis, Mâmes, te dentibus offert;
Immaturus adhuc, paruule, Martyr eras.
Præside mansueti sed plus sapuere Leones,
Pro puero mores dedidicere suos.
Norant septenni faciles ignoscere prædæ :
Cui prætor rabidas iusserat esse feras.
Parcere si placidi puero sciuerunt Leones,
Illi Prætores, tū Leo Prætor eras,

V I I.

*Quis mihi det te fratrem meum sugentem
vbera matris meæ, ut inueniam
te foris.*

CANTICORVM 8.

QVò tandem meus auolauit ille,
Formosissimus ille natus, ille,
Quò tandem meus auolauit, Infans ?
An iam Bethlemium reliquit antrum,
Natalesque casas, & hospitalis
Fortunata petit fluuenta Nili ?
Obstent culmina, fabulosus obftet
Æmus, Pelion, Ossa, Pindus, Othrys.

148 EPIGRAMMATVM

Vt pulsum celer assequar puellum ,
 Nimbis ocyor ocyor procellis ,
 Pergam per saliceta, per rubeta ,
 Per deferta per asperos hiatus ,
 Per spineta, per iliceta pergam.

An rursus Pharias proisus oras
 Damnato redit exul è Canopo,
 Tranquillamque petit redux Idumen?
 Vt pulsum celer assequar puellum:
 Stent inter scopulique, frondeisque
 Sylvæ verticibus mimentur inter,
 Damis ocyor ocyor capellis,
 Vadam per fruticeta , per vepreta ,
 Per dumeta, per inuios recessus ,
 Per querceta, per æsculeta vadam.

An larè Solymas peragrat oras.
 Et Pinguis iuga calcat Hermonæi ,
 Carmelique super niuale tergum
 Formosis spatiat in viretis ,
 Quà circumfluus elegante ripâ ,
 Singultantibus euolutus antris
 Iordanes sonat, & remurmurantes
 Sese fluctibus alloquuntur vndæ?
 Vt pulsum celer assequar puellum ,
 Pardis ocyor, ocyor leanis,
 Curram per siliceta, per fruteta ,
 Per pineta, per obuias paludes ,
 Per saxeta, per arboreta curram.

An nostri vitijs iniquus orbis

Centum Tænarios triumphat hostes,
Stellarumque procùl fauente pompâ,
Phœbi scandit equos, & ordinata
Molli sidera temperat capistro?
Vt lætum celer assequar puellum,
Fulgetrisque curulibusue flammis,
Aurigantibus Africis & Euris,
Et blandis Zephyris, Fauonijsque
Per lenes ferar inquietus auras,
Et desiderij vehente pennâ
Spirantùm vehar effedo Notorum,
Vernarumque rotis Etesiarum.

Sed quò me rapit incitatus ardor?
Ambo ludimur, ambo : dum puellum
Quæro, quærit & ipse me puellus,
Et vastos procùl obsècrat recessus,
Obtestatur agros, nihilque de me
Respondentia sciscitatur arua :
Sic & me fuga ludit & puellum,
Stabo, quémque vagum nequit, videbo
An possit DEVS inuenire stantem.

150 EPIGRAMMATVM

VIII.

DED. MARIA MAGDALENA.

*Per vicos & plateas queram, quem diligit
anima mea.*

CANTICORVM 3.

ET gemit, & miseris singultibus astra laceffit.
Et falso teneras irrigat amne genas.
Et caua per, per acuta celer, per inhospita fertur:
Et per aperta fugax, & pes iniqua ruit.
Quid facit ad tantos tã prodiga lachryma cursus,
Magdalis in lachrymis nauigat ipsa suis.

IX.

De Puero Iesu nato.

Quid esse possit hoc puello carius,
Cui mellis ore plena manat copia,
Illime plenis balsamum riuis abit,
Et liberali nectar amne labitur,
Stellæ serenis illigantur crinibus,
Puraque cirri luce ceruicem rigant,
Et è bisulcâ siderum natus face

Pectit coruscas aureus pecten comas ?

Sed exolerâ nascitur puer casâ ,
 Et exquilino natus in fimo iacet ,
 Dextrâque culmum prensat, & fœnum premit,
 Cœloque corâ nudus, & corâ gelu
 Iniuriôsâ stringitur puer niue.
 Quid esse possit hoc puello vilius ?

X.

Casta sed fœcunda.

Memores uberum tuorum. Cant. 1.

Ibi dabo tibi ubera mea. Cant. 7.

Velle meas, mi Sponse, canis te fugere mamas
 Sic quæ Sponsa fui, iam tibi mater ero.

Ipsa tuas etiam memini me fugere mammas ,

Sic qui Sponsus eras, tunc mihi mater eras.

Ambo iterum bibimus de mammâ sapius vnâ :

Sic soror ipsa tibi : tu mihi frater eras.

O Amor, vnus Amor, quos non effingis Amores?

Omibus omnis eris, si tibi nullus eris.

152 EPIGRAMMATVM

XI.

*Surge Aquilo, & veni Auster, perfla hor-
tum meum, & fluent aromata illius.*

CANTICORVM 4.

Astra rogant lenes morientia lilia nimbos,
Et rosa sub nimio sole precatur aquas.
Quid faciat? ventos Amor aduocat, aduocat im-
Irriguo quorum rore reuixit ager. (bres:
O casti flores! quos vt colat, ipsa labore
Terra quidem spirat, sudat at ipse polus.

XII.

De Puero IESV castitatis amatore.

Ego flos campi. CANT. 2.

Etesiarum Gratia, vagorumque
Fauoniorum, Sarmataeque tibicen
Septentrionis, & Britanne cum Cauro
Apeliota, Regis Aëoli turmæ,
Circumuolate præpetes meum florem,
Blandoque lætùm sibilo salutate:
Dulcésque malas, floreámq; ceruicem,
Corallinúmque floris aurei labrum
Nō flante naso, nec tumentibus buccis,

Sed complicatis osculemini labris :
Sed antè frontem, mystacàsque nimborum
Abradat Auster, & nouaculâ veris
Morosus vdam tondeat Notus barbam ,
Ne recta puris obstet osculis seta.
Tum verò fudi gratiâ decens vultus
Tam delicatum basiabitur florem,
Et lenis auræ murmur in susurrabit.
Adsint & omnes graminûmque florumque ,
Omnesque castæ Chloridis venustates,
Suasque vadant ordinata per turmas ,
Argenteorum castra lilietorum,
Et aureorum copiæ rosetorum :
Omnes supinâ supplices comâ, reddant
Suo tributum laudis Imperatori ,
Nouâmque veris gratulentur ætatem.
Neu sit pudori, lilijsque, nardisque ,
Pronisque calthis, cernuisque verbenis,
Rogare velle floridæ iuuentutis
A liberali Rege prærogatiuam ,
Et castitatis impetrare decretum.

Exinde pulchra connocentur ad signa
Sub castitatis Rege militaturi,
Tecti rubente fusilis comæ cristâ
Duces acanthi, militésque verbenæ ,
Amazonûmque prima turma caltharum.
Eant & Indi pròtinus Granadilli ,
Et expeditis spiculisque clauorum,
Hirtisque spinis, lanceis, flagrisque,

154 EPIGRAMMATVM

Contra furores audeant Dionæos
 Veneficorum senticeta philtorum.
 Herbosa contra tela, Cyprios flores,
 Amasiosque dimicare Narcissos.
 Morare miles? & vocante Bellonâ,
 Sparsi per hortos otiamini flores?
 Flos ecce vestri primus agminis Dactor
 Pro castitatis laude præliaturus
 Se Martiali collocavit IN CAMPO.

XIII.

Lampades eius lampades ignis.

CANTICORVM 8.

- O** Ego si fierem medio sita cardine tellus:
 Sponse, tuâ stare pendula Sponsa manu
 ○ ego si fierem liquido torrentior amni:
 Ad nutus fluere lenior amne tuos.
 ○ ego si fierem rapidis pernicio Euris:
 Fingerer obsequijs promptius ipsa tuis.
 ○ tandem nisi sim celeri velocior igne,
 Vel fieri cuperem cuncta, & esse nihil!

XIV.

Trabe me post te, curremus.

CANTICORVM I.

MI Iesu, sine te per opaca per inuia tendam?
 Et potero longas te sine ferre moras?
 Fœlix, ah fœlix olim tua Magdala, quæ se

Nexuerat vinctis ad tua crura comis
 Sic comes illa tuum nunquam linquebat Amorē:
 Tu captiuus eras illius, illa tui.
 Altera ne dubites ego sum tua Magdala, Christe:
 Ergo trahas vel me, Sponse, vel ipse mane.

XV.

Ad omnia versatilis.

Castus Amor ramo pharetram commendat &
 arcum;
 Arma valete : nouum me vocat, inquit opus,
 Plana per æquales se strauerat area campos,
 In glacie qualem Dædala fingit hyems.
 Hic Amor adducto ludentis more flagello
 Ludendi locus est, sed trochus (inquit) abest.
 Eia cor huc prodi, clamo: cor prodit, & inde
 Dum putat esse trochū, cor mihi versat Amor.

XVI.

D. Magdalena sub Cruce flens.

Ah sitio! clamas : absunt his rupibus vndæ,
 Sola fluunt oculis flumina, sola bibe.

156 EPIGRAMMATVM
XVII.

Reuertere Sunamitis. Reuertere dilecte.

CANTICORVM 6.

INsequeris, fugio : clamasque, reuertere, Iesu:
Et reduces ad te flecto repentè vias.
Insequor, ipse fugis; clamoque reuertere Iesu:
Et faciles ad me flectis amicę vias.
Assequeris, fugio : fugis, assequor: O bonus error!
Obsequij foelix ô in amore fuga!
Ad te, ne fugias, tua me fuga, Christe, reducet:
Dux tibi ne fugiam, vel meus error erit.

XVIII.

*Sacri studiosus Obsequij Cadauer est.
Fortis ut Mors dilectio.*

CANTICORVM 8.

VT scires, quo, Christe, tui flammater amore:
Non vnus pro me nuncius iuit amor.
Cor ad te misi, Cor non est, Christe, reuersum:
Mitto voluntatem, Christe, nec illa redit.
Vt tandem totam posset tibi dedere mentem
Intellectus erat missus, & ille manet.
Nunc animam mitto, quòd si non illa redibit,
O ego quàm viuam, Christe, cadauer ero!

XIX.

Epitaphium viuo.

ET viuo, & morior, quid inanes demoror auras?
 Quid iuuat ambiguis nectere fata moris?
 Construe perpetuis halantem floribus vinam,
 Et tumulum nobis pone superstes Amor,
 Hic sepeli miserū, & lachrymis adsperge iacentē,
 Et duo marmoreis carmina cæde notis:
 Et viuo, & morior: possis in amore Viator
 Et quo viuo, mori; & viuere, quo morior?

XX.

*Bernardino Hosti missa Imago Christi
 cruci affixi.*

ME segnis non figis Amor? sunt omnia præsto:
 Crux arcus, iaculum Christus, & Hostis
 ego.

XXI.

Super rinulos aquarum.

ERrabam nuper vitreas propè Tybridis vndas,
 Quà solet ad scopulum naufraga lympha
 queri.
 Dicebam: mea lympha, meos lachrymeris amores.

158 EPIGRAMMATVM

Nam me iam lachrymæ destituere meæ.
 O ego si possem fieri tam prodigus annis,
 Æternâ fluere pulchra per arua fugâ.
 Hæc ego : sed tacitas suspendit lympha querelas:
 In me mutari forsan & ipsa cupit.

XXII.

*Imago B. Stanislai Kostkæ
 Romana.*

Q Vis te tam lepidâ mentitur imagine pictor?
 Quæ tam viua tuas temperat vmbra genas
 Tu palles, pallet, quod si rubet illa, rubescis.
 Tu vitâ, vitâ non caret illa suâ.
 Tu sine corde manes : manet hæc sine corde, lo-
 quente
 Te loquitur, visus te iacente, iacit.
 Par est laus vobis, disparque : fidelis imago
 Illa tui : sed tu STANESILAE Dei:

XXIII.

Nuncietis ei, quia amore langueo.

CANTICORVM 5.

P Orrigo dum terris aures, dum surrigo cœlo :
 Clamat, Ama, tellus, clamat Olympus,
 Ama.
 Sint irata licet, gelidum mare suadet amare,
 Fulgur amore micat, fulmen amore tonat.

Aura tuos, Ignisque mihi commendat Amores,
 Saxa repercussis vociferantur aquis.
 Non opus est post hac nobiscū, Christe, loquamur:
 Orator nostri mundus Amoris erit.

XXIV.

Amor Diuinus.

Cor mihi clamat : Amor clamat : Cor dormit, & ille.

Ambo tacent : surgit Cor mihi, surgit Amor.
 Cor mihi plorat : Amor plorat: cor ridet, & ille:

Ambo canunt: plaudit cor mihi, plaudit Amor.

Tēne verecundi Cor Amoris dixero fratrem?

Tēne mei fratrem dixero cordis, Amor?

Nescio, quid sit Amor cordi, quid cor sit Amori?

Hoc scio quod totus Cor ego: Christus Amor?

XXV.

Osculetur me osculo oris sui.

CANTICORVM I.

Quarebam nostris si quis daret oscula labris,
 Dum meus, heu, longo tempore Sponsus
 abest.

Oscula poscebam cœlum: dabat oscula cœlum:

Sed satiare meas non potuere genas.

Oscula poscebam terram: dabat oscula terra:

160 EPIGRAMMATVM.

Sed fuerant tactis asperiora petris.
Terra vale, cœlumque vale, dabit oscula Spōsus:
O essent, quot sunt vota, tot ora mihi!

XXVI.

Meliora sunt vbera tua.

CANTICORVM I.

HInc mihi se Tellus mensâ ponebat in vnâ,
Inuitans tacito murmure: Sponsa sede.
Illinc se paterâ mare propinabat in vnâ,
Increpitans rauco vortice: Sponse bibe.
Tunc ego: Terra tuos nolo, Mare nolo liquores:
Tu mihi, Sponse, fames, tu mihi, Sponse, sitis.
Audijs & geminum Sponsus mihi protulit Vber:
Tu mihi, Sponse, cibus, tu mihi potus eris.

XXVII.

De Angelo B. Aloysio astante.

QVàm benè siderei vultus imitatur Ephebi,
Et simili ridet lacteus ore puer!
Hic niueis par est, niueis par ille ligustris:
Ille rosâ, multâ purpurat iste rosâ.
Pura verecundo sublucent lumina sole:
Et roseus teneras stat pudor ante genas.
Dissimiles habitu, similes sibi moribus ambo:
Dicite, sint similes, dissimilésne magis?

XXVIII.

De eodem.

A Ngele GONZAGA es: si pictas exuis alas:
Si GONZAGA alas induis: Angelus es.

XXIX.

Venatio Amoris.

V Enatum cæli croceos Amor ibat in agros:
Sed, qui corda pius depopulatur Amor,
Occurrere lupi, procùl occurrere leones,
Et procùl in iaculis hispidus ibat Amor.
Ecce volaturæ vix erupere sagittæ,
Protinus ætherææ procubere feræ.
Quid clausum tam sæua iuuat custodia cælum?
Pandit Amor planas per fera monstra vias.

XXX.

Venatio Amoris & Iesu.

S Virge, volaturas Amor eiaculari sagittas:
Es mihi meta Deus, sum tibi meta Deus.
Corda cruentandis pateant tua Christe sagittis,
Ut fias iaculis faucia præda meis.
Corda cruentandis pateant mea, Christe sagittis,
Ut fiam iaculis faucia præda tuis.
Quàm tibi, Christe, capi, venari tam mihi dulce:
Quàm tibi venari, tam mihi dulce capi.

XXXI.

*Sagitta Diuini Amoris.**Vulnerasti cor meum.*

CANTICORVM 4.

Illa ego fidereis de prompta Sagitta pharetris,
 Quàm pius ad superos ei aculatur Amor.
 Quæro meam, sed quæro meo sine vulnere metâ,
 Nam mea non didicit vulnera ferre manus.
 Quis credat potuisse dari sine vulnere metam?
 Hic requiesce meo vulnere, Christus ait.
 Accelero, metamq; premo sine vulnere: sed iam
 Ne possem vulnus figere, vulnus erat.

XXXII.

*B. Aloysius pingitur inducto super
 togam Linteo.*

Pulchra Dies, & Nox pulchræ germana Dici,
 Artificem puero fortè locabat acum.
 Altera prætextam, longam dabat altera pallam,
 Illa nigram, niueam neuerat illa togam.
 Quos puer vt riguos in se conspexit amictus
 Et Nox, & moto fulsit ab ore Dies.
 O formose puer! quò se formosior esset
 Ipsa puer te Nox induit, ipsa Dies.

XXIII.

*Donec aspiret dies , & inclinentur
umbra.*

Quid nocti lumen , luci quid quarimus um-
bram ?

Nocte dies nobis est Amor : umbra die

XXXIV.

Fortis vt mors dilectio. Cant. 8.

Mors & amor gemini pugnant de laude tri-
umphi,
Mors pharetrâ , pharetrâ conspiciendus
Amor.

Mors ait, expugno certis ego corpora telis :

Expugno flammis pectora, dixit Amor.

Maiores ait, mihi Mors victoria cedit Amore.

At mihi maior, ait gloria cedit Amor.

Tentarent & Tela, pares nisi diceret esse

Victor utroque Deus, victus utroque Deus

XXXV.

Inuerfa & humi iacens retrò

B. Aloysij Corona.

Qualis vbi liquidæ riguis singultibus undæ
Froluit aprici culta Galeus agri :
Talis in assiduos lachrymis ALOYSIVS imbres

164 EPIGRAMMATVM.

Liquitur, & puris pectus inundat aquis.

Scilicet ex istis nascuntur lilia riuis,

Déque pio viuus flumine potat ager.

Quid mirum? si versa retrò, si spreta Corona,
Quam dominus fletu sparserat, occat humum.

XXXVI.

Eiusdem posita retrò Corona.

AVrea cum felix diademata poneret hæres,

Visa sibi raptis flere Corona comis

Cumque suos iterùm veller circumdare crines,

Ad domini caros procubuisse pedes.

Ipsè sed acciduum pedibus calcasse coronam

Fertur, & ingratas post habuisse preces.

Illa retrò reuoluta, iacens: lux Principis olim,

Vmbra mei post hac Principis, inquit, ero.

XXXVII.

Qualis est dilectus tuus?

CANTICORVM S.

Qualis erat, tuus ille? tuus pulcherrimus ille?

Dicebat nuper nescia turba mihi.

Arripio dextrâ pennam, læuâque tabellam,

Et noto, Christe, tuo quicquid in orbe noto.

Pingo rosas, aurum, gemmas, viridaria, syluas,

Arua, lacus, celeri sidera pingo manu:

LIBER VNVS 165

Et tabulam monstrans, noster pulcherrimus, in-
quam,

Qualis erat, vultus discere? talis erat.

XXXVIII.

Caput eius aurum optimum.

Manus eius tornatiles aureæ.

CANTICORVM 5.

Ponite gemmifero, frondentia ferta metallo,
Pulchra triumphales ponite septra manus.

Rex meus est Iesus: Rex formosissime Regum,

Tu mihi Dictator, tu mihi Cæsar eris.

Qui sceptri fulgore caret, qui luce coronæ,

Rex, ait, ille tuus? Rex erit ille meus.

Cui caput est aurum, manus est tornatilis auro,

Illius est Sceptrum, dextra: Corona caput.

XXXIX.

In idem sacrum Canticum.

Vitis eram: nostros carpebat nemo racemos;

Flumen eram: nostras nemo bibebat aquas;

Arbor eram: nostrâ nemo confedit in umbrâ;

Ductor eram: nostrum nemo tenebat iter;

Phœbus eram: nostro lucebat lumine nemo;

Umbra fui: nostrâ nemo quieuit humo.

166 EPIGRAMMATVM

Quid faceret Iesu? Aurum placet omnibus
Aurum

Vt placeam post hac omnibus, inquit, ero.

XL.

Veni de Libano Sponsa.

ET fugis, & fugiens clamas, quid Sponsa mo-
raris?

Non fugis, vt fugias : vt capiare, fugis.

XLI.

De Pullato & Linteato Aloysio.

Q Vem pullæ cernis squallentē in funere pallæ,
Hunc nimius sacro terruit igne Deus.

Quid niueum, Pictor, pullo superaddis amictum?

Et regis hybernâ torrida membra niue?

Hæc, vbi fidereos iuuenis conceperit æstus,

A minimo Domini vestis amore fluet.

Perge tamen liquidas gelidâ niue spargere flam-
mas :

Vt liquidum à flammis discat amare gelu.

XLII.

Pullatus post Prætextam Aloysius.

*Alluditur ad Mincium hospitem
cygnis fluuium paternum
Aloysij solum.*

VEctus oloriferi iuuenis propè fluminā Mincî
Ibat in herbosos Castilionis agros.
Hic niuei dominum cùm mirarentur olores,
Squallida mutatâ pallia ferre rogâ.
Pullarum fleuêre ducem, visusque repentè
Plurimus attonito Cygnus ab amne queri.
Atque aliquis: quin nos etiâ nigrescimus, inquit,
Quando tam niueus sponte nigrescit olor?

XLIII.

Oculi B. Aloysij lachrymabundi.

QVis modus, ô oculi, nimis manare fluentis,
Et teneras fletu perdere velle genas?
In fluuios liquidis, abeunt duo lumina riuis,
Et lachrymæ gemini fluminis, instar eunt.
Interea medio fluitant suspiria luctu,
Et pius irruguas ventilat Eurus aquas.
Remigium, socij, naues & vela paremus:
Sunt, quibus in cælum velificemur, aquæ.

XLIV.

*B. Aloysio in horâ meditationis con-
stituto Roseum imminet
Sertum.*

PUlchra coloratis vbi pingitur Hybla rosetis
Sicanias triplex colligit Hora rosas.
At modò quòd croceos religât tibi ferta capillo
Vndè repentinis emicuère comis?
Te Matutinæ pietas modò detinet Horæ,
Illa tibi viuo tempora flore ligat,
Quot tibi mille legent formosos Secula flores
Vnica millenas si legit Hora rosas?

XLV.

De eodem Serto.

IPsa corona, rosa est puero? puer ànne Coronæ
Ipse rosa est? puer est ipse Corona, Rosæ.

XLVI.

*B. Aloysius sacro lumine
circumfusus.*

NOx erat: & posito iuuenis requierat amictum
Venit Amor, posita se regit ipse togâ.
Sic ibat! sic ipse nigrâ sibi veste placebat!
Sic erat in refuò plurima ruga sinu!

Intereâ tacito vestes vruntur ab igni,
 Et bibit admotas proxima palla faces.
 Manè vigil positos iuuenis repetebat amictus,
 Et circumfusæ luxit in ignæ togæ.
 Non miror iuuenem tacitis arsisse fauillis,
 In tacitas, miror, non abisse faces.

XLVII.

Oculi B. Aloysij.

Bis geminos olim mater Natura lapillos
 Pygmalioneas inter habebat opes.
 His frenare comas, & eburnea cingere colla;
 Hos memori nusquam mittere velle manu.
 Et chalybum nodis, & ahenò veste solebat,
 Et vigili clausos sollicitare serâ.
 Parua tamen caris custodia visa lapillis,
 Quæuè moram furto tollere posset, erat.
 Ergo pro geminis ALOYSI munus ocellis,
 Accendit geminas casta per ora faces.
 Tam fortunatis, inquit, custodia gemmis
 Firmior esse potest, tutior esse nequit.

XLVIII.

Lilia manu præfert Aloysius.

Hæc, quæ virgineis nituntur lilia culmīs;
 Vnde verecundas explicuere comas?

H

170 EPIGRAMMATVM

Non generant similes Pæstana rosaria flores,
 Nec simili Pharius messe superbit ager
 Non hæc purpureis mater Corcyra viretis,
 Nec parit æquoreis pulsa Carystos aquis.
 Cum nullas habeant natales lilia terras,
 Quis neget è castâ lilia nata manu?

XLIX.

*Petro Malaspina Rectori Florentino
 Societatis I E S V.*

SCitata est flores nuper Florentia: cingat
 An bona spina suas, an mala spina rosas:
 Optauêre malam, tangi quæ fortè volebant,
 Nam mala tacturos pungere spina nequit.
 Oprauiêre bonam, tangi quæ fortè negabant:
 Nam bona tacturos pungere spina solet.
 Sic demùm variam clausit Florentia litem,
 Esset vt alterutris affita spina Rosis.
 Nullus vt has tangat, tangantur ab omnibus illi
 Sit bona Spina Malis, sit Mala Spina Bonis.

L.

De Capto Oromusio.

*Quæ vrbs vulgò ab Indis Gemma orbis
terrarum appellatur.*

A Nulus est Orbis, pulcherrimus anulus orbis
Indurus digitis Lysia pulchra tuis.
Non tamen ille fuit pulcher sine diuite gemmâ,
Diues Oromusij nam sibi gemma fuit.
Gemma fuit, non est: subiti nam turbine belli
Nuper Erythreo perdita gemma luto est.
Ergò tuam quæres pulcherrima Lysia gemmam
Inter barbaricos Persica busta sinus.
Ecce meos (inquis) poscunt mea regna lacertos,
Ecce meas poscunt Chinica claustra manus.
Non opus est humeris: Oromusia, gēma videtur:
Ipse satis pollex, vt capiatur, erit.

L I.

*Ioanni de Lugo , dum post morbum ad
intermissam de Pœnitentiâ
doctrinam rediret.*

Fertur inornatis nuper Metanœa capillis
Flesse, repentinâ cum raperêre febri,
Fertur & indomito frenos laxasse dolori,
Et lachrymis madidos exhibuisse sinus.
Cum rursus domito repetis tua pulpita morbo,
Fertur inornatas disposuisse comas.
Et domitos hilari risu frenasse dolores,
Et lachrymis vacuos explicuisse sinus.
Quis, Pater, incolumi de te non gaudeat, ipsæ
Si gaudent Lachrymæ, ridet & ipse Dolor?

L II.

Ad Pontilianum.

E Templis quoties redeo, Pauliûc sacello,
Occurris reduci, Pontiliane, mihi,
Et subito quæris: placuêre palatia Pauli,
Et Pelusiacâ secta sacella Pharo?
Cum dixi nitidis placuisse palatia tectis,
Et placuisse suis, ardua templa tholis.
Tu rursus, fontesque tibi, circosque placere,

Vasta placere crepas amphitheatra tibi.
 A placitis cessa, ne Roma Placentia fiat:
 Ipse Placentinus ne videre, tace.

LIII.

*Augustino Vinaldo primum in Lithuania,
 ac deinde Romæ Prouinciali Preposito
 Societatis JESV.*

CVM te Parthenope Patrem, cùm Parma vocaret,

Oprarerque suum Trinacris ora Patrem,
 Roma suas dominis mundi de montibus arces
 Prospicit, & studiis inuidet vna trium.

Quid faciam? Parmæ cedam? Trinacria flebit:

Parthenope cedam: Parma, queretur: ait.
 Trinacriæ cedam: Siren & Parma querentur.

Quin potiùs tantum fortior ipsa Patrem:
 Cedite iam Natæ, Matri concedite Patrem:
 An non vester erit, si meus, inquit, erit?

LIV.

De Timido Ansa Fulvio.

DVM bellicosus nuper Ansa prandentes
 In Othomanum Sarmatas adhortatur,

174 EPIGRAMMATVM

Prandete, dixit, milites, triumphalis
Iam cœna vobis præparatur in Cœlo :
Dixit : sed ipse iam mouentibus signis ,
Et buccinarum, tympanique rumore
Perterrefactus, ordiente Bellonâ ,
In ciuitatem primus Ansa profugit.
Interrogatus inde cur fugam mallet,
Et cur ad astra nollet ire cœnatum ?
Hac luce, fallax inquit Ansa, ieiunio.

L V.

*Augustino Vinaldo Preposito Prouinciali
Romano Societatis 7 E S V.*

CVm te nuper Honor liquidis circumuagus
auris

Altus inauratis insequeretur equis ,
Trans Alpes, Helicenq; volas, vbi preñsus Honori
Dignaris meritâ Littaua frena manu.
Cum tamen ingratos aspernareris honores ,
Itala festinâ corripis arua fugâ.
Hic Latias iterum caperes cum iussus habenas ,
Et victus meritis erubuisset honor ,
Non pudet à merito, dixit, me præside vinci :
Sed vinci toties à fugiente pudet.

LVI.

*Scitum arrogantissimi Ministrī
Caluiniani Tauelli.*

Ad Cassianum.

Nolo videri, sed suspici.

NON vult videri, CASSIANE, TAVELLVS;
A me TAVELLVS suspici cupit semper.
Nolo, videre, CASSIANE, cœnantem.
Stantem videre nolo, nolo currentem.
Et dormientem nolo, nolo stertentem:
Nō vult videri, CASSIANE, TAVELLVS:
Sed vt TAVELLVS suspici mihi possit,
Volo videre, CASSIANE, pendentem.

LVII.

Ad Plautum.

SIUE peregrinas mittam tibi, Plaute, Camœnas,
Siue Medusæis fusile carmen aquis,
Non poteras, inquis, melius mihi mittere carmē,
Nec melius magno cum Cicerone loqui.
Non poteram melius: laus hæc mihi falsa videtur.
Quæcūq; vel inuiti stipitis esse potest.
Laudari puro me melius potuisse, sed à te
Laudari melius non potuisse puro.

LVIII.

Mater Neronis ad Neronem.

Quò gladium vibras : vtero, mammisne minaris :

Ah reprimat cæcus nescia tela furor !

Lactabam mammis vtero te, nate, ferebam :

Dignus erit veniâ forsan vterque locus.

Erramus, qui te miseras malè fudit in auras,

Dignus vterque mori : Cæsar vtrumque fexi.

LIX.

*Eloquentia Francisci Cardinalis
Barberini.*

Qualis odoriferi per aprica rosaria Pindi,
Garrit Hyantææ lubricus error aquæ :
Talis Apollinææ Procerum doctissime linguæ,
Pura palatinas copia fundit opes.
Et tibi doctiloquæ posuere silentia Cirrhæ,
Victaque pegaseus comprimit ora liquor.
Sæpè loqui docto possit cum principe Roma:
Discet ab egregio principe Roma loqui.

LX.

Eiusdem sacra Poësis.

CVM tibi Pierios velaret purpura crines,
 Visa sibi raptis Laurea flere comis.
 Illa fuit nostris quondam data gloria ramis :
 Cede meis, inquit, purpura cede comis,
 Risit, & è summo, respondit purpura vultu :
 Cingo meas, inquit, laurea, cingo comas.
 Quid faciris: meritos ambæ præcingite crines :
 Laurea Vatis erit : purpura Regis erit.

LXI.

*Ad Adm. R. P. Mutium Vitellescum
 Præpositum Generalem Societatis
 JESV.*

EXcubat in medio tibi pulchra Modestia vultu,
 Et niueus roseo regnat in ore pudor :
 Simplicitas oculis, sacrâ Facundia linguâ,
 Ridet in argutis Gratia viua genis :
 Maiestas humeros, placidam Clementia frontem,
 Pura verecundus pectora Candor habet :
 Præ foribus famuli, video, famulaq; morantur :
 Virtutem Dominam quis neget esse domi :

H S

LXII.

Cerea Neronis effigies.

DVrus & in molli figit Nero vulnera cerâ :
 Mollis & in duro cera Nerone furit.
 Cerea quid frustra Solem deuitat imago ?
 Ipse suo iratus diffluet igne Nero.

LXIII.

In eandem Neronis effigiem.

EXprimit & verum mentitur cera Neronem:
 Et docet & verâ fallit Imago notâ.
 Hos oculos gerit illa quidem, quos ille gerebat
 Et, quas ille genas, has gerit illa genas.
 Tu tamen his oculis, hoc vultu luderis hospes.
 Id fieri possit quâ ratione rogas ?
 Materiâ peccat, non peccat imago figurâ:
 Cerea materies, ferreus ipse fuit.

LXIV.

*In Maritimam Pali munitionem
 Ducum Ursinorum.*

Pluereis simulant dum rauca tonitrua flammis
 Martiaque artificii fulmina nube ruunt.

Attonitis pelagi genitor Neptunus ab vndis
 Sulphureo afflatum sustulit igne caput.
 Ecquis, ait, nostri tranquilla silentia regni,
 Et resides bello sollicitauit aquas ?
 Iamque sibi duci volucres ad frena quadrigas ,
 Tritonemque cauâ prælia flare tubâ.
 Armarique Notos, Tempestatesque iubebat,
 Et Thetin armatis vellere signa feris.
 Cùm procùl Vrsini fluitantia signa Gradiui
 Prospicit impulsis velificata Notis.
 Vrsus erat signum, picto quâ sutilis Vrsò
 Pensilis è summâ carbasus arce fluit.
 Heus, ait, inceptis Hyemes abistite pugnis ,
 Et vos caruleæ ponite bella feræ :
 Nouimus excussum iaculantia monstra profun-
 dum :
 Quæ fera concepto mugit igne, noua est,

LXV.

Ad Cosmicum de Quincto.

MVLUM QVINCTVS emit : sed cæcum COS-
 MICE, mulum.
 Vnum oculum mulus non habet: ille duos.

LXVII.

*De Ludouico XIII. Galliarum Rege
Christianissimo.*

L Vdo vices, LVDOVICVS ait, Mars risit: & ohe
Lude meas, inquit, Rex Ludouice, vices.
De puero, ni Rex esses Ludouice, vererer:
Et puer, & Rex es, regie lude puer.
Iacta Rupellani cecidit simul alea belli,
Ante tuos cecidit victa Rupella pedes.
Ludere perge vices, vt sunt tibi prælia ludus:
Sic LVDOVICE tibi vincere, ludus erit.

LXVIII.

Libellus de Pietate Christianâ laudatus.

Pietatis iste liber est, auctoris tamen
Nomen tacetur: ipsa conscripsit, reor.

LXIX.

Ad Timantem Pictorem.

Pinxisti pulchrum pulchrâ cum matre puellû:
Nec tamen illa fuit pulchra, nec ille fuit.
Pictorem Mariæ melius vis pingere Lucam?
Quis scit an errores corrigat ille tuos?

LXX.

De A. Persij Satyris.

VIS PERSI tetricas videre noctes :
Auditor lege scripta, lector audi.

LXXI.

*Tumulus coniugis Pauli Sapiæha duos
inter equites hastatos.*

QVIS iacet hic : magnâ magnus de stirpe SA-
PIEHA.

Quis propè ? SAPIEHADES sunt prope signa
nurus.

Quo clarus coniux ? clarissimus omnibus armis,
pace, fide, patriâ, religione, toro.

Qui certant equites ? certant, quis viuere possit,
Vel meliore nuru, vel meliore viro.

LXXII.

In cothurnatum Gallicum.

VESTARI rauco pudor est tibi, Gallice, curru ?
Cur ergò rauco non pudor ire pede ?

LXXIII.

Ad Ioannem Carolum CHODKEVIC
Ducem Exercituum Poloniae aduersus
Osmannum Imperatorem Turcicum.

Cum Gymnasium inuiferet.

Spernere si nolis vatis præsagia Musæ,
 Nil in te iuris, CAROLE, casus habet.
 Vilneæ nuper dum mandat Apollo Thaliæ:
 Grammaticà nomen flectere Lege tuum.
 Cunctatur, dubitat, pallet, rubet, hæsitat, alget,
 Hæc hilari tandem voce Thalia refert:
 CHODKEVIC, ait, est indeclinabile nomen:
 Robore bella gerit, Casibus ergo caret.

In Stemma eiusdem W. literam duode-
cimam inuersam.

LXXIV.

Magnus Alexander, Magnus Pöpeius habetur,
 Magnus habebaris CAROLE, Magnus
 Otho.

Scilicet hos Magnos magni fecêre triumphî:
 Te maior Magnum, CAROLE, palma facit.
 Per lege stēma tuum: Vincis te, Vincis & hostem,

Hic quæ terra legi non putat, astra legunt.
 Si dubitas: hoc ipse Deo da stemma legendum:
 De cœlo Magnum Maximus ipse leget.

LXXV.

Ad Robertum Cardinalem Bellar-
minum.

De pijs de Eternâ felicitate, & Gradibus,
&c. libellis, quos Sophia

Melecia Palatina magno studio paulò
ante mortem euoluerat.

Ingens gloria temporum tuorum
 BELLARMINE Pater beatiorum
 Facundissime cygne gratiarum:
 Conatusque tuos, tuasque noctes,
 Sanctæ pignora lucubrationis,
 Victuros pylam libros senectam
 Palatina pio terebat usu,
 Nec torpere sinebat, anguloque
 Aut segnes humili iacere mensâ,
 Cœli delicias, Gradusque cœli:
 Queis sacrâ pariter, tuâque pennâ,
 Æternam reseras beatitatem:
 Et gemmantia templa nundinaris,
 Lamentis, Gemituque, Lachrymisque;

184 EPIGRAMMATVM

Istos illa diu legens libellos
Festinabat, & omnibus lacertis,
Remis omnibus, omnibusque velis
Ad cœli properabat vsque portum.
Nunc densis lachrymis, laboribusque
Et densis lachrymis, doloribusque,
Cœli nobile nundinata culmen,
Formosis spaciatur in viretis.

Quid dici melius beatiussue,
BELLARMINE, tuis potest libellis:
Palatina tuis beata libris,
Tu lectore beatus es librorum.

LXXVI.

Ad Cæcilianum.

CVm modò Magdalios cecinisses carmine flet'
Et rapidos Afræ, Cæciliane, focos.
Continuò madidæ properata volumina chartæ
Ad nos perferri, Cæciliane, iubes:
Legi iudicium quæris de carmine? dicam.
Digna fuit lachrymis Magdalis. Afræ focis.

LXXVII.

*De nouo Gymnafij Florentini edificio, cuius
inftauratio fub aduentu Caroli Austria
Archiducis cœpta.*

ARnus, an vmbrofas interliquidiffimus alnos
Permeffus Latijs luxuriatur agris?
Ælar, an Aufonias fubterlabentia turreis
Flumina Caftaliis vociferantur aquis?
Pindus, an audaces mediis in nubibus Alpes
Piniferis comunt frondea colla iugis?
Quicquid erit: veram referet Florentia Cirrhâ.
Quam nouus Austriacâ condit Apollo lyrâ.

LXXVIII.

SCAZON.

AVLAM FVGIT ALOYSIVS.

FAllacis Aulæ pompa, criminum mater,
Quæ turbulentæ puluerem bibis Romæ,
Rituque femp̃ fluctuantis Euripi
Et huc & illuc ambulando curfando,
Confabulando, garriendo, ludendo,
Et vſque & vſque & vſque conſalutando,
Quotidiano merſa nauigas cæno, =

186 EPIGRAMMATVM.

Centumque pictis curribus lutum rumpis.
 Sis ô beata, delicata, formosa,
 Morum Charybdis aula, pectorum Circe,
 Dolosa Siren, innocentiae labes,
 Fraudum satelles, officina sucorum:
 Eas superbis semifulta lecticis.
 Eas sereni luce pulchrior phœbi,
 Et per Latinae colla plebis, incedas.
 Habe venustos, aureos, capillatos
 Pictos, perunctos, deque scrinio totos
 Scitos Quirites, elegantiae mystas,
 Vestae nepotes, bellulos Remi vernas,
 Antambulones laudis, & trahas pompæ;
 Dum noster aulas ALOYSIVS vitet,
 Centumque velis, & rudentibus centum,
 Centum phaselis, palmulisque deuitet,
 Habe capaces patrimonij Scyllas,
 Fundi Maleas, spongas crumenarum,
 Onusta laudum plaustra, nomina rhedas,
 Plenas iocorum, risuumque carrucas,
 Ineptiarum mille turgidos folles.
 Quibus dolosae ficta dona naturæ
 Vultus poëtas, & poëtrias linguas
 Fecere dudum susque deque vertère.
 Quibus loquacis inficitiae plena
 Negotiosa liminum salutatrix
 Famelicorum turba circulatorum
 Nugasque mille vendit, & locat risum,
 Fraudumque frustis mille, mille fucorum,

Mendaciorum mille, mille nugarum
Sutque subsuitque mille centones :
Dum noster aulas ALOYSIVS vitet ,
Centumque Phœbis, & Phlegontibus centum,
Centum quadrigis, Pegasisque deuitet.

Illum citato præpes impetu Virtus
Supra secures Cæsarum, & Numæ fasces,
Regumque & omne culmen Imperatorum ,
Vndamque supra ciuium, & fori fluctus
Enauigantem, passibusque non tardis
Mortalitatis sæua iura calcanrem,
Nimbosque latè, filiosque nimborum
Super Cometas, rauca fulminum regna,
Puerperamque grandinum & niuis Lunam
Ad vsque rerum vexit vltimos fines.
Ibi ille pulcher imperator astrorum ,
Nouæ beatus institor voluptatis,
Plenum sonorâ gaudium bibit ripâ,
Rerumque dulci naufragatur in ponto,
I nunc superba, delicata, formosa,
I diues aula : sis beata, sis pulchra
Conchyliata, purpupata, sis magna :
Dum te inde noster ALOYSIVS ridet.

188 EPIGRAMMATVM
LXXIX.

Hyems transijt, imber abiit, & recessit.

CANT. 2.

*In immaturam mense Iunio B. Aloysij
Gonzaga mortem.*

O Nix! ô niueis albentia colla pruinis!
O oculi, ô niueo lumina vincta gelu!
O niueæ ceruicis hyems! O læue genarum
Frigus, & hybernâ roscida labra niue!
O niueæ crystalla manus O mitte comarum
Vellus, & intactis alba pruina genis!
Ah vereor, ne vere nouos abeat in imbres,
Dum celer æstiuos Iunius vrget equos.
Siste, precor, Iuni, crudeles sistite soles.
Hic minimo liquidus diffluet igne puer.
Non opus est flammis, satis est sibi dicat IESVS:
CESSIT Hyems, imber cessit: Amice, Veni:

LXXX.

Scazon de B. Aloysio.

IOcoſe Scazon, ſi quid haſtenus mecum
Molli ſub vmbra populiue, lauriue,
Leniſue buxi pampiniue, luſiti,

Valere iussis arbitrisque curisque
Mecum sub altâ feriare cupresso ,
Mundoque versu, simpliciue dicamus ,
Quid ille noster, ille ciuis astrorum ,
Agit coruscis ALOYSIVS campis ?

Non ille nostros ducit ampliùs soles :
Non hac phaselo corporis, leuis mundi
Tumultuoso fluctuatur in ponto.
Non has vocabat patrias domos vnquam:
Cœlum vocabat patrias domos semper:
Huc ille remis, huc rudentibus totis ,
Ipsisque plenus carbasis anhelabat :
Huc æstuanter dirigebat antennas:
Huic alligauit insulæ suam nauim.

Hic sempiterni vere cingitur Maij ,
Hic peruagatur elegantibus campis ,
Hic rure cœli fruitur, & procùl curis
Inter virentes aureis comis lauros ,
Crispas cupressos, ilices capillatas
Quotidianus ambulator incedit.
Quà bruma nusquam, vel comantis Autumni
Tonfor Nouember frondeum nemus radit ,
Ridetûe caluos Ianuarius montes.
Sed delicatos criniuntur in flores
Æterna prata: musci strepunt luci:
Ripæ loquuntur murmurantibus riuis:
Et lympidorum margines fluentorum
Et hinc, & illinc verberante se fluctu ,
Et hinc & illinc inuicem cachinnantur :

190 EPIGRAMMATVM

Manusque pulsu, vel volubilis plectri
 Obliuioſo de ſilentij ſomno
 Expergeſacta ſpontè garriunt plectra :
 Lenique ſubter dormiente Neptuno
 Tenerrimorum mollis aura ventorum
 Depectit agros : deſides hiant Euri ,
 Et otioſis oſcitantur in campis.

Hic ille noſter, ille ciuis aſtrorum ,
 Conchyliato purpuratus ornatu ,
 Eunte pompâ ſiderum coronatur,
 Solisque fuluâ totus ardet in pallâ.
 Et nunc per arces cælitum, per acceſſus ,
 Amethiſtinata templa, gemmeas ſedes ,
 Et ciuitatis per forum Sionæ,
 Et fulgurantûm porticus platearum.
 Calcat ſuperbum ſiderum pauimentum.

Hic Lainium compellat, hic Euerardum,
 Hic lætus ambit Borgiam ſalutator ,
 Ignatione flammeoûc Franciſco
 Enarrat, ipſâ delicatior Suadâ,
 Miranda temporum acta Claudianorum:
 Suoque longos Mutio rogat Soles ,
 Mellisque riuos, baſamique miratur ,
 Et gaudiorum, nectariſque, lactiſque,
 Formoſa pictâ ſtagna traijcit cymbâ .
 Et delicato nauiculatur in ponto.
 Nanosque colles, hiſpidasque verrucas
 Pulcherrimorum luſtrat ilicetorum.
 O geſtientûm dulce ſiderum regnum !

Vestrum clientem, pro laboribus tantis,
Doloribusque, lachrymisque, curisque
Desideratos recreate per campos.
Gaudete Tempe siderum, domus ecclī:
Ridete, quicquid est domi Voluptatum:
Plorate, quicquid est foris Querelarum.

LXXXI.

*Ioannis Caroli Choakenicij Polonicij
Lituanicijque contra Osmanum Tur-
cicum Imperatorem Exercitus
Ductoris.*

Statua in hortis Mediceis.

QVem modò Threicij pulchrâ sub fronde tri-
umphi

Marmoreâ spectas ponere bella manu:
Hic Asiæ populos, & flaua Propontidos arma.
Strauit, Abydenas depopulatus opes.
Fortis adhuc meminit bellacis dextera ferri,
Dilectumque latus conscius ensis amat.
O nisi captiuas vincirent marmora plantas,
lret in hostiles libera dextra globos!

LXXXII.

*Intres Fluvios, Stemma Ioannis Caroli
Chodkeuicij . dum Templum Collegio
Societat. IESV Crofense
extrueret.*

QUæ gemmantibus hinc & inde riuis
Currunt flumina ? Chodkeuicianæ
Currunt flumina Liberalitatis.
Non tam diuitibus superba ripis
Gaudet Lydia : non amœnitatum
Tellus mater, & elegantiarum
Fœlix Americæ fluentis auri,
Quæ centum populis tributa soluens
Effundit facilem per arua censum,
Et crebro sata comit vnione.
Quàm quîs Patria, Martiusque fulgor,
Et pictæ superûm rigantur aulæ.
Hæc scis, vnde fluant fluenta nobis ?
Ostendis CAROLI manum ? sapisti.

Dictum

LXXXIII.

*Dictum Ioannis Caroli Chodkenicy, cum
Castra ad Chocimum in Daciâ contra
Byzantinum Imperatorem
moueret.*

VEI. Fama malum tumultuosus
Dum præteruolat incitata pennis
Arces, oppida, rura, Ciuitates,
Ducentis canit, & canit trecentis,
Braccatis canit, & canit sagatis,
Hostem millibus imminere Turcam,
Et iam terga remurmurantis Istræ
Securum super ambulare Martem.
Addit, Bistonas, impiosque Thracas
Mistos innumeris venire turmis.
Hæc dū CAROLVS audit: vt sciamus
Veri nuncia Fama, num sit, inquit,
Hic hostem mihi computabit ensis.

194 EPIGRAMMATVM
LXXXIV.

*Statua M. Tullij Ciceronis apud Magnum
Hetruriæ Ducem.*

ORa Myron, humeros Lysippus, lumina finxit
Praxiteles: vocem fingere nemo potest.

LXXXV.

*Pompa, quâ Sacratissimum Corpus à
Romanis Pontificibus ad D. Pe-
trum deportatur.*

ÆLia cur tantis glomerantur compita turmis,
Et populi toto fluctuat vnda foro?
Cur refluus feruent Vaticana palatia turbis,
Dardaniæque vomunt agmina mille viæ?
Quid iuuat æthereis populos accurrere mensis?
Vt satiet populos ambulat ipse cibus.

LXXXVI.

*Paulo Pimelio missum ex Succino
munus.*

QVæ placet ipsa sibi secretæ fidere formæ,
Ridet & arcanâ succina gemma die.
Supplicibus xulgò libanda dat oscula culmis:
Libandas stipulis, pulueribusque genas.

LIBER VNVS. 195

Et me, PAVLE, tuus rapit ad sua lumbina candor:
Nimirum gemma es succina, puluis ego,

LXXXVII.

Letabimur memores uberum tuorum.

CANTICORVM I.

Ad Sponsum cœlestem.

DIcebas te velle tuis me pascere mammis,
Dum mea sollicitus pectora torret amor.
Clamabam: mea mamma meum mihi manna mi-
nistra:

Nec tu præstò mihi, nec tua mamma fuit.
Adspicio Terras, & Cœlum: forsitan, inquam,
Dextra Dei tellus mamma, sinistra polus.
Risisti, dicens: ipso te Numine pascam.
Os utinam nobis Terra, Polusque foret.

LXXXVIII.

*Reuerendo Patri Leoni Sanctio conciona-
toris munere functo, Romæ
discedenti.*

NEc potui Latius altum te cernere rostris;
Quassantemûe pio conscia corda metu?
Ah saltem pro me, cui tanta potentia fandi,
Orator magni Numinis esse velis:

196 EPIGRAMMATVM

An non id merito possim te iure precari.

Cui meritò possim dicere, sancte LEO ?

LXXXIX.

De Dinino Amore.

Retia neſtentem nuper mirabar Amorem.
 (O quid non facilis fingere poſſit Amor!)
 Aurea pinna fuit : lapis aureus : aurea reſtis,
 Aurea compages, aurea naſſa fuit.
 Aureus ipſe fuit : ſed dum ſibi flumina deſunt.
 Heu mea quò verſam retia? dixit Amor.
 Ad Ieſum conuerſe Puer, tua retia, dixi;
 Ipſe tibi fuerim piſcis, & ille Mare.

XC.

*In Stemma Ioannis Caroli
 Chodkeuici.*

*Crucem Sagittæ implexam & Calci,
 Tria flumina; & Grypha pedibus gla-
 dium vibrantem.*

CRUX micat in telo, Crux altera calce co-
 ruſcat:
 Forſitan hæc fortem nunciat, illa Pium.

Aurea tergemino voluuntur flumina lapsu;
 Ista docent Largum flumina forsan herum.
 Felicem gestat felix aus ore lapillum:
 Felicem dominum forsan & illa notat.
 Quid dubitem Fortem, Felicem, & dicere Largū,
 Cūm Gryphs ad voces annuat Ense meas?

XCI.

In Gryphem.

*Dum Ioannes Carolus Chodkenicius, aliquos
 relictis cohortibus in Mosconiā,
 ad regni Comitia abiret.*

Viderat Hyrcanis Mosconia Grypha pruinis
 Ad Litauum tandem vertere rostra solum.
 Ille ferus Gryphs, inquit, abit, nil Ense nocebit,
 Non ales rostro, non petet Vngue Leo.
 Non est, cur à te, quòd flexerit ora, triumphes:
 A tergo longa est cauda relictā: Caue.

XCII.

In duas Sagittas terra cœloque obuersas.

*Stemma Illustrissimi Eustachij Vollandicij
Præfulis Vilnensis.*

Bis geminos Petrus Christo monstrauerat enses,
Vrbs raperet captum cum Solymæa Deum.
Ferre cruentandum, clementia lumina, ferrum,
Ferre necaturas non potuere manus.
Vltrices maiora manus tamen ansa parabant,
Vt tandem Christus dixerit, esse satis.
O si tunc geminas monstrasses, Perre, sagittas,
Quàm meritò Christus diceret esse satis.

XCIII.

In duas easdem Sagittas.

Allusio in Cant. 4.

In vno oculorum, & in vno crine colli.

Virgilius quondam Telum facit Ira, canebat:
Tela facit, melius sed cecinisset, Amor.
Est oculus Telum: diuino crinis Amori

Est Telum, quid non fingere possit Amor?
 Est oculus, sed qui superas se tollit ad auras,
 Est coma, deciduo quæ petit ima gradu.
 Quis scit, an obuersæ Cœlo Terrisque Sagittæ
 Hæc oculus non sit Præsulis, illa Coma?

XCIV.

In easdem Sagittas.

ÆRis, & Argenti, & Ferri rude vulgus, &
 Auri

Ibat ad Ætnæi iurgia fortè fori.
 Lis fuerat, quorum posses, Vulcane, metallo
 Digna Volouiciâ condere tela manu.
 Caussidicum vicit, Vulcano iudice, Ferrum,
 Factaque sunt forti Ferrea Tela viro.
 Tum Faber ad socios operum: sint Ferrea Tela;
 Ipse mihi VOLOVIC aureus, inquit, erit.

XCV.

*Ad Illustrissimum Hieronymum Vols-
 uicium, dum Samogitiam
 ingrederetur.*

ISe suas vt te Samogitia sciuit in otas,
 Luserunt vitreo pulchra fluenta pede.
 Florida festiuas agitarunt rura choreas,

200 EPIGRAMMATVM

Lætitiâ madidæ personuêre domus.
Ocyûs i Præses : si fortè venire moraris,
Huc venient campi, flumina, rura, domus.

XCVI.

*In Soleam tribus insignitam Crucibus,
Stemma.*

*Illustrissimi & Reuerendissimi Stanislai
Kiszœ Præfulis Samogitiæ.*

Q Vis tam concordî iunxit duo robora nexu ?
Quis Soleam socias iussit habere Cruces ?
An quia Kiskanzæ monstrant insignia gentis ,
Certatimque sacro laudis honore nitent ?
An quia calcari cupiunt, humilesque latere ,
A Domino morem quem didicêre suo ?
Celebres, humilesq; nimis ! magis inter honorê
Dum nituêre, latent : dum latuêre, nitent.

XCVII.

In tres eiusdem Cruces , & tres Tubas.

KISSKA tuas dum cerno Cruces, dum Classica
cerno:
Sollicitat mentem terror, amorque meam.

Cerno Cruces ? ignis Sancti me flammat amoris,
 Et dico : mentis Crux medicina meæ est.
 Cerno Tubas ? timeo : fors, inquam, bella paratur;
 Sed cum nulla sonent prælia, rursus amo.
 Quid secura tuæ faciet Fiducia plebis
 O Præsul : si te diligit ipse Timor ?

XC VIII.

*In tres Tubas eiusdem Reuerendissimi
 Præsulis cœnantes.*

Catholicos sæuis dū prouocat Hæresis armis,
 Innumeris parent impia castra Tubis.
 Hæc Batauam, canit hæc Scotam, canit illa Bri-
 tannam,
 Et diuersa sonat quolibet ore fides.
 Non sic Catholicas hortantur cornua turmas :
 Vna fides ternâ consonat ecce Tubâ :
 Quæ tam concordî sociantur classica cornu,
 Impia castra, Tubas creditis esse ? Tuba est.

XCIX.

In Ensiferum Grypha.

*Stemma Ioannis Caroli Chodkiewicz M. D.
L. Supremi exercituum Ductoris.*

Hic, qui supinos defluentibus plumis
Inuestit armos, & bicorporis plantæ
Effultus vngue rectus imminet cælo,
Et lethiformi Marte præliaturus
Explorat ensen prouidus duellator,
Non Atticarum flexili choreatum
Proludit orbe, non rotatili plausu
Reciprocante verberat solum plantâ:
Cuniculos non Amazonum syluis
Inhospitales Arcton appulit gressus.
Sed è tropæis latus Imperatorum
CHODKEVICANAS transmigravit in ceras,
Suisque clarum stemma laudibus fulsit.
Nunc ad Poloni Martis æreos cantus,
Tubaque gratum murmur exsoporatus,
Formidolosos ense fulminat Turcas.
Auertat isthinc pernicax Ethruscorum,
Et Apulorum veritas Sacerdotum
Victoriarum nuncias-coturnices,

Vatēs columbos, auguresque cornices.
 En certiora, Magne Militum Ductor,
 Gryphs Lechicorum signa dat Triumphorum.
 Vt dum per auras fluctuante subsultu
 Stat ludibundus, & velut theatriali
 Pugil bipenne motat areâ ferrum,
 Spectator ipse nesciat, Tuum Grypha
 An præliantem cernat, an triumphantem?

C.

*De B. Agapi & Chroniâ Virginibus &
 Martyribus, quæ, sorores ob Christum car-
 cere macerate, postea in ignem missæ, sed
 inuiolatæ, oratione ad Christum fusæ ad
 cælum euolarunt.*

Nil iuuat includi tenebroso carcere Diuas:
 Te melius, cæco carcere, Christe, vident.
 Nil iuuat ignitis immergere membra caminis:
 Ignoscit casto conscia flamma pedi:
 Compositis ambæ venerantur sidera palmis,
 Et sociâ superûm culmina mente petunt
 De flammâ carcer, de carcere flamma meretur,
 Flamma soror: carcer frater utrique fuit.

C I.

*De S. Leone Pontifice, qui Attilam Hun-
norum Regem in Italiam cum copijs
influentem monitu suo & ora-
tione repressit.*

A Trilâ Pannonicis populatur cœdibus Alpes:
Obuia magnanimus tendit in arma LEO.
Aduersâ gemini concurrunt fronte Leones,
Inde LEO Dacus, Tuscus & inde LEO.
Conscius ille sui, fera reppulit arma, furoris,
Nempe tuâ monitus maxime voce LEO.
O quem te memorem! quo Regem nomine dicâ?
Ille LEO raptor, tu LEO pastor eras.

C II.

*De S. Ardelione, qui ex Mimo repente
Christianus effectus, sui testimonio
Sanguinis, Christum con-
fessus est.*

ARDELIO sacros deridet carmine ritus,
Festaque non æquâ voce theatra quatit.
Audiit Omnipotens: non est opus, inquit, hiulco,

Fulmine, tam facilem Gratia vince virum,
 Deferit illa polos, & deferit iste theatrum,
 Et tereti sacrum voluit in ense caput.
 Sic, sic inquit, abit nostræ Comœdia vitæ:
 Terra vale, cælum plaude, Tyranne feri.

CIII.

*De SS. Basilissâ & Anastasiâ, quæ sub
 Nerone linguâ, pedibûsque præcisâ,
 percussâ gladio occu-
 buerunt.*

FORTIS ANASTASIÆ comes est BASILISSA
 sorori:

Illa canit Christum voce, nec ista tacer.
 Cæsareas vtriusque sonus dum venit ad aures:
 Vulnere lingua, simul pes vtriusque cadit.
 Vtraque sponte genu sinuato vulnere curat,
 Et re prociduo poplite Christe colit.
 Irasci Christo nescis improuide Cæsar?
 Quem tacuisse velis, sic coluisse iubes.

CIV.

De S. Apollonio Senatore, qui lectâ pro Christi Religione in Senatu Apologiâ gladio percussus est.

CReber APOLLONIYM pronâ bibit aure Senator,

Dum legit arcano nobile dogma libro.
 Eratemque canit Christi, Sanctosque triumphos.
 Et stygiâ nuper capta tropæa domo.
 Sed tamen infontem mulctat sententia Diuum,
 Romanumque iubet tingere cæde forum.
 Ne dubitate nouo Romani credere libro :
 Muero stylus, sanguis littera, Roma liber.

CV.

De S. Adalberto Gnesnensi Archiepiscopo & Martyre, qui à Prussis lanceis remisque appetitus, pro Christo fortiter occubuit.

SÆpè Tyras, ALBERTVS ait, & sæpè Tibiscos
 Istrum sæpè peto, nauigo sæpè Salam.
 Ah quando tandem stellantia littora visam?
 Ah quando certâ sidera puppe petam!

Dixerat, & crudis Prullus dat vulnera contis,
 Et creber remis pectora nauta quatit.
 Vtere iam remis, & largum funde cruorem,
 His remis, isto flumine, vise Polum.

CVI.

Puer Iesus totus desiderabilis.

HYblæi rores, & Hymettia liba valete,
 Pinguiæque Assyriis deflua mella fauis.
 Me trahit ille ferax Sanctorum vultus amorum,
 Ille verecundo viuus in ore pudor.
 Cum mea mens sacræ satiatur imagine formæ,
 In desideriiis pascitur ipsa suis.
 O IESV, mea sola fames, mea sola voluptas,
 Quàm sapis ipse, tui si sapit ipsa fames:

CVII.

Vox dilecti mei.

AH ego tam liquidas surdus non audio voces?
 Alter & infaustâ cantus in aure sonat?
 Clamat, Ede, tellus: respondent æquora: Pota:
 Vasta sitim faciunt æquora, terra famem:
 Terra dehisce, cauis arescite flumina ripis:
 Respuit & voces auris, & ora cibum.
 Vt solo te, Christe, frui possimque velimque;
 Totus & os posthac, totus & auris ero.

CVIII.

*Imago Sanctissima Virginis
Planco missa.*

Misi, Plance, tibi tenerum cum Matre pu-
ellum,
Deliciasque meas, deliciasque tuas.
Mittere nobilius, maius comprehendere palmæ
Nil potuere meæ, nil voluere tuæ.
A me plura tamen si munera, Plance, requiris:
Non à me, à donis plura require meis.

CIX.

*De plurimis Christi Martyribus, qui navi
vetustæ impositi, demersi sunt.*

DEgenerem linquunt tenebrosi carceris um-
bram,
Ut scandat fragilem mascula turba ratem.
Sunt illic merces, plagæ: sunt vota, rudentes:
Mors, precium, virtus, prora: carina, salus:
Vincla, Fides: malus, pietas: suspiria, venti:
Spes, velum: remus, gratia: rector amor:
Tunc Deus: his, si navis, ait, mea cingitur armis:
Typhi tuam cœlo deiice, mitte meam,

CX.

*De Palmulo adolescente Sanctissimo
immaturè vitâ functo.*

Vixisti tibi, vixisti quoq; Palmule, Christo,
Longa tibi fuerat vita, breuisque Deo.
Semper vixisti Christo: tibi, Palmule rarò:
Longa Deo fuerat vita, breuisque tibi:
Mortuus, es victurus: erit tua, Palmule, vita,
Longa breuisque tibi, longa breuisque Deo.

CXI.

De S. Simeone Stilitâ.

Est, inquit, SIMEON tellus mihi paruula
punctum:
Quis velit in puncto, Christe, mouere pedes?
Ergò pedes posthac æternùm stabitis, inquit,
Ne tam parua meum semita fallat iter.
Constitit: & stanti trigesima vertitur ætas.
Quæ tandem meritò contulit astra viro.
Si tibi terra fuit punctum, sint Circulus astra:
Iam lato choreas plaude per astra gradu.

Christi in Cruce vox SITIO.

AH Sitio, clamas, Princeps pulcherrime rerum,

Non habeo pro te dulcia vina, siti.

Tu tamen, ah sitio clamas, dabo pocula, Sponse:

Heu mihi sed misto pocula felle dabo.

Hæc, mi Sponse, bibes: quæris cui fortè propines?

Ad me pro mundi, Christe, salute bibe.

De S. Ignatio Martyre, cuius in corde nomen IESV augustissimum aureis incisum literis, post mortem inuentum.

AVrea in IGNATI fulgent cognomina corde:
Hic tua tu tecum nomina, Christe, locas.
Sparserat effuso Martyr cor sanguine: de quo
Aurea te referens littera facta fuit.

Vnde potest fulvum mutari sanguis in aurum?
Sed tamen est sanguis Martyris: ergo potest.

CXIV.

*In gratiam Martini Badach ex Vilenſi
Academiâ in Germaniam
proſciſcentis.*

SI te Theologum iudex audiret Aquinas,
Ingenium Thomas diceret eſſe ſuum.
Si te Oratorem facundo Tullius ore
Audiret, linguam diceret eſſe ſuam.
Quæ tua ſunt, ſi fortè, BADACH, Tua dixeris
eſſe :
Ingenio Thomas, Tullius ore caret.

CXV.

*In Tres Tubas, Stemma
Ioannis Rudomina Equitis Lithuani.*

TRes nuper Diuæ, Bellona, Diana, Thalia
De RYDOMINÆIS dimicuere Tubis.
Noſtra Tuba eſt Bellona inquit, Turba noſtra
Diana eſt,
Hæc inquit, potiùs noſtra, Thalia Tuba eſt.
Audiit & Getico Mauors ſubriliſt ab Hæmo,
Nil mihi cum veſtris numina docta tubis.
Veſtra Tuba eſt Bellona, inquit, Tuba veſtra Dia-
na eſt,
Veſtra thalia tuba eſt, ſed RYDOMINA meus.

CXVI.

*De morte Caesaris Grimaldi, qui Scenicum
dum lustrat calum, præcepit inopino
casu ad theatrum datus
expirauit.*

Vluis ubi roseum fulgor mentitur Olympum,
Et simulat viuas aurea recta domos.
Picta renidentis dum lustra siderat Scenæ,
Atque alacres CÆSAR fertque refertq; gradus
Pendula nitentes decepit bractea plantas,
Atque suâ quassum mole necauit onus.
Noxia Cæsaribus semper sublimia : quisquam
Ad superos veniat CÆSAR, & inde ruet.

CXVII.

Idem loquitur de se.

Falsa theatralis dum sidera miror Olympi.
Vera, mihi, dixi, sidera pande DEVS.
Dum meus has LOIOLA Pater modò cerneret
oras,
Putida clamabat, quàm mihi sordet humus!
O mihi, tam pulchri referentur morte penates!

Vera mihi referat, dum loquor, astra Deus,
 At quia mors aberat cælo quæsitæ, cadendum
 Ad terram nobis, vt moreremur, erat.

CXVIII.

De duplici Seneca. ad Paulum.

DE gemino Senecâ pugnat sententia Vatum:
 Conueniet, si tu, PAVLE, secundus eris:

CXIX.

In Philippum Rhetorem.

NON poterat iussus tria dicera verba PHI-
 LIPPVS:
 Si vultis causam nosse, disertus erat:

CXX.

*In Minodium Calvinistam Ministrum, à
 quo reprehensus fuerat, de producto
 in carmine, & correpto
 Sathanâ.*

QUOD breuiem, tendamque simul mîrare Sa-
 thanam,
 Communem facias cùm tamen ipse tibi:

CXXI.

*De morte Caesaris Grimaldi, qui Scenicum
calum dum lustrat, praeceps inopino casus
ad terram datus exspiravit.*

SCenica, mentiti, dum fortè palatia cæli,
Et dubio CÆSAR scanderet astra pede.
Aurea, quæ falsi simulauerat, atria cæli
Scissa ruinosum tela fefellit iter.
Decepto ruit ille gradu: tragicique doloris
Ad sua materies ipse theatra redit.
Et Iesum vocat ore, pij ne flete sodales,
Non ruit ex astris CÆSAR, in astra ruit.

CXXII.

*De nobili adolescente in ferijs Bac-
chanalium miserabiliter
extincto.*

SAltantes nuper mors viderat atra Lupercos,
Et se festiuis miscuit ipsa choris.
Ebria perque domos saltabat, perque plateas
Morborum longo præueniente choro.

hic vni iuuenis dum fortè resistere veller,
Ebria non meritum messuit ense caput.
collite de lautis iuuenes conuiuia mensis
Quis scit, an ex vestris non bibat illa scyphis.

FINIS.





ADVERTISSEMENT

DE L'IMPRIMEUR.

A My Lecteur, l'adjonction des Liures
suivans, hors de leur ordre, vous pour-
ra faire croire qu'il y a quelque manquement
en ce volume. Pour vous en empescher la
creance, ie vous ay voulu donner aduis, que
depuis que i'eus mis sur la Presse les vers
precedens, que i'imprimay sur une copie
d'Anuers, il m'en est tombé entre les mains
une plus ample, laquelle comprend ceux qui
suivent : que i'ay mieux aymé ioindre icy
(estant pieces détachées) que de priver l'Au-
teur de la gloire que luy ont acquis ses ou-
rages, & le Lecteur de la satisfaction qu'il
en peut pretendre.

MATTHIÆ CASIMIRI.
SARBIEVII
SOCIETATIS IESV

LYRICORVM

LIBER QVARTVS.

AD EQVITES POLONOS.
*Cum montem Carpatum redux ex Italiâ
inuiferet.*

ODE. I.

Æ Ternâ magnis carmina Carpatî
Inscribo faxis. Discite posteri,
Castisque discendum puellis
Et pueris geminate cantum.
Frustrâ, Poloni, cingimus oppida
Muris, & arceis addimus arcibus;
Delubra si squalent, & altis
Cælituum viret herba testis.
Frustrâ caduci fulminis artifex
Moles ab altâ turre remugit,
Si mœsta respondere cantu
Templa negant, Superûmque pridem

K

Sacro stupeſcunt æra ſilentio.
Quòd ſi nec idem ſit Superis honos
 Templis in iſdem, nec ſub vnâ
 Lege ſuperſtitioſioris
Per ora vulgi relligio fremat :
Ciues iſdem non benè claudimur
 Portis, & infelix eundem
 Inſtruimur acies in hoſtem.
A plebe Numen ſeparibus malè
Placatur aris. ſcimus vt impias
 Vaſtata Graiorum per vrbeis
 Sacra ſuis perièrè rixis
Fumant propinquæ templa Bohemiæ :
Concuſſa Regni viſcera Pannonæ
 Fleuèrè collatis in vnâ
 Viribus incubuiſſe ſtragem.
Hinc inde læuos deſpice Carpatò
Polone campos, quos pecorum ferax
 Draufque Sauuſque, & bicornis
 Frugifero ſecat Iſter amni :
Quanto careret corpore Thracius
Regni tyrannus, ſi benè mutuas
 Menteis & obligata Diuis
 Barbarus extimuiſſet arma !
Atqui timendæ Panno potentiæ
Vallârat altis oppida mœnibus,
 Pontemque dedignatus, omni
 Danubius famularis vndâ
Cingebat Vrbeis. ſed quid inutili

Possent scelestæ præsidio manus,
Quas ira non læti Tonantis
Riserit, indigetesque Diui?
Iam nunc Polonis fata Quiritibus
Edico vates: Dum tibi consona
Votisque cantûque & Sabæo
Thure calent precibusque templa,
Omnis recuruo Lechia poplite
Dum, Virgo, primâ, dum mediâ die,
Dum te salutamus supremâ,
Et dubio tibi lucis ortu
Septena coràm flamma Decembribus
Collucet aris; dum tibi patrium
Pæana dicit, supplicesque
Accumulat pia turba ceras:
Noster niuoso Vistula Carpato,
Nosterque ab ipso fonte Borysthenes,
Labentur in Pontum, nec Austrum
Aut Gothicam metuemus Arcton.
Errôrne mentes, ambiguas rapit
An clamor aures? vox grauior cauâ
Respondit è nube, & serenùm
Non dubij micuère Diui.

AD STANISLAVM LVBIENSKI

Episcopum Plocensem, Regni Poloniae Senatorem.

O D E II.

SVnt & nouarum non vacuæ mihi
Laudum pharetræ pro me reconditum

O Musa telum : quem sonoro

Pieridum iaculemur arcu ?

Sit meta Præsul, cui modò Plocia

Centum Poloni margine Vistulæ

Eduxit armenta, & smaragdis

Grande pedum, Tyriôque vittas.

Inscribit ostro, se speciosius

Plerumque doctæ Palladis artibus

Indulget, & Musis amicam

Gaudet Honor redimire frontem.

Pulchro ligari fœdere gestiunt

Libris Tiaræ. Romuleas super

Aras Honori, & dedicatis

Thura ferunt eadem Camœnis.

Arfisse quondam : sed vigil ambitus ;

Si possit, ipsas Cœlituum solo

Permiscet aras, atque ab alto

Astra rapit Superosque cælo.

Vester, Camœnæ, vester ad inclytas

Stat Præsul aras, vos adamantinam

Sparfistis electro Tiamam,

Quà vitreo pretiosus amni.
Pingit feracem Naruia Mœsiam :
Vos & bicorni Palladium caput
Pressistis auro , & gratulatâ
Carmina personuistis vnda.
Vos pectus altum , consiliis simul
Absterfit atræ nubila patriæ ,
Mulcetis , & fastidioso
Excipitis reducem Senatu :
Quondam & perenni viuere nobilem
Donastis æuos , cùm tulit aureos
Ad astra mores , atque auaro
Egregij monitus PSTROKONI
Inuidit orco , candidus eloqui ,
Verique diues : vos , miserabili
Bellis inhorrescente Regno ,
Consiliis facilique rerum
Firmastis vsu ; ne popularibus
Fatiscat vndis , neu malè pendulis
Dextramque ceruicemque rebus
Subtrahat , ille meis legerur.
Pars magna chartis ; seu tenui lyrâ
Dicam Geloni fœderis otia ,
Maiore seu plectro Lechæi
Arma virumque canam Gradini.

O D E I I I.

L Atè minaces horruimus Lechi
 Regnare Thracas. latius imperat,
 Qui. solus, exemptusque vulgo
 Certa sui tenet arma voti.
 Imbelle pectus parce fidelibus
 Munire parmis; neu latus aspero
 Lorica cinctu, neu decorum
 Arcus amet pharetræque collum.
 An cimber, an te lectus ab vltimis
 Pictus Britannis ambiat, an Geta,
 Nil allabores: ipse miles,
 Ipse tibi pugil, ipse Ductor.
 Exile regnum, PAVSILIPI, sumus:
 Sed se obsequentem qui sibi subdidit,
 Hic grande fecit. si suasmet
 Ipse roget, peragatque leges.
 Armata Regem non faciet cohors,
 Non tincta vulgi purpura sanguine,
 Aut nobili stellatus auro
 Frontis apex, teretique gemmâ.
 Rex est, profanos qui domuit metus:
 Qui cùm stat vnus: castra sibi facit:
 Casumque fortunamque pulchro
 Prouocat assiduus duello.

1. Non ille vultum fingit ad improbi
Decreta vulgi, non popularia
Theatra, non illum trophæa,
Non volucris mouet aura plausu.
Beatus, à quo non humilem grauis
Fortuna vocem, non tumidam leuis
Expressit vnquam, curiosis
Dum tacitus premit ora fatis.
Ad prima si quis vulnera non gemit,
Solo peregit bella silentio:
Celare qui nouit sinistros,
Ille potest benè ferre casus.
Ille, & caducis se licet vndique
Suspendat auris pontus, & in caput
Vnius & flammæ, & vndam, &
Verrat agens maria omnia Auster,
Rerum ruinas. mentis ab arduâ
Sublimis aulâ, non sine gaudio
Spectabit, & latè ruenti
Subiiciens sua colla cælo
Mundum decoro vulnere fulciet:
Interque cæli fragmina, lugubre
Telluris insistet sepulchrum, ac
Incolumis morientis æui
Heres, ab alto prospiciet, magis
Hæc magna quam sint quæ pedibus premit,
Quam quæ relinquet; iam tum Olympi
Non dubius moriturus hospes.
Quò cum volentem fata reduxerint.

Nil interest, an morbus, an hosticus
 Impellat ensis, quò supremum
 Virget iter, semel aduehemur
 Quam nauigamus semper in insulam:
 Seu lata magnis strauimus æquora
 Reges carinis: seu Quirites,
 Exiguâ vehimur phaselo.
 Illo beatum margine me meus
 Exponat asser. cur ego sistere
 Æterno reformidem quietus
 Littore, si peritura linquam?

*Celebris POLONORVM de Osmano
 Turcarum Imperatore victoria, prælio ad
 Chocimum Dacico, anno Domini M. DC.
 XXI. VI. Non. Septemb. commisso parta.*

Galesi Agricola Dacici Cantus inducitur.

O D E IV.

Dives Galesus, fertilis accola
 Galesus Istri, dum sua Dacicis
 Fatigat in campis aratra,
 Et galeas clypeosque passim, ac
 Magnorum acervos eruit ossium;
 Vergente serum sole sub Hesperum
 Fessus resedisse, & solutos
 Non solito tenuisse cantu

Fertur iuuenços : Carpite , dum licet ,
Dum tuta vobis otia , carpite ,
Oblita iam vobis vireta

Emeriti , mea cura , tauri ,
Victor Polonus dum positâ super
Respirat hastâ , sic etiam vigil
Sæuusque. Prô quantis , Polone ,

Moldauici tegis arua campi
Thracum ruinis ! quas ego Bistonum
Hic cerno strages ? quanta per auios
Disiecta latè scuta colleis ?

Quæ Geticis vacua arma truncis ?
Hac acer ibat Sarmata , (Thracibus
Captiuus olim nam memini puer.)

Hic ære squallenteis , & auro
Concanus explicuit cateruas.
Heu quanta vidi prælia , cùm Dacis
Consertus hastis campus , & horridi
Collata tempestas Gradiui ,

Ambiguis fluitaret armis !
Suspensa paullùm substitit alitis
Procella ferri ; donec ahenea

Hinc inde nubes sulphurato
Plurima detonuisset igni.
Tum verò signis signa , viris viri ,
Dextræque dextris , & pedibus pedes ,
Et tela respondere telis ,

Et clypeis clypei retrundi.
Non tanta campos grandine verberat

Nivalis Arctos, non fragor Alpium
 Tantus, renitenteis ab imo
 Cum violens agit Auster ornos,
 Hinc quantus atque hinc impetus æreo
 Defusus imbri. Miscet opus frequens
 Furorque, virtusque, & perenni
 Immoritur brevis ira famæ.
 Diu supremam nutat in aleam
 Fortuna belli. Stat numerosior
 Hinc Bessus, hinc contrâ Polonus
 Exiguus metuendus alis.
 Sed quid Cydones, aut pauidi Dahæ,
 Mollesque campo cedere Concani,
 Quid Seres, auersoque pugna
 Parthus equo, Cilicumque turmæ,
 Contra sequacis pectora Sarmatæ
 Possent fugaces? hinc ruit impiger
 Polonus, hinc Lithuanus; atro
 Quale duplex ruit axe fulmen:
 Aut qualis alto se geminus iugo
 Deuoluit amnis, raptaque cum suis
 Armenta siluis, atque aperto
 Præcipitat nemora alta campo.
 Heu quale sæuus fulminat æneo
 Borussia igni! non ego Liunum
 Pugnas, & inconsulta viræ
 Transierim tua Russe signa,
 Vobis fugaces vidi ego Bistonum
 Errare lunas, signaque barbaris

Dereptâ vexillis, & actam
Retrò equitum peditumque nubem:
Virtute pugnant non numero viri :
Et vna siluam sæpiùs eruit
Bipennis, & paucæ sequuntur
Innumeras aquilæ columbas.
Heu quæ iacentûm strata cadauerum,
Qualemque vobis Ædonij fugâ
Campum retexere ? Hîc Polonam
Morder adhuc Othomannus hastam :
Hîc fusus Æmon : hîc Arabum manus
Confixa telis : hîc Caracas iacet
Conopeis subter Lechorum
Non benè pollicitus minaci
Coenam Tyranno. Spes nimias Deus
Plerumque foedos ducit ad exitus,
Riderque gaudentem superbum
Immodicis dare vela votis.
Quò me canentem digna trahunt equis
Non arma tauris ? sistite barbaræ,
Non hæc inurbanâ, Camœnæ,
Bella decet memorare buxo,
Maiore quondam quæ recinent tubâ
Seri nepotes ; & mea iam suis
Aratra cum bubus reuerti
Præcipiti monet axe vesper.

PARODIA.

EX IOANNIS KOCHANOVVII
Poëtarum Polonorum Principis Libri II.
 Ode XXIV.

Cum Scythæ citeriorem Podoliam inopinatò inuasissent, populariter decantata.

ODE V.

Æterna labes, nec reparabile
 Polone damnum: Podoliam Getas
 Impunè vastare, & dolendas
 Ponè Tyram numerare prædas.
 Eheu pudendum! Threicij canes
 Egère præ se non popularium
 Armenta damarum, paternis
 Non iterùm reditura lustris.
 Pars impudicis vendita Thracibus,
 Pars Tauricanos iussa sequi Scythas.
 Eheu Gelonorum Polonis
 Strata canum caluere nuptis:
 Manus latronum ruris & oppidi
 Ignara, nostras irruit (heu pudor:)
 Vibes, quibus pellita raptas
 Plaustra vehunt reuehuntque gazas.
 Neglecta quondam sic pectorum lupi

Armenta vastant; quæ neque peruigil
Seruat Magister, nec fideli
Cura canum comitata gressu.
Quantum Gelono pectoris addimus,
Si versa turpi terga damus Scythæ,
Iam pænè laturo probrosas
Ciuiibus Imperioque leges!
Heu rumpe somnos, & vigiles age
Polone curas, nec reuocabili
Diffide fortunæ, aut fugaci
Anteueni tua fata tergo.
Tibi refuso nunc age sanguine
Pulchri Gelonus nominis eluat
Labem, & colonorum cruentis
Damna riger lacrymosa riuis.
Surgemus? an nos distinet aurea
Mensæ supellex? quos manet (heu dolor!)
Hæc mensa conuiuas? is auro
Nempe bibat, cui dulce ferrum est.
Neruum recusis in pretium scyphis
Bello paremus, quæ malè per vias
Sparsit platearum, tuendis
Hæc eadem neget arca muris?
Hæc numerati, nos potioribus
Seruemus ausis. pectora non priùs
Quàm vulnerantur scuta: frustra
Exanimem tegit umbo dextram.
Me prisca lætat fabula: crescere
Per ipsa Lechum damna, sed heu! recens

Ne me refellat fama , Lechum
 Damna suis cumulare damnis.

PALINODIA

ad Parodiam IOANNIS KOCHANOVII.

Cum victoria de Turcis parta renuntiaretur, ac paullo post STANISLAVS
 KONIECPOLIVS *Exercituum Regni*
Poloniarum Ductor Campestris Scythas
prosperis praliis fudisset.

ODE VI.

Æ Terna laudum nec violabilis
 Polone merces : sanguine Concanos
 Pacem redemisse , & reuictam
 Vno Asiam Lybiamque bello.
 Extrema latè quà rigido subest
 Europa cælo , cornua fregimus
 Lunæ , cui lustrat subactas
 Sol oriens moriensque terras.
 Io triumphæ : Lechiadæ Duces
 Egêre præ se signa fugacium
 Latè Gelonorum , Polonis
 Non iterum reditura campis ,
 Pars iussa pacis viuere legibus ,
 Pars fœderatâ cedere Daciâ :
 Io : Corallorum Polonis

Signa ducum micuere templis:
Gens quæ niuali deuia Caucaſo,
Vndaſque terrasque, & dubium manu
Concuſſit orbem; non decoro
Anteiſt ſua fata tergo.

II. Nocturna quondam ſic humili meant
Sub antra grefſu degeneres lupi,
Si quando venantium tumultu
V. Auia perſonuerunt luſtra,

Re. Quantum cruenti pectoris & Gotho
Scy. Dememus hoſti, qui modò Liſonum
Terras repentinâque cinctam
Terruit obſidione Rigam!

Sed ne ſecundis heu nimium pi
Credamus armis: ſæpè ſuum leuis
Fortuna victorem reliquit:

Et medios ſecuit triumphos
Contemptus hoſtis ſic Lacedæmonum,
Sic bellicoſi mœnia Romuli

Creuere contemptu, & perennes
Gentibus impoſuere frænos.

Dat ira vires quæ tumido dolet
Ab hoſte temni: ſunt & inermibus

Ira columbis, ſunt echinis,

Sunt apibus ſua tela paruis.

Hic ipſe qui nunc improbus æreas
Turum fluenti Danubio Geres

Nectit catenas, cum ſecundis

Podoliam populatus armis.

Spernet Lecheæ robora dexteræ :
 Me vate , tinget sacrilegâ Lechos
 Cervice mucrones , potenti
 Sic Nemesi , placitumque fatis

AD CÆSAREM PAUSILIPV
*Dini Davidis Regis & Vatis Lyrica Po
 si Latinam non esse parem.*

O D E V I I.

IEssea quisquis reddere carmina
 Audet Latini pectine barbiti ,
 Audet redordiri superbæ
 Turrigeras Babylonis arces.
 Quantus Poloni è vertice Carpati
 Ruptis inundat Vistula fontibus :
 Se fert , inexhaustusque tanto
 Isacius ruit ore Vates.
 Vt cumque Pastor duxit in auias
 Armenta valleis , aut gelido super
 Iordane , muscosæque Bethles ,
 Aut liquidis Acaronis vndis :
 Dulci renarrat carmine melleis
 Manasse retrò sæcla liquoribus ,
 Vinique riuos , & vetustas
 Lacte nouo trepidasse ripas :
 Seu fortè miles belligeras lyrâ
 Transsumit hastas , & Superûm pio.

Scutumque loricamque Regi
Induitur, femorique magnum
Appendit enssem, qui malè pallida
Vrat minaci sidera fulgure,
Vrbesque Regesque, & tremendo
Regna metat, populosque ferro
Seu Christianis grande nepotibus
Euoluit æuum, siue adamantinis
Decreta cæli fixa valuis;
Siue hominum Superumque Patrem
Stellante mundi sistit in atrio,
Cum toruus alti nube supercili
Diiudicandorum supremus
Consilio stetit in Deorum.
Illi & propinquus Terror in aureo,
E Fas, & Æqui strenua Veritas,
Et Candor, assedère scamno,
Et liquidæ sine nube Leges.
Quis ducat æquo pectine futilem
Et luce pallam? quis sub ianthini
Tentorio cæli sedentem,
Quis rutilis diadema dicat
Crinale stellis? quis memoret Deum
Latè trahentem syrma per aureum
Mundi pauimentum, sequaci
Sidera conglomerare limbo?
At quantus inter Niliacas chelyn
Intendit vndas, cum reducem Pharo
Mosen, Erythræisque ducit

Isacidum pia castra lymphis?
Hinc ruptus atque hinc artifice lyrâ
Pontus rigenti diffiliit freto, &
Circum pependerunt cunctes
Marmoreis maria alta muris.
Vidère stratis te Deus æquora
Vidère tonsis, & liquido pede
Fugere: porrectas in altum
Ipse timor glaciauit vndas,
Et stare iussit. non humili sono
Terrasque & ictos increpuit polos
Armatus æther: hinc rubenti
Fulgura dissiluisse rimâ:
Interque crebræ verbera grandinis,
Vndasque, flammisque, & trepidantium
Duella ventorum, superbi
Frangigas Pharaonis alas,
Currusque, & hastas, sanguineum mare
Iam non inani nomine proruit
Latè superfusum: cruentos
Seruat adhuc memor vnda sulcos.
Tum verò victor quadriiugas super
Sublimis auras se Deus extulit,
Longèque frangatis terendit
Sacra Notis Zephyrisque lora:
At læta circum flumina vitreis
Plausere palmis, & velut arietes
Succussa certatim supinis
Culmina subsiliere siluis.

Hæc nos nec olim Sarmaticâ rudes
 Ausi Camœnâ : nec modò Dardanas

Culti per arteis , fortiore ,

PAVSILIP I , recinemus œstro.

Satis daturi , si Salomoniam

Vicumque lenes tendere barbata ,

Castam Sunamitum , & pudicos

Carmine sollicitamus ignes.

LAVS DANTISCI

*Memoratur insignis Dantiscanorum de
 Classe Teutonicâ victoria, & fides erga
 Polonia regnum collaudatur.*

ODE VIII.

QVæ puppis aut quis Pegasus vltimas
 Tibi dicatum carmen in insulas
 Portabit , ô fidus Borussæ

Gentis , Hyperboreique latè

Regina cæli , quæ vitrei super

Sedisse felix margine Vistulæ ,

Terrasque liquentesque circum

Oceani speculata campos ,

Iniecta septem fræna Trionibus

Doctâ relaxas & cohibes manu ,

Vtrimque pollens , siue tellus ,

Siue tuas tremat vnda leges ?

Gazas tuorum non ego ciuium
Canam profanus : non ego turribus
Balthim coronari , & trecentas
Portubus aduigilare proras
Non , quòd Britannos nauiger , aut tuus
Eoa remus verberet æquora :
Non quòd tuis Ormusianæ
Mercibus infremuere ripæ.
Non , aut propinquas digna Palatia
Æquare nubes , aut Superum canam
Delubra , non imaginosis
Atria conspicienda ceris.
Olim reuictos consilio dolos
Dicam PlauenI. cetera distuli
Nondum Ausus Amphion perennes
Cantibus ædificare muros.
Humana quidquid composuit manus ,
Humana rursus difficiet : iacet
Ingens Alexandria , & altæ
Mœnia procubuere Romæ.
Natura cassos subruit æmulæ
Artis labores. heu malè prouidi
Casura mortales in altum
Extruimus , colimusque , iisdem
Mox obruendi ! Troia premit Phrygas ,
Graios Mycænæ : sola Fides super
Turrita terrarum sepulchra
Euenit , & iacuisse gaudet ,
Quidquid caduco condidit omine

Non sola virtus. oppida Ciuium
Virtus tuerur , non athena
Claustra , Semiramidæ turres ,
Non sulphuratis feta tonitribus
Tormenta , non arx clausa decemplicis
Errore muri , sola diros
Urbe Fides prohibebit hostes.
Hac arte lato Teutonas æquore
Urbs magna fundis , quam neque callidum
Perrupit aurum , nec dolosi
Munera blanditiæque belli.
Nam Fas , & Æqui prisca Seueritas ,
Simul potentum limina Ciuium.
Muniuit , & dona & repulso
Arma retrò retulere gressus.
Mœstum locuto iam redeuntibus
Signis Magistro ; nunc ego (prò pudor)
Ferar per Europen celebris
Fabula , dedecorasse sacri
Leges Gradiui , & degenerem dolo
Armasse dextram. non ego (prò dolor)
Ferro Borussia nec auro
Dedecores animos probavi ;
Vtrimque fœdus. classis in vltimam
Disiecta Thulen , & profugæ rates
Heu turpe vulgabunt PlauenI
Opprobrium : vice plus quaternâ
Tentata nostris mœnia classibus
Stetisse , & auri muneribus meas

Ferrum regeſſiſſe in carinas,
 Non iterum reditura dona.
 Quem fœderatis nunc ego nuntium
 Mittam Sicambris? quos ego Teutonum
 Faſtis recenſebo triumphos?
 Quæ patriis ſpolia ampla fanis?
 Fruſtrâ pudendis Fama ſuperſtitem
 Narrat ruinis. ô ego naufragus
 Periſſe dicar? donec alter
 Me melior pauido triumphus
 Excuset orbi: ſi tamen hoc quoque
 Fortuna verſâ iam negat orbitâ,
 Me vera non falſo probriolum
 Naufragio Libitina condar.

AD ROMAM.

Eam bonarum artium nutricem eſſe.

ODE. IX.

SEcunda cælo Roma, perennia
 Quam iura dantem quadriiugo vehit
 Hinc Africa Europæque ſupplex,
 Inde Aſia Americæque curru,
 Olim cruentis non ſine præliis
 Frænare terras aſpera, nunc potens
 Pacis ſacramento quietæ
 Belligeras cohibere genteis.

Nec omne terram prospicit undique
Cælum, nec omnis parturit omnia

Tellus, & in magnis relucet

Discolor ingeniis venustas.

Te mite cælum, te genius loci,

Et quæ bonorum copia plurimo

Se fundit è cornu, colendis

Mortibus ingenioque blandam

Fecere matrem, non tibi nubilæ

Mentes, sed album quæ generosius

Bibere solem, sunt aperto

Pectora candidiora cælo:

Verique pugnax, & niuei vigil

Pubes Honesti: fulgurat indoles

Vultuque, cultuque, & fideli

Non dubius sedet ore Candor.

Sunt & benignæ quæ bona pectoris

Ornant Camœnæ. non veteres ego

Vates, & ignotos amico

Carmine sollicitabo maneis:

Testis mearum viuida **BENCII**

Thalia laudum: testis amœnior

Argenteis **GALLVTIORVM**

Barbitos insonuisse nervis.

Testis feroci qui premit impetu

Papianiani prælia pectinis

DONATVS: heu testis Tragædi

Postuma Calliope **STEPHONI**,

Diuesque **STRADÆ** cultus, & integer

240 LYRICORVM

GVINISIANVS candor & aurei
 Lepos PETRVCI, aut qui Latino
 Dulce fuit GODEFRIDVS ore,

Quamquam nec armis desit idonea
 Campoque pubes : & tibi Thracium
 Depræliaturos Tyrannum

Magnanimos Latium nepotes
 Cultûque & almis educat artibus ;
 Qui regna Cypri , qui Rhodon asserant
 Armis , Palæstinósque colleis ,
 Et Solymi iuga parricidæ.

Vidi Latinas , vidi ego , ludicro
 Latè Phalangas feruere prælio ,
 Primi rudimentum Gradiui ,

Dum Ligurum Allobrogúmque quondam
 VRBANVS acres non sine numine
 Componit iras , cùm fera militum
 Ferrara vicinum quietis

Eridanum monet esse ripis.
 Heu quanta bello robor ! non mihi
 Indictus olim vixeris , altiùs

TORQVATE fraternâ sonari
 Digne lyrâ , Comitum propago
 TORQVATE Regum. te Latiis grauem
 Bohemus armis , te validum leues

Sensere Daci , tu perempti
 Non humilis socius BVQVOI ,

Tunc Vaticano primus in agmine
 Pugnam docebas : qualis adhuc rudem

Chiron

Chiron Achillem, qualis alto
 Amona Protesilaus Aëmo.
 Dicent COLVMNAS qui grauioribus
 Dicent Camœnis edomitum mare, &
 Opima Naupacti trophæa, &
 Ausonio pia bella ponto.
 Non & sonandus non geminus pari
 YRSINVS æstro? sed benè credidit
 Imbelle plectrum, non pharetram,
 Aut habilem mihi Phœbus arcum.

AD Q. DELLIVM.

*Non tam populari exemplo, quàm potius
 rationis ductu vitam esse instituendam.*

ODE. X.

DELLI, si populo duce
 Vitæ degenerem carpinus orbitam
 Erramus, procul arduis
 Virtus se nimum seposuit iugis.
 Illuc quò via tritior,
 Hoc est certa minus. Longus inuerti
 Error nectitur ordine:
 Et mores populum, non ratio trahit.
 Casu viuitur, & viam
 Non metam premimus, quâ præcuntium
 Per vestigia ciuium

Infanae strepitus plebis , & improbae
Voces inuidiae vocant.

Exemplis trahimur , & trahimus retrò,
Soli nemo sibi est malus ,

Nulli vita sua est : dum vaga postero
Turbam turba premit gradu ,

Sunt primi exitio saepe sequentibus.
Me Parnassus & integer

Plebeiis Helicon coetibus eripit
Sublimem : vnde vagantium

Errores animorum , & malè desidis
Vulgi damna patent. iuuat

Ex alto intrepidum colle iacentia
Despectare pericula , &
Cautum non propriis viuere casibus.

AD SIGISMVNDVM LÆTVM.

*Gloria inanis despicientiam & silentium
commendat.*

ODE. XI.

LÆTE , quid cassis sequimur fugacem
Gloriam telis ? fugit illa Mauri
More , vel Parthi , regeritque ab ipso
Vulnera tergo.

Hospes vnus negat esse tecti
Garrulus vulgi fauor : hinc inani
Auræ rumores legit , inde veris

Falsa remiscet.

Hic velut nidum positurus hæsit,
Mox ubi vano vacuum tumultu
Pectus illudit, tacitis in altum

Subsilit alis.

Vera laus sciri fugit. ipse pulcher
Se suâ Titan prohibet videri
Luce : qui totus potuit latere,
Maior habetur.

Qui premit sacram taciturnitate
Pectoris gazam, benè non silenti
Tutus in vulgo, benè suspicaci
Regnat in aulâ.

Præterit mutas benè cymba ripas,
Quæ simul rancis strepuere saxis,
In latus cautam sapiens memento
Avertere proram.

AD IANVM LIBINIVM

Solitudinem suam excusat.

ODE XII.

Q Vid me latentem sub tenui lare
Dudum moretur, cum mihi ciuium
Antea certatim patescant

Atria, sæpè rogas LIBINI.

Me plenus, extra quid cupiam? meo
In memetipsum clausus ab ostio,

In se recedentis reuiso

Scenam animi, vacuūque lustro

Vitæ theatrum, sollicitus mei

Spectator, an quæ fabula prodij

Matura procedam, & supremo

Numinis excipienda plausu.

Omnes recenset Numen, & approbat,

Vel culpat actus: quo mea iudice

Si scena non læuè peracta est,

Sim populo sine teste felix.

Odi loquacis compita gloriæ

Plebeia: quam cū Fama fauentibus

Euexit auris, sæpè misso

Inuidiæ stimulata telo,

Aut inuidentū territa vocibus

Parū obstinatis & malè fortibus

Dimittit alis. illa nudam

Plangit humum, lacerósque faxis

Affligit artus. Me melius regat

Priuata virtus, & popularia

Numquam volaturum per ora

Celet iners sine laude tectum;

Semora laudem si meruit, vetat

Audire virtus. tutius inuidi

Longinqua miramur: propinquis

Læus amat comes ire Liur.

AD CÆSAREM PAVSILIPIVM.

Aduersa constanti animo ferenda esse.

O D E XIII.

Si quæ fient mala lugubres
Auferrent oculi, Sidoniis ego
Mercarer benè lacrymas
Geminis, aut teretum merce monilium.
At, ceu rore seges viret,
Sic crescunt riguis tristitia fletibus.
Viget lacryma lacrymam;
Fecundusque sui se numerat Dolor.
Quem fortuna semel virum
Vdo degenerem lumine viderit,
Illum sæpè ferit; mala
Terrentur tacito fata silentio.
Ne te, ne tua fleueris
Quæ tu, care, vocas, PAVSILIPI, mala
Quam pellunt lacrymæ, fouent
Sortem dura negant cedere mollibus.
Siccas si videat genas,
Duræ ceder hebes fors patientiæ:

AD CRISPVM LÆVINIVM.

*Rogatus cur sæpè per viam caneret ,
respondet.*

O D E XIV.

CVM meam nullis humeros onustus
Sarcinis tecum patriam reuiso
Lætus, & paruo mihi cùmque diues
Canto viator,

Tu siles mœstum : tibi cura Musas
Demit, & multi graue pondus auri,
Quæque te quondam malefida rerum
Turba relinquet.

Diues est qui nil habet, illa tantum
Quæ potest certâ retinere dextrâ,
Sèque fert secum, vaga quò migrare
Iussit egestas.

Quid mihi, qui nil cupiam, deesse
Possit? umbrosi placet vna Pindi
Vallis: ô sacrum nemus, ô iocosæ
Rura Camœne!

Quæ meos poscet via cumque gressus
Delphici mecum, mea regna, colles
Itis, & festum comitante circum-
fistitis umbrâ.

Me Gothus sæuis religet catenis,
Me Scythes captum rapiat, solutâ

Mente vobiscum potero tremendos
Viscere Reges.

AD MVNATIVM.

*Nihil in rebus humanis non tadio
plenum esse.*

ODE XV.

Nil est, MVNATI, nil, iterum canam,
Mortale, nil est, immedicabilis
Immune tædi. Clarus olim
Sol proavis atavisque nobis,
Parum salubris, nec maculâ reus
Damnatur vnâ: quidquid in arduo
Immortale mortales Olympo
Vidimus, inuidiæ caducâ
Fuscamus umbrâ. non placet incolis
Qui sol auitis exoritur iugis,
Aut prisca quæ dudum paternam
Luna ferit radiis fenestram.
Cælo quotannis, & patriis leues
Migramus aruis, hunc tepidæ vocant
Brumæ Batauorum, huic aprici
Ausoniæ placuere soles
Frustrâ; fideles si dominum retrò
Morbi sequuntur, nec tacitus Dolor
Absistit, aut Veiente curru,
Aut Venetâ comes ire cymbâ.

Tandemque nobis exsulibus placent

Relicta, certam tui posuit domum

Virtus, huic numquam paternæ

Fumus erit lacrymosus aulæ.

Virtus agresti ditius in otio

Se se ipse claudit finibus in suis

Plerumque, & insonti quietum

In palcâ solium reclinat.

AD EQVITES POLONOS.

*Illos quàm maximè campestribus praliis
idoneos esse.*

O D E XVI.

NEc Lechus neque Lechicis
Proles ille fuit nata nepotibus,
Primus qui docuit suis

Vibes Sarmatiæ fidere machinis.

Campestres benè Sarmatæ

Campo bella gerunt : sub Ioue libero

Natam militis indolem

Frustrâ belligero clauditis otio ;

Arctis oppida mœnibus

Virtutem cohibent, dum malè fortibus

Addunt consiliis moram, &

Crescentes hebetant Martis adoreas.

Sic non vincimus, vt diu

Vincamur, miseri, ni vetet exteri

Campēstris manus auxili
Hostem quassa diu cingere mœnia ,
Aut vis viuida ciuium
Rumpentis nebulam more tonitru
Clauſo proruat oppido ,
Et murum ſolido pectore ſuppleat.
Agreſtes melius feræ ,
Quarum non vacuis iurgia ſub iugis ,
Sed plano generoſior
Campo pugna calet , prodit inertibus
Antris impauis leo ,
Hostem conſpicuis ſternere collibus.
Aër ingenuis patet
In pugnas aquilis. mollibus euolat
Nidis , cū violentior
Viſis accipiter pugnat oloribus.
Quid nos picta leonibus
Fruſtrā parma regit ? cur Iouis alitem
Aut cur accipitrem cauo
Geſtemus clypeo , ſi malè Martiæ
Reſpondet nota dexteræ ,
Nec pulſo reſonat gloria pectori ?
Quòd ſi non vacuum genus
Iactamus timidi , cur fugimus ſacrum
Immiſcere periculis
Cælo teſte caput , non ſine ſtemmate ?
Magno magna ruant loco ,
Aut vincant. videat ſol meliùs mori
Quos naſci benè viderat ,

Et laudis spatium mors habeat suæ,
Hac virtute Chaber vagum
Sub consanguineæ iura Poloniæ
Iussit ire Borysthenem,
Captiuique super marginibus Salæ,
Et Silesidos Oderæ,
Metas imperio fixit aheneas,
Quà certo pede gloriam
Stantem non stabilis præfluere liquor,
Nos fœdam Lare patrio
Ætatem regimus, solliciti parùm,
Quàm vicinus aret Gothus,
Vel quàm frugiferæ rura Podoliæ
Creber diripiat Scythes:
At non & madidi sub iubar Hesperii
Inter pocula nescij
Noctem sanguineo ducere iurgio.
Quòd si ptima senes hyems
Admouit tepido cum pueris foco,
Patrum dicere prœlia
Hauſto non humiles historiçi mero,
Fecundam scelerum pij
Ætatem querimur, quam noua posterum
Inter pocula liberis
Flemus, quæ miseri sæcula fecimus.

AD VIOLAM.

*Kalendis Maij quotannis Pueri IESV
caput coronaturus.*

ODE XVII.

AVroræ veris, punicei recens
Regina campi, cinge mei precor
Frontem puelli: cur sub auro
Parvulus heu grauibûsque gemmis,
Aut sub prementis fidere purpuræ
Laboret? ô cui pauperies mei
Regnum dicavit, nocte sertum,
Nocte meo diadema Regi.
Parvo coronat munere se Deus
Plerumque, si quæ paupere dat manu
Diues voluntas: dona magnis
Parua animo placuere magno.

AD ROSAM.

*Quotannis Kalendis Junij D. Virginis
caput coronaturus.*

ODE XVIII.

Siderum sacros imitata vultus
Quid lates dudum rosa? delicatum
Effer è terris caput, ô tepentis
Filia cæli.
Iam tibi nubes fugiunt aquosæ,
Quas fugant albis Zephyri quadrigis,
Iam tibi mulcet Boream iocantis
Aura Fauoni.
Surge, qui natam deceant capilli
Mitte scitari: nihil heu profanæ
Debeas fronti, nimum seueri
Stemma pudoris.
Parce plebeios redimere crineis,
Te decent aræ: tibi colligenda
Virginis latè coma per sequaceis
Fluctuat auras.

AD IESVM OPT. MAX.

EX SACRO SALOMONIS EPITHALAMIO.

*Jndica mihi quem diligit anima mea , ubi
pascas , ubi cubes in meridie.*

O D E XIX.

DIcebas abiens : Sponsa vale , simul
Vicisti liquidis nubila passibus.

Longam ducis , I E S V ,

In desideriiis moram.

Ardet iam medio summa dies polo ,
Iam parcit segeti messor , & algidas

Pastor cum grege valleis ,

Et pictæ volucres petunt.

At te quæ tacitis distinet otiis

O I E S V regio ? quis mihi te locus

Cæcis inuidet umbris ,

Aut spissâ nemorum comâ ?

Scirem , quo iaceas cespite languidus ,

Quis ventus gracili præflet anhelitu ,

Quis riuus tibi grato

Somnum prætereat sono ;

Ah ! ne te nimio murmure suscitent ,

Nostræ diluerent flumina lacrymæ ,

Et suspiria crudis

Miscerentur Etesiiis.

AD DIVAM VIRGINEM.
CARMEN VOTIVVM.

O D E XX.

Regina terris non humili Deum
Enixa partu, cui vigiles comam
Flammæ coronauere, & albo
Sidera circumiere gyro,
Vt cumque viles respicis aureâ
E nube terras, lenior excipe
Non antè testudo locutis
Quæ mea cumque sonat Camœnis,
Me torua circum mugiat horrido
Malea ponto, me fera sorbeat
Charybdis, enantem per ipsas
Eripier tua dextra morteis.
Importuosi seu iubar æquoris
Audire gaudes, seu Pelagi Pharos,
Seu certa tu maui vocari
Ambiguus Cynosura nautis:
Seu naui olim credita naufragum
Seruasse sæclum, cum scelerum Pater
Vltor superfuso Gigantum
Obrueret genus omne cælo:
Me pestilenti Sirius halitu
Afflet, caducum tu benè proteges
Vmbra clientem, seu comanti

Dulce vires Terebinthus auro,
Seu celsa gaudes Cedrus in arduo
Nutare Sina, seu Libano super
Cupressus, aut latè Cadanis
Populus aspicienda campis.
Dicam & minoris carmine barbiti
Inter seueras nobile Liliū
Florere spinas, & comantem
Flore Deo tremuisse Virgam.
Cingat frementū me globus hostium,
Dicēre denso Exercitus agmine
Alas, & æqualem reductis
Cornibus explicuisse campum :
Dicēre virgo Turris, eburnea
Dicēre Turris, quam nec aheneus
Perrumpat imber, nec ruinam
Flamma graui meditata plumbo.
Quod si canoro carminis alite
Indis morantem Musa cubilibus
Hortetur exire, & nigrantes
Luce nouā reparare terras :
Non & benignis respuis auribus
Aurora dici : surgis & integro
Nunc Luna vultu, nunc Eo
Cynthius inueheris triumpho.
Quocumque gaudes nomine, me tuum
Tuēre Mater, si mihi per tuas,
O Virgo, non immunis aras
Mica salit, Cilicēsque nimbi.

Hic Vaticanis non sine laureis
 Appendo functum carmine barbitum, &
 Olim Polonorum trophæa
 Sollicitam cecinisse buxum.

EX SACRO SALOMONIS EPITHALAMIO.

*En dilectus meus loquitur mihi : Surge,
 propera amica mea, columba mea, for-
 mosa mea, & veni. Iam enim hyems
 transijt, imber abiit, & recessit : flores
 apparuerunt in terrâ nostrâ, tempus pu-
 tationis aduenit : vox turturis audita est
 in terrâ nostrâ : ficus protulit grossos
 suos : vineæ florentes dederunt odorem
 suum. Surge, amica mea, speciosa mea,
 & veni.*

O D E XXI.

F Allor ? an Elysijs læuâ de parte Sereni
 Me mea vita vocat ?
 Surge soror, pulchris innectito lora columbis,
 Pulchrior ipsa super
 Scande rotas, Libanîque leuem de vertice currû,
 Has, age, flecte domos.
 Ad tua decidui fugiunt vestigia nimbi,
 Turbidus imber abit :
 Ipsa sub innocuis intescunt fulmina plantis,

Ipsa virescit hyems.

Interea sacris aperit se scena viretis,

Sub pedibusque tibi

Altera floret humus, alterque vagantia late

Sidera pascit ager.

Hic etiam trepidi pendent è rupibus hœdi,

Præcipitesque capræ,

Hinnuleique suis, passim dum flumina tranant,

Luxuriantur aquis.

Ille cum pardo viridis de colle Saniri

Mitis uterque regi,

Cumque suo passim ludunt in montibus agno

Exsuperantque iuga.

Plurimus hos circum tacito pede labitur amnis,

Pumicibusque cauis

Per violas lapsæ, per declives hyacinthos,

Exspatiantur aquæ.

Lenè fluunt riui, muscosis lenè susurrus

Murmurat è scopulis.

In vitreo pisces saliunt hilares crystallo,

Dulcè queruntur aues.

Nec verò, si mœsta placent solatia, cælo

Flebile murmur abest:

Nam sibi dum vestro regemunt ex orbe palûbes,

Huc sonus ille venit,

Sic dum se viduo solatur carmine turtur

Gaudia nostra placent.

Cetera non desunt. pronis vindemia pendet

Officiosa botris.

Hic etiam vulgò violas, albertia vulgò
Vngue ligustra leges :

Ipsa tibi, leti succos oblita priores,
Mitia poma cadent :

Ipsæ maturâ labentur ab arbore ficus,
Percutientque sinum.

Interea falcem vindemia nescit, aratrum
Saucia nescit humus.

Ipsæ sponte virent segetes, innoxius ipse
Messibus albet ager.

Præbent hospitium platani : præbet formosos
Graminis herba toros.

Cædua Panchæos sudant opobalsama nimbos,
Et genialis odor

Adspirat quoties, nutantibus hinc atque illinc
Ingruit aura comis.

Surge, quid indignos ducis per tædia soles?
Surge, age, cara soror.

Ecce tuis ipsæ iam circum fræna columbæ
Ingemuere moris.

Huc age, formosas formosior ipsa columbas
Hospita flecte soror.

AD VIRGINEM MATREM.

*Quasi aurora consurgens, pulchra ut luna,
electa ut sol, terribilis ut castrorum acies
ordinata.*

ODE XXII.

Quando te dulci sine prole solam
Miror, Eo reducem cubili,
Miror Auroram croceo rigantem
Æthera nimbo.

Mater at nato simul adstitisti,
Integram miror radiare Lunam,
Ora debentem, radiósque & almo
Lumina Soli.

Cinge maternis puerum lacertis :
Sol eris, vel quæ vigil explicatis
Siderum turmis Acies tonantem
Circumit aulam.

AD CICADAM.

ODE XXIII.

O Quæ populeâ summa sedens comâ,
Cæli roriferis ebria lacrymis,

Et te voce, CICADA,

Et murum recreas nemus.

Post longas hyemes, dum nimium brevis

Ætas se leuibus præcipitat rotis,

Festinos, age, lento

Soles excipe iurgio.

Vt se quæque rapit: nulla fuit satis

Vinquam longa voluptas,

Longus sapius est dolor.

AD D. VIRGINEM

MATREM.

*Psalm militaris POLONORVM, quem
Diuus ADALBERTVS Archiepis-
copus Gnesnensis POLONORVM
Apostolus & Martyr conscripsit, Re-
gnoque POLONIARVM testa-
mento legauit.*

*Poloni acie explicatâ manum cum hoste
collaturi populariter decantant. Petrus
Skarga olim SIGISMVNDI III.
Polonorum Regis Theologus in vitâ D.
ADALBERTI recensuit & expli-
cuit. Auctor ex Polonico carmine in
Latinum vertit.*

ODE XXIV.

Diva per latas celebrata terras
 Cælibi Numen genuisse partu
 Mater & Virgo, genialis olim
 Libera noxæ :

Dulcè ridentem populis Puellum
 Prome formosis bona Mater vlnis ;
 Expiaturum populos manu de-
 mitte Puellum.

Apta dum nostris venit hora votis,
 Supplices audi, meliore mentes
 Etudi voto, sociâ Puellum

 Voce precamur.

Integram nobis sine labe vitam,
 Prosperam nobis sine clade mortem,

CHRISTE, stellatâque MARIA Divam
 Annue sedes.

Numinis natam tibi crede prolem,
 Qui pius credi cupis : ille multis
 Pressus ærumnis populos ab imo
 Eruit orco.

Ille non vñquam pereuntis ævi
 Scripsit heredes, & inobsequentis
 Præsidem leti, cohibet seueræ
 Lege catenæ :

Ausus indignum tolerare letum,
 Sontis Adamî memor, ille necdum

Præuius ductor penetrarat alti

Limina cæli,

Donec informi Deus è sepulchro

Prodiit victor : bene iam supremo

Affides Adam folio perennis

Holpes Olympi.

Nos tuam plebem sobolémque sanctis

Adleges campis , vbi regna Diuûm

Gaudij torrens & inundat almi

Flumen amoris.

Saucium nobis latus & cruentas

Ille plantarum manuûmque plagas

Sustinet : nobis medicos latus de-

stillat in imbres.

Hoc fide concors animique maior

Turba credamus , scelus eluisse ,

Et salutarem patuisse nobis

Vulnere CHRISTVM.

Ite , iam fœdam (monet hora) labem,

Ite , mortales prohibete : magno

Carmen & totam sine fraude mentem

Impendite Regi.

Tu tuâ , VIRGO , Sobolémque Regémque

Ætheris , leni prece , ne malorum

Turbo per præceps cumulosque sese

Explicit omnes.

Siderum ciues , facilem precati

Siderum Regem , reseat cælum,

Ciuius terræ socialis olim

Turba futuri.

Ille nos, I E S V, locus, illa tecum
Regna coniungant, vbi nos canentùm
Cælitum pridem vocat in beatam

Exercitus aulam.

Sic erit, votis iteramus omnes,
Sic erit, septem bona verba læto
Profer euentu Pater, & beatos
Pande Penates.

DIALOGVS

PVERI IESV ET VIRG. MATRIS.

CARMEN VOTIVVM.

Ex Cant. Canticor. I. IV. V. VI. & VII. Cap.

ODE XXV.

Puer. VIRGO fidereis pulchrior ignibus,
Auro fulgidior, lucidior vitro,
Rubro gratior ostro,
Albâ candidior rosâ

Virgo. I E S V purpureo clarior Hespero,
Lunâ splendidior, Sole serenior,
Vernis gratior aruis,
Hibernâ niue purior.

Puer. Sic fulges oculis, vt geminus propè,
Qui cùm lusit agris fons Efeboniis,

Clausum stare quieto
Se miratur in otio.

Virgo. Sic lucēs oculis, vt geminæ propē
Lucent, seu fluuio, siue liquētibus
Lotæ lactæ columbæ
Assedere canalibus.

Puer. Ornant ingenuæ colla tibi comæ,
Lydis lota velut purpura fontibus,
Summis aut Galaadi
Declines capræ iugis.

Virgo. Ambit pulchra tuas cæsaries genas,
Qualis frondifluis palma viret comis,
Qualis coruus in ipsis
Plumarum tenebris nitet.

Puer. VIRGO lenè tuis verba fluunt labris,
Hyblæo veluti mella fluant fauo,
Aut demissa solutis
Errent flammæ raniis.

Virgo. IESV, dulce tuis ora natant sonis,
Infuso veluti pocula cæcubo,
Aut humecta caducis
Gemment lilia roribus.

Puer. Mammæ sunt similes hinnuleis tuz,
Qui rudent teneris lilia moribus,
Dum se fessus anhelō
Inclinet senio dies.

Virgo. Certant NAT E tuis vberibus botri,
Botri, quos viridis parturit Cyprios.
Aut quos educat almis

Engaddus

Engaddus viridarũs.

Puer. Quisquis VIRGO tuas aspiciet genas,
 Pœnis aspiciet mala rubentia
 Ramis: cetera claudunt
 Imo se bona pectore.

Virgo. Quisquis NAT E, tuis hæserit in genis,
 Pietam dispositis artifice manu
 Liliisque, rosisque,
 Emirabitur aream.

Puer. Qui te non amat, est barbarior feris,
 Pardis asperior, tigride sæuior,
 Impacatior vrsis,
 Iracundior anguibus.

Virgo. Qui te non amat, est marmore durior,
 Saxis horridior, surdior æquore,
 Inconstantior auris,
 Immansuetior ignibus.

AD AVRAM.

ODE XXVI.

A Vra, quem veris tepor & serenâ
 Thraciæ vectant animæ quadrigâ,
 Huc ades, quâ te vocat hospitali
 Populus umbrâ.

Hic tibi liber Zephyrus comas per-
 sultet & ramos, vagus hîc supinas
 Increpet frondes teneroque vexet
 Gramina lusu.

M

Dum per apricos reuoluta flores,
 Vitreæ somnū fugā suadet vnda,
 Méque suspensamque comante perfla
 Barbiton alno.

Sic tibi cælum, lepidoque soles
 Rideant vultu: pede sic liquenti
 Ros tibi manet, tacitâque se sus-
 pendat in herbâ.

Sic tibi Seres Cilicesque campi
 Sospiti centum gement odores:
 Sic adulantes violis rosarum
 Pecte capillos:

Sic meo chordas quatiente plectro
 Inter admissis digitos acutum
 Sibilo Iudas, lyrico comes Po-
 etria vati.

NOE VATICINIVM.

*Luxuriam præteriti, & Idololatriam futuræ
 sæculi dequeritur.*

ODE XXVII.

DEmersa latè sæcula cū Noë
 Enauigaret, naufraga dicitur
 E puppe prospexisse regna,
 Et malè iam pelago latenteis
 Fleuisse terras: Sæcula, sæcula

Libido fœdis mergit amoribus ;
Totóque restinguendus orbis
Oceano , simul omnis vno
Peccauit igni , Scilicet impiis
Polluta Regum limina nuptiis
Spectante frustra Sole possent
Stare diu ? Pudor , heu ! nefasque
Nascentis æui , turpis amor , nihil
Intaminatum liquit : & innocens
Natura deformis nocenti
Supplicium graue pendit vñ.
Incesta fœdi fecimus omnia ,
Et digna perdi. Marmoreis vbi
Vrbes coronatæ Colossis ?
Aut vbi turrigeræ potentium
Arces Gigantum ? queis modò , liberi,
Festo choreas agmine plausimus ;
Delphines insultant plateis,
Et vacuas spatiosa cete
Ludunt per aulas , ac thalamos pigre
Pressère phocæ : defluit illito
Aurum lacunari , & refixæ
Ad pelagus rediære gemmæ.
Iam nec vetustis sculpta scientiis
Famosa moles perstat , & aureis
Inscripta maiorum sepulchris
Funditus occubuère saxa.
Ingens egestas , & simul omnium
Lactura rerum , flagitium , Dei

Cultúque delubrisque & aris ,
Heu miserum malè nudat orbem !
Iam iamque coget sæcula proprium
Nescire Numen : nec scelerum graue
Pensare permittet nepotes
Supplicium. simul omne ripas
Habebit æquor , rursus & inclyta
Tellus in herbam surget , & aureus
Titan inaurabit recenti
Arua die , populisque magnus
Crebrescet orbis. non eadem fluet
Ætas , & auro deterius diem
Procudet argentum , ac sonoro
Belligerum gemet ære tempus :
Tandemque ferro sæcula corruent.
Et , qui malorum summus apex , Dei
Oblita. me rerum parentem
Sacrilego colet igne tellus :
Falsumque numen (prò pudor !) impio
Narrabor orbi, ceu veteri Chao
Hac puppe discreuisse , & omnem
Naufragio recreasse mundum :
Mox stare terras , currere flumina ,
Frondere siluas , arua virescere
Iussisse paulatim , nitentis
Frugibus explicuisse campos.
Me Bactra Cælum , me Babylon Iouem ,
Me Susa Solem , me Pharij suum
Dicent Osyrim , me bifrontem

Aufoniæ colet ora Ianum.

At, ô potenti qui regis æthera
Terresque scepro; verte, Pater, Pater,

Vndasque terrasque & trifulcum

In caput hoc iaculare telum,
Ecceusque iam nunc stragibus obruar
Labantis æui: barbaricis ego

Solus superuiuam pudenda

Materies titulusque sacris?

AD DIVINAM SAPIENTIAM.

*Cùm noui è Germaniâ, Galliâ, Italiâque
motus bellici nuntiarentur.*

ODE XXVIII.

O Mens quæ stabili fata regis vice,
Ut nos pulchra tui seria consili,

An te nostra vicissim

Delectent, age, ludicra?

Nam tu cùm variâ spargis opes manu,

Effusas lepidò non sine iurgio

Rapramus, puerorum

Sparfas turba velut nuces.

Hic cùm scepra capit, frangit; hic antequam

Gesser, fracta videt. Fluctuat, heu! miser,

Alternâque potentum

Mundus diripitur manu.

Punctum est, fors auidis quod secat ensibus
 Inter tot populos. hoc precor vnicum
 Pauper : Secum auidi dum
 Pugnant, tecum ego rideam.

AD EQVITES POLONOS

Anno M. DC. XXX.

ODE XXIX.

QVos fera gignent sæcula posteros
 Narrabo vates. stemmata patriis
 Delere ne ceris, Quirites,
 Egrediis geminanda factis
 Olim minorum. si quid aui rudes
 Inominatâ gessimus alire,
 Reducet in laudem, nepotum
 Auspicio meliore virtus.
 Non scuta frustra, non galeas decent
 Gryphesque pardique, arque leonibus
 Vexilla nequidquam, & chimæris
 Sarmaticæ micuere parmæ.
 Quis ille ductor Balthida Lechicis
 Incendit armis? quod iuuenum recens
 Examen Arctoum Polonis
 Increpat Oceanum sub armis?
 Iamque & minaces bella fremunt Gothi,
 Hinc Martis, atque hinc tonitruis
 Immugit vnda: iam propinquæ

Prælia conseruere proræ.

Pro ! quantus armis in mediâ quoque

Formosus irâ , quantus in arduum

Assurgit ensem , quantus hastâ

Per Gothicas iuuenis phalangas

OS Exultat ? O lux , ô veterum recens

Sidus Iagellonum , ô patriæ Pater ,

Primasque bellantis per vndas

Sarmatiæ Cynosura salue.

Turrita saxis se tibi Suecia

Murisque pandit : iam tibi patrij

Cultus , & heroes reuinxit

Laurigerum diadema crines.

Iam Vilna latè , iam veteris Craci

Festo plateæ carmine personant :

Tu Typhis alter , tu seuerus

Belligero dare fræna ponto.

Princeps agrestes , & nimium diu

Terræ tenaces Martis adoreas

Latum refudisti per æquor ,

Aulus humo pelagóque magnum

Miscere nomen. te niueis super

Attollet altum Fama curulibus ,

Quà vesper atque Aurora sacrum

Purpureo lauit amne crinem.

Hæc tum madenti vespere , Sarmatæ ,

Canenda seris bella nepotibus

Bis terque sub noctem lyrâque , &

Nisouis iterate nervis.

Cras aut biremem , aut rursus equum citi
Scandetis. Eheu ! quæ noua barbaris
Effusa tempestas ab oris
Fulminat ? agricolasque latè
Camposque , frugesque , & pecorum procul
Armenta vasto proruit imperu ?
Impunè , prò pudor ! Polonas
Thracia depopuletur vrbes ?
At ô virorum quisquis amicior
Marti , citato scande rarem pede :
Quà pontus & neglecta Thracum
Claustra vocant , vacuæque turres ,
Perrumpe muros , dirue mœnia ,
Inuade porras , sterne solo domos :
Heu ! sterne Byzantî pudendis
Templa diu famulata sacris.
Io triumphè ! Sarmata Bosporo
Et belluosæ fræna Propontidi
Iniecit , Eoumque feris
Imperium reparauit armis.
At vos secundâ tempora Milites
Vmbate lauru , dum gemino super
Procedit Arctoüs triumpho
Victor Agenoreumque retrò
Frontis minorem , & compedibus grauem
Ducit tyrannum ; dicite consono
Vtrîmque plausu : Tu tuorum ,
Tu patriæ Pater , atque Cæsar.
Post hæc auito Pax bona parieti

Suspendet enses; & patrias nouæ
Narrabit ad tædas maritæ
Emeritus sua bellâ coniux.
Mox & quod atrâ Mars rapuit manu,
Castæ reponent prole puerperæ;
Nouique reptabunt per arcus,
Scuta per & galeas nepotes,
Iam nunc proterui, nunc etiam truces
Ad sæua ferri fulgura: sed diu
Neglecta pacabunt inuentam
Otia, Palladijque ludi.
Suâ quietus quisque sub arbore
Cœnam pudici cum sociâ tori,
Gnatisque, prosternet propinquo
Pocula prætereunte riuo.
Non aut malarum iurgia litium
Emptusve iudex, sed bona veritas
Componet itas, aut iocosi
Vina super epulasque amici:
Non spes bonorum, non studium lucri,
Cogent potentem visere curiam,
Tractusque longinquos viarum,
Et viduos numerare menses,
Quem manè siccum prima dies domo
Dimittet, illum fera dies domum
Potum reducet, & maritæ
Excipient sine lite cœnæ.
Mox ad paterni ruris amœnior
Surget labores: siue suas leo

Æstiuus ad menses vocabit ,
Siue redux ad aratra taurus.
Sed ipsa messis spontè fidelibus
Insurgit agris ; non segetem graues
Vrent auenæ , non feraces
Sugit iners paliurus agros :
Sed alba rubris lilia cum rosis
Canæque nardi stantibus annuat
Hinc inde ventis : atque in omni
Alta Geres fluitabit aruo.
Tunc ipsa labens æthere Faustitas
Passim per vrbes neëter , & oppida
Lætas Napæarum choreas ,
Quam niueus Pudor , & solutis
Per colla passim Simplicitas comis,
Rerumque plenis Copia cornibus
Priscóque gausæ sequentur
Naiades Dryadesque cantu.
Hæc vera dicat tunc ego præscius
Dixisse vates : tunc mea carmina
Discenda grandæui parentes
Virginibus puerisque dicent.
Frustrà : nam in vrnâ surdus & immemor
Iacebo puluis. me tamen integræ
Lauri coronabunt iacentem , &
Circùm hederæ violæque serpent.

AD IANVSSIYM SKVMINVM
TISZKIEVVICIVM
PALATINVM TROGENSEM.

Cum BARBARÆ NARVZEVVICIÆ
coniugi carissimæ iusta persolueret.

O D E XXX.

SI tibi pollicitum numen, si fatâ fuissent
Æternos fore coniugis annos;
Iure per assiduos, Procerum fortissime, fletus
Ereptam querere IANVSSI.
Quē Pietas quē non moueat non tristib⁹ vmq^a
Arx animi concussa procellis,
Et Pudor, & proni niueo de pectore sensus,
Et regina Modestia morum,
Aut bona sedulitas, aut non incauta futuri
Præfagæ solertia mentis?
Prouida sed longum magnis virtutibus æuum
Non audent promittere Fata:
Nec possunt, si quæ maturauêre, profanis
Astra diu committere terris.
Nunc adeo parces longis onerare querelis
Depositum reperentia magnum.
Ingentes animi gazas, & robur, & aureo
Incoctum benè pectus honesto:
Sic Tanaquil, sic quæ cunctantem Claudia rexit

Virgineâ ce uice Cybellen,
Quæque maritali successit Theſſala fato;
Et Latiis vaga Cloelia ripis:
Ante diem raptæ viuunt poſt funera, vatum
Perpetuos in carmine faſtos.
Illa quidem non ſi ſurdos ad carmina Manes
Orpheâ teſtudine vincam,
Eductas adamante fores, & ahenea rumpat
Elyſij pomœria muri,
Reddaturque tibi. Stat nulli ianua voto:
Nullis exorata Poëtis.
Sunt tamen exiles inſigni in limine rimæ
Quà poſſint arcana videri,
Hæc ego, ſi nullos fallunt inſomnia mancis,
Aut vidi aut vidiffe putaui
Errantem campo in magno, quem gêmea circum
Perſpicuis ſtant mœnia portis:
Auro prata virent; arbor crinitur in aurum:
Criſpantur violaria gemmis.
Quæ nec Apellæus liquor, nec pulchra trigoni
Aſſimulent mendacia vitri.
Centum ibi formoſis in vallibus Heroïnæ
Æternum Pæana frequentant.
Stant virides campo ſtellæ, madidisque coruſca
Conniuent ſibi ſidera flammis.
Illa inter medias paruo comitata nepote
Et roſeo viuacior ore,
Ibat ouans, grandemque ſibi, grandemque nepoti
Nectebat de flore coronam.

Cetera me vetuit magni caligo serini
Mortali percurrere visu
Nec tu plura velis. satis est, cui fata dederunt
Æternis mutasse caduca.

AD PHILIDIVM MARABOTINVM

ODE XXXI.

Vides vt altum fluminis otium
Rerum quietâ ludit imagine,
Solemque lunamque, & sereno
Picta refert simulacra cælo.
Talem seuera lege modestiæ
Compone mentem: seu caput horridis
Fortuna circumsultat vndis,
Seu placidâ tibi mulcet aurâ.
In nube semper rideat aureo
Pectus sereno: quò meliùs sacros
Deique Naturæque vultus
Non dubiis imitetur vmbris.
Pulchrum est quietâ mente volatili
Instare Vero, nec trepido gradu
Vrgere Naturam nec inter
Ambiguas fluitare causas:
Sed mente fixâ ducere liquidos
Rerum colores, & capitis sacrà
Ab arce prospectare Verum, &
Fixa suis sua rebus ora.
Frustrâ proteruis fræna damus feris;

Si nulla nostræ fræna proteruiæ
 Aptamus. excussêre cælo
 Non vacui Phaëtonta fræno ,
 Sed lege , currus. qui refugit sui
 Rex esse , regni nesciet exteri :
 Quicumque dat sibi , regendo
 Ille potest dare iura mundo.
 Ut mentis almo cuncta premas sinu ,
 Ipsum seueris te preme legibus :
 Sic tu probis solers minister
 Consiliis , ego fidus auctor.

AD ALBEKTVM TVRSCIVM

De suis foraniis & lyricis.

O D E XXXII.

TVRSCI, seu breuior mihi
 Seu pernox oculos composuit sopor ,
 Pennas Somnia læuibus
 Affigunt humeris ; iamque virentia
 Latus prata superuolo ,
 Quà se cumque nouum molle tumentibus
 Campis explicuit nemus ,
 Herbosæque patet scena superbæ :
 Mox & nubibus altior ,
 Mistus flumineis ales oloribus ,
 Vinos despicio lacus ,
 Et dulci volucrem carmine mentior :

Iam tunc nubila, iam mihi
Blandis diffiliunt fulmina cantibus :
Et quæ plurima circuit
Collum, puniceâ vincior Iride
Idem iam vigil, & meus,
Non ingrata simul somnia dispuli,
Cum ter mobilibus lyram
Percussi digitis, immemor & ducis
Nil sectator Horatij,
Sublimis liquidum nitor in aëra :
Et nunc littora, nunc vagas
Siccis traiciens passibus insulas,
Nil mortale mei gero, &
Iam nil sollicito debeo ponderi.
TVRS EI, sæpè tamen mones,
Olim ne veteri clarior Icaro
Veris fabula casibus
Mutem Parrhasij nomina Balthici,
Frustrà : nam memor Icari,
Addo stultitiæ consilium breui :
Nam, seu dormio, me torus ;
Seu scribo, stabili sella tenet situs.

MATHIÆ CASIMIRI.
 S A R B I E V I I
 SOCIETATIS IESV
 LYRICORVM
 LIBER QVINTVS.

AD D. VIRGINEM MATREM
*Cum in inclita Vilnensi Societatis IESV
 Academia Curriculo Philosophiæ finem
 imponeret, scholasticam prælecturus
 Theologiam.*

O D E I.

ET iam quietis anchora puppibus
 Littus momordit. soluite carbasa,
 Proramque, malumque, & virenti
 Remigium religate lauru.
 O cui frequenti plurima supplicat
 Stagira portu; si tibi consona
 Respondet ex omni iuuentus
 Turre, Palæmonijque flammis
 Risere montes: si tibi peruigil

Depraeliantum exercitus ignium

Hinc pugnat atque hinc, atque athena

Pulvereo tonat ore moles:|

Emancipatis adde clientibus

Gratiam laborum, nec vacuum tui.

O VIRGO, pubem; siue castris

Siue tibi famuletur aris.

AD QVINTIVM TIBERINVM.

ODE II

Duitem numquam, TIBERINE, dices,
Cuius Eois potiora glebis

Rura, Fortunæ sine facie pulcher

Riuus inaurat;

Quem per insignis geniale ceras

Stemma claruit, vaga quem per varbes;

Quem per & gentes radiante vexit

Gloria curru.

Pauper est, qui se caret: & superbe

Ipse se librans, sua rura latam

Addit in lancem, socioque fallens

Pondus in auro.

Ceteris parvus, sibi magnus vni.

Ipse se nescit, pretioque falsæ

Plebis attollit, propriæque se mi-

ratur in vmbra.

Splendidam verâ sine luce gazam,

Turgidum plenâ sine laude nomen

Mitte; te solo, TIBERINE, disces
Esse beatus.

AD PAVLVM COSLOVIVM.

ODE III.

Iam pridem tepido veris anhelitu
Afflarunt reduces arua Fauonij:

Iam se florida vernis

Pingunt prata coloribus:

Stratus frugiferis Vilia puppibus

Grato præterabit rura silentio,

Quamuis proximus omni

Collis personet alite;

Quamuis & viridi pastor ab aggere

Dicat gramineâ carmina fistulâ,

Et qui nauita debet

Plenis otia carbasis.

Æquas Palladiis, PAVLLE, laboribus

Interpone vices. Cras simul aureo

Sol arriserit ore

Summorum iuga montium,

Scandemus viridis terga Luciscij

Quâ celsâ regitur plurimus ilice,

Et se prætereuntûm

Audit murmura fontium.

Illinc è medio tota videbitur

Nobis Vilna iugo; tota videbitur

Quæ Vilnam sinuosis

Ambit Vilia flexibus.

Illinc picta procul quæ radiantibus
Fulgent sana tholis, & geminam super
Despectabimus arcem,

Magni regna Palæmonis,
Vt longo faciles Pacis in otio
Se tollunt populi ! nam tria tertio
Surrexere sub anno

Priscis templa Quiritibus :
Et quæ conspicuis se Gediminia
lactant saxa iugis, & Capitolium,
Et quæ recta superbis
Intrant nubila turribus.

Augēt magna, Quies : exiguus labor
In maius modico prouenit otio.

Hinc & terga virentum
Latè prospice collium.
Quæ nunc mobilibus nutat Etesiis ;
Segni cana stetit sub niue populus
Qui nunc defluit, altâ

Hæsit sub glacie latex :
Qui nunc purpureis floret ager rosis ;
Immoto sterilis delituit gelu :

Verno quæ strepit ales,
Hiberno tacuit die.
Ergo rumpe moras, & solidum graui
Cure deme diem. quem tibi candidus
Spondet vesper, & ælbis
Gras Horæ reuehent equis.

AD EQVITES POLONOS ET LITHVANOS.

Amphion, seu Ciuitas bene ordinata.

ODE IV.

EXteros mores prohibete pulchrâ
 Lege, Thebani: patriasque leges
 Et pios ritus, & auita gnatos
 Sacra docere.

Templa Fas sanctum, Fora lustret Æquum:
 Veritas, & Pax, & Amor per omnes
 Ambulet vicos: scelus omne castâ
 Exulet vrbe.

Nullus est murus sceleri. per altas
 Urbium turres, triplicesque portas
 Pœna perrupit. Vigilant in omnes
 Fulmina culpas.

Concolor Vero Dolus, & superba
 Exulet regni fides, & cupido
 Desidis lucri, tacitôque segnis
 Copia luxu.

Publicos discat germinare census
 Sæua paupertas: & in arma ferrum
 Sit fatis. rapto malè pugnat olim
 Miles in auro.

Sive res bellis agitandâ, siue
 Parce: collatas sociate vires.
 Alta centenis meliùs recumbunt

Templa columnis :

Inter errantem scopulos carinam

Certiùs plures docuere stellæ :

Fortiùs proram gemino reuincit

Anchora morsu.

Gliscit æterno sociale nexu

Robur. arcanas opulentiorum

Ira per rixas agitata magnas

Eruit vrbeis.

Hæc vbi dulci modulante neruo

Dixit Amphion : ter eunte fluctu

Substitit Dirce , ter opaca mouit

Terga Cycheron.

Saxa resperunt , scopulique, circum

Deuio campos petiere saltu ,

Et nemus , pronusque flix ab alto

Monte cucurrit.

At simul Vates tacuit : per omnem

Barbaræ rupes coiére murum , &

Septies clausæ steterunt ahenæ

Cardinæ Thebæ.

AD IOANNEM PALMIVM.

Ex Ioannis Coshanoul Poëtarum Polonorum Principis Lib. II. Oda XX.

Cum Regni Poloniarum Ordines positis ad Vistulam castris STEPHANVM I. Regem Poloniae dicerent.

ODE V.

PALMI, futuri Regis inutileis
Omitte curas. Dudum adamantino
Cui fata subscripsere libro
Sarmatici diadema tegni,
Non Auster illum, non Boreæ domus;
Non limen Euri, non Zephyri dabit.
Rex est, POLONI, quem potenti
Rex Superum iubet esse voto.
Hic ipse (quamquam se propior daret
In regna Princeps) miserat extero
A sole Regem, qui relicta
Vela retrò citò ferret aulâ.
Quò vana pulchræ nomina gloriæ?
Quò pictus auro miles, & inclyti
Cessere Gascones? Inani
Spes tumidæ crepuere vento.
Fortuna naucis, & dubias agit
Fortuna pugnâs. hæc popularibus

Utrumque se miscet cateruis,
 Ambigui regit ora vulgi.
 Abstine verbis. Nos medio procul
 Campo coronam figimus arduâ
 In rupe Rex esto, priore
 Quisque emet sibi Regna cursu.

AD LIBERTATEM.

*Cum VLADISLAUS IV. maximis ad
 Vistulam Comitiis Rex Polonia
 renuntiaretur.*

ODE VI.

NAM quæ reuifas limina dulcius
 Mauortiarum maxima gentium
 Regina LIBERTAS, Polono
 Orbe magis, Litauisque campis?
 O prouidentis filia Consilii,
 O Faustitatis mater, & otij
 Beata nutrix, ô Polonæ
 Primus honos columenque gentis,
 Quæsitâ multo sanguine gloria,
 Reperta multo! Regibus altior,
 Ipsâque Maiestate maior,
 Et Patriæ melior Magistra
 Felicitatis! leniter attrahe
 Frenos, & imâ nube super leuena
 Suspende curram quæ refusus

Vistuleas tibi propter vndas
Hinc Lechus, arque hinc Littauus aureis
Collucet armis, quâ tibi ciuium
Tranquilla tempestas ouanteis
Implet agros, prohibetque tota
Latè videri. Non tibi sedimus
Seruile vulgus: sed genus inclyti
Mauortis, æternus Deorum
Sanguis, Hyperboreoque clari
Ab vsque Lecho, legibus additum
Optare Regem: fallere nescij
Quemquam, nec inuidere nati,
Extera nec metuisse sceptrâ,
Suoque magni. Publica clariùs
Virtus per omnes emicuit gradus,
Cum magna libertatis vmbra
Sceptrâ simul populumque textit.
Tunc non coactis nobile viribus
Omne obsoleto vitat in otio
Latere robur; tunc aperto
Ingenium volat omne campo,
Ad vsque palmam: tunc faciles, neque
Duri Quirites conspicuo palàm
Parere Regi, per cruentum
Laudis iter sequimur volentem
Quacumque ducit. Sic gelidum caput
Ausu niualis scandere Carpathi:
Æmiquæ victores nigrum cal-
cauimus Æmoniaque collum.

Sic Thracis olim littora Bospori,
 Sparsumque latè terruimus Geten,
 Baltimque inaudacemque Cimbrum:
 Et spoliis Asiæ superbos
 Numquam otiosi vincere Teutonas,
 Metas Poloni fiximus imperi, &
 Ternam Boleslai columnam
 Triplice protulimus tropæo.
 Præter triumphis-vesta Borysthenem
 Volgamque pubes, belligeri super
 Aras Alexandri, & Laponi
 Cæruleas Aquilonis arceis.
 Scit læuus Ister, scit vitreis vbi
 Iungit Bootes æquora pontibus,
 Fractoque iam Mæotis arcu
 Sarmatici mala longa belli,
 Quo Rege terris pulchra Parentium
 Exempla Gnati reddimus? Annue
 O pulchra Libertas, & orbis
 Consilio trepidisque Regum
 Obsessa votis, dulce supercili
 Remitte pondus, quem tibi Maximus
 V R B A N V S, Augustusque gratâ
 Congeminat vice F E R D I N A N D V S;
 Pro quo perorat mundus, & ipsa quem
 Gaudes rogari: regnet ab ultimo
 Primus S I G I S M U N D O, & verusto
 Proximus à I A G E L O N E sanguis.
 Ut nulla possunt fallere præscios

Futura vates ! O hominum salus,
O cura LADISLAE Diuûm,
Lechiacæ dominator oræ
Salue ! secundis te Lechici Patres
Et Martiorum castra Quiritium
Regem salutauère votis :
Iam galeis tibi nutat omnis
Hæstisque pubes : iam resonabiles
Campi iocosâ vocis imagine
Collèctque certatim , & profundæ
Plausibus intonuère siluæ.
Ter visus omni se Pater Histula
Mouisse ripâ : ter tibi frondeam
Flexisse ceruicem , & reclinâ
Carpathus attremuisse pinu.
Qualem peracto sæcula te retrò
Debeat Nouembri ! iam tibi Gloria
Bellique maturus Cupido
Non humileis stimulauit iras ,
Quamquam recentis mulcet amœnior
Caligo regni. quantus in impium
Assurgis , absentemque vincis
Consiliis animisque Moscum !
Qualis minaci præfuris imperu ,
Et quantus iræ ! siue acie leui
Campos inundare , & repenti
Mœnia terrificare bello ;
Deliberato seu calor incidat
Pugnare ferro. Sic Iagelonidæ

Ab hoste laudari cruentâ
 Et metui perperere dextrâ :
 Sic dum priores æquat auos Pater,
 Egit timeri fortis, & improbam
 Multavit, exhausitque factis
 Inuidiam, sobolique tantum
 Maiora liquit. tu gemino potes
 Aui Patrisque nomine duplicem
 Miscere laudem : siue pacis,
 Siue grauis per acuta belli,
 Cum læta poscent, consilij celer ;
 Cum mœsta rerum, strenuus ingenti, &
 Immotus innixusque semper
 Ipse tibi, patiensque curæ,
 Rerum sub alto pondere rectior
 Maiorque stabis. Sic tibi Sarmatæ,
 Sic fata iurauere, toto
 Sic Superi statuere cælo.

AD SVAM TESTVDINEM.

ODE VII.

Sonora buxi filia futilis
 Pendebis altâ barbite populo
 Dum ridet aër, & supinas
 Sollicitat leuis aura frondeis.
 Te sibilantis lenior halitus
 Perflabit Euri. me iuuat interim
 Collum reclinasse, & virenti

Sic temerè iacuisse ripa.
 Eheu ! serenum quæ nebulae tegunt
 Repentè cælum ! quis sonus imbrium !
 Surgamus. heu semper fugaci
 Gaudia præteritura passu !

AD STANISLAVM SARBIÉVSKI
 FRATREM EQVITEM POLONVM.

O D E VIII.

SI transacta retro sæcula respicis,
 Si ventura vides ; tristibus omnium
 Incumbunt tumulis nigra silentia, &
 Altæ obliuio gloriæ.
 Frustrâ belligerum carmine suscitās
 Sarbieui SARABETEM, & sibi conscio
 Maneis esse vetas, qui benè barbaro
 Pridem in puluere dormiunt.
 Armorum studio clarus auum nepos
 Ad vitam reducem splendidiùs dabis ;
 Nos cantu dabimus, qui tacitos sacro
 Soles ducimus otio.
 Multi magna loqui possumus : ardua
 Raros ausa vocant. Nobilium fluunt
 Infecunda Ducum sæcula ; nec bonæ
 Succrescit soboles Patri.
 Ætas si pariat quælibet Herculem.
 Sit secunda satis. sed sua sæpiùs

Tellus monstra videt, Geryonem, aut Libyn

Antæum, aut validum Cygen.

Cessant omnia: nec præpete curritur

Ad maiora gradu. cum potioribus

Servant parva vicem. deterior subit

Prauis fama nepotibus.

SKI Si se quisque tamen vincere gestiât,

Olim æquabit auos. Tu modò fortibus

Insta consiliis, & rude nobili

Urge propositum manu.

Ipsa ad conspicuas nominis inclyti

Ducent fata fores; quâ labor arduam

Emunire domum pugnat, & aureis

Sudor præfluit arcibus.

Nunc seu Cæsareo miles in agmine

Scandis turrigeræ mœnia Mantuæ,

Seu te per Ligures, siue per ultimam

Raptat Gloria Galliam:

Iam nunc ad patriæ bella Polonia

Magnam finge animam: iam doceat pius

Pulchræ mortis amor laudibus aspera

Commendare pericula:

Mox seu victa vocent Ismara, seu Getes:

Narratam patrio in pulvere gloriam

Exercebis eques, nec trepidam fines

De te serpere fabulam.

E rebus humanis excessus.

ODE IX.

HUmana linquo : tollite præperem
 Nubesque ventique. Ut mihi deuij
 Montes resedère, & volanti
 Regna procul populosque vastus
 Subegit aër ! iam radiantia
 Delubra Diuûm, iam mihi regia
 Turres recessère, & relictæ in
 Exiguum tenuantur vrbes :
 Totasque, quâ se cumque ferunt vagæ,
 Despecto gentes. O lacrymabilis
 Incerta fortunæ ! ô fluentum
 Principia interitusque rerum !
 Hic ducta primis oppida mœnibus
 Minantur in cælum : hinc veteres ruunt
 Murique turreſque : hinc supinas
 Pænè cinis sepeliuit arceis.
 Hic mire cælum, sed rapidæ ruunt :
 In bella gentes : hinc placidâ sedent
 In pace, sed latè quietos
 Dira lues populatur agros,
 Hic pænè tellus tota micantibus
 Ardet sub armis : stant acies adhuc
 Pendente Fatorum sub ictu,
 Et dubio furor hæſitauit
 In bella passu. Parte aliâ recens.

in mista Mauors agmina mutua
Collisit in mortem, & cadentium
Cæde virum cumulisque latos
sternit agros: hic Mareotica
cura merces æquora nauigant,
Portusque cæptatim frequentes
Centum operis populisque feruent
Nec vna Marti causa, nec vnus
ant arma moris. bellat adulteræ
Ridentis è vultu voluptas,
Inque Helenâ procus ardet orbis.
Hic verba bellis vindicat: hic canis,
Heu vile furtum! se mala comparant:
Rarum sub exemplo superbit,
Nec sceleris scelus instar omne est.
Ius illinc belligerâ later
Sub classe pontus: iam Thetis æneâ
Mugire flammarum procellâ &
Attonitæ trepidare cautes,
Et ipsa circum littora percuti
Maiore fluctu. Sistite barbari,
Ferrôque, neu simplex, & igni, &
Naufragio geminate Fatum.
Parumne tellus in miseras patet
Immensa mortes: hinc miserabili
Quassata terrarum tumultu
Stare pauent titubantque regna,
Vnâque tandem funditus obruunt
Ciues ruinâ stat tacitus cinis;

Cui serus inferibat viator :
CVM POPVLO IACET HIC ET IPSO
CVM REGE REGNVM. Quid memorem super-
infusa totis æquora portubus
Vrbes inundare , & repenti
Tecta Deum sonuisse fluctu.
Regumque turres , & pelago casas
Iam iam latentes ? iam video procul
Mercesisque differri , & natantem
Oceano fluitare gazam.
Alternæ rerum militat efficax
In damna mundus. Cladibus instruis
Bellisque , rixisque , & ruinis
Sanguineam Libitina scenam.
Suprema donec stelligerum dies
Claudat theatrum. Quid morer hæcenus
Viator aurarum & serenæ
Sole domos aditurus , vique
Humana mirer ? tollite præpetem
Festina Vatem , tollite nubila ,
Quæ solis & lunæ labores
Cæruleo vehit æthra campo:
Ludor ? sequaces an subeunt latus
Feruntque venti ? iamque iterum mihi
Et regna decreuere , & immensæ
Ante oculos periære gentes :
Suoque semper terra minor globo
Iam iamque cerni difficilis suum
Vanescit in punctum ? O refusum

Numinis Oceanum ! ô carentem
 Mortalitatis portubus insulam !
 O clausa nullis marginibus freta !
 Haurite anhelantem , & perenni
 Sarbiuium glomerate fluctu.

Cato Politicus

ODE X.

V Su se minui si sinerent opes ,
 Iam nunc plura petam , quàm teneo : sed heu !

Auri stulta fames ipsa sibi negat ,
 Quidquid omnibus abstulit.

Laudo diuitias , quas animus dedit ,
 Quas versat facili consilium manu :
 Quæ cùm perpetuum crescere gestiant ,
 Numquam diminui dolent.

Rex aut Cæsar erit : cui Deus arbitrâ
 Seu quid sustulerit , seu dederit manu ,
 Nulla parte sui maior abiuerit ,

Nulla parte sui minor
 At Sors ingenio plebis inanibus
 Illudit studiis : nam varias sinu
 Cùm disperfit opes , ridet inuitili
 Vulgum feruere iurgio.

Quantum magna liber munera iecerit ,
 Stulti diripiant , non ego mobiles
 Voto digner opes , quas aliquis meam
 Casus verterit in manum.

Quod si me meritis fascibus ambiunt,
Iptam Fata domum, sed sine tristibus,
Intrent inuidiis, ne volitent meæ

Circum limina regiæ.

A virtute datis utar honoribus
Tamquam deposito. cum superi volent
Quæ lætus tenui, lætus idoneo

Tradam sceptrâ vicario.

Gratam cum populis egero fabulam,
Seu claro nitidus murice, seu toga,
E scenâ monitus cedere, non meis

Vltro vestibus exuar:

Et qui conspicuus tot populis heri
Spectabar tacito non sine gaudio:
Ridens è media plebe vicariam

Cras spectabo Tragœdiam.

AD PVBLIVM MEMMIVM.

ODE XI.

ESset humanis aliquod leuamen
Cladibus, si res caderent eadem
Qua mora surgunt: sed humant repentes
Alta ruinæ.

Nil diu felix steterit inquieta
Vrbium currunt hominumque Fata:
Totquæ vix horis iacuere, surgunt
Regna quot annis.

Casibus longum dedit ille tempus,

Qui diem regnis facis eruendis
Dixit. elato populos habent mo-
menta sub ictu.

Parce crudeles, moriture PUBLI,
Impio Diuos onerare questu,
Densa vicinis nimium vagari
Funera rectis.

Quæ tibi primùm dedit hora nasci,
Hæc mori primùm dedit. Ille longum
Vixit, æternum sibi qui merendo
Vindicat æuum.

AD ASTERIVM.

ODE XII.

AT nos inani pascit imagine
Fortuna rerum. ludimur, ASTERI,
Vmbriis amicorum, & dolo
Verba simul placuere fucis,
Res esse stulti credimus. at simul
Sors infidelem corripuit rotam,
Gaudent recedenti Sodales
Non eadem dare verba Diuæ:
Plerumque falsis nominibus placent
Humana. Rari pollicitis data
Æquamus: & minor loquaci
Religio solet esse voto.

LYRICORVM
AD DECIVM.

ODE XIII.

AN nos sola parit D E C I
 Tellus ? an patrio degeneres polo
 Mentimur genus & domum,
 Quæ nos assiduis circuit ignibus,
 Et torpere domesticò
 Stellatam Sobolem non finit otio ?
 At si semideum genus
 Non falsis canimur fabula Vatis
 Cælo ducere sanguinem :
 Cur nostræ resides (heu nimium diu !)
 indormimus inertiae,
 Natalique dies infodimus casæ,
 Dum pulchri fuga temporis
 Nil cunctante senes prætereat rota ?
 O quisquis volet impiam
 Noctem paciferi rumpere sæculi :
 Primus Phasin & vberes
 Colchos, & veteris mœnia Thraciæ
 Pulsis eripiat Getis :
 Illum per populos garrula differet
 Bigis Gloria candidis,
 Et seris recinet Fama nepotibus.
A nos nobiliū domi
 Laudum liuor edet : quatenus (heu nefas !)
 Quod Virtus erat, inuidi,

Fortunæ tenui nomine diximus.

Fatis omnia tradimus :

Et quam certus emit consiliis labor ,
Stultæ plebis in agmine ,

Laudem casus habet. nam simul abstulit
Nostris Gloria postibus ,

Obliquo refugam lumine figimus :
Et læti malè , serias

Laudes non hilari deterimus ioco.
At tu cui placitas manu

Pulsat Fama fores , excute te toro ,
Mensæque & patriis focus :

Et quacumque sequi iusserit, emicā,
Ducentemque præi , neque

Præter succiduis passibus ambula.
Mox hinc Caucasum , hinc Athon

Victor belligero corripies gradu :
Tunc quæ maxima fluminum

Seu cum Soie sacris fontibus exeunt ,
Seu cum Sole cadunt , nihil

Indignata tui sceptrâ sub Imperi
Leni pace fluent : suum

Voluent cuncta tuis in manibus diem.
Cur tunc ad patrios ego

Cantem bella focos , segnis & immemor
Sacræ transfuga Gloriæ ?

Cur non te potiùs Græcia , barbarum
Cur exuta iugum Rhodos ,

Visam non paubus nauita puppibus !

302 LYRICORVM

Iam tunc carpere libero ,

Tempe læta gradu, iam liceat sacrum
Æmi scandere verticem :

Et nunc in vitrei margine Penei ,
Nunc ad saxa biuerticis

Parnassi residem , Pindaricis iuuet
Rupes vincere cantibus

Et pacare rudi prælia barbitō.

Iam tunc inclutus & sacer ,

Ignotisque procul gentibus audiat
Magni carminis artifex :

Tum quæ pessima præsentibus imminet
Absens vlterioribus

Abrumpam spatiis inuidiam ; neque
Occultus patiar mori

Exul Pieriæ ciuis adoraæ.

O D E XIV.

MEo beatus, cetera vilibus
Habere Fatis, & miserabili
Permitto vulgo : quos secundo
Per populos vehat axe Rumor ,
Quem donet astutis Gloria , fortiter
Ignarus : & quæ lex sapientibus ,
Idem meas nescire , & idem
A populo didicisse laudes,
Latere clauso certior ostio :
At ne malignis, Fama calumniis

Me iacſet arcanum probroſis
 Flagitium ſimulare teſtis,
 Audax vel ipſo viuere publicus
 In ſole ciuis. non ego ludicræ
 Dixi ſacramentum Mineruæ
 Innocuus ſine cæde miles:
 Sed bellicoſo ſtrenuus ardui
 Amore veri, crimina ſæculi
 Fraudesque & indeuora laudi
 Pectora deſidiamque frango
 Ultore verſu. quem nimis aſperum
 Exſuſcitando Numina gentium
 Regem eſſe volebant veterno,
 Eſſe tamen voluere Vatem.

AD NARVIAM.

*Cuius in ripâ puer admodum primus
 Carmen Lyricum cecinerat.*

ODE XV.

Albiſ dormiit in roſis,
 Liliſque iacens & violis Dies,
 Primæ cui potui vigil
 Somnum Pieriâ rumpere barbito,
 Cûræ dum vacuus puer
 Formoſi legerem littora Naruiæ,
 Ex illo mihi poſteri

304 L Y R I C O R V M

Florent Sole dies . qui simul aureæ
 Infregit radios lyræ ,
 Iam nec scuta sonat , nec strepitum trucid
 Gradiui ; sed amabileis
 Ruris delicias : siue rubentia
 Vdo rore rosaria ,
 Seu molleis violas , siue volubilem
 Leni flumine Viliam ,
 Seu primo graciles vere Fauonios :
 At tu , N A R V I A , quem puer
 Tum primum Calabrâ personui fide :
 Istu pectinis hoc habe
 Incisum viridi carmen in ilice :
 Quem Phœbus citharæ pater ,
 Quem lætæ citharis Pierides amant ,
 Lætum barbita Naruiam .
 Lætum virginæi semper ament chori ,
 Hæc (dum spontè virentia
 Viuent in teneri vulnere corticis)
 Addiscent pueri tibi ,
 Addiscent tacitæ carmina Virgines :
 Festo mox eadem die
 Dum glebam solidæ lucis & igneas ,
 Electi lacrymas legent
 Partiti geminis littora cœtibus ,
 Alternis pueri tibi ,
 Alternis recinent carmina Virgines .

Nihil stultè timendum & concupiscendum.

ODE XVI.

ET me Latinæ non solitum loqui
Iussêre Musæ. Nobilis Orphei
Non erubescendum nepotem
Sarmaticâ redimite lauru, &
Longa sonantem nec tenui lyrâ
Audite Vatem. Nil popularibus
Ambire voris: nil timere,
Nil nimium cupiisse, magnis
Edico primùm mentibus. Improbo
Vtcumque ponis frena Cupidini
Metumque dispensas: per omnes
Invidiæ potes ire fluctus.
Præ cogitati mitior ingruit
Pro cella fati. Sæpius omnium
Perstare sub rerum tumultu
Anticipes, animumque in omnes
Præmitte casus, seu pelagus super
Seu fulminantis porta tonet poli:
Stabis, repentinamque mundi im-
mobilis excipies ruinam.
At nec futurum sollicitus paue
In pace bellum. qui patitur mala
Ventura præsentis timore,
Bis miser est, dubiamque victus
Est ante cladem, ne nimia tamen

Virtute pecces, neu mala fortiter

Clamosus irrites: iuuabit

Fortia continuisse verba

Arcem modesti pectoris innocens

Fortuna transiit. Si reuoces tamen

Tuoque non æquam duello

Increpites: redit, atque ab imo

Quæ præteribat mœnia succutit.

Stringenda iam tunc sunt sapientiæ

Et arma libertatis. Infra

Consilium cadet omne telum,

Quod fortuito cumque minabitur

Fortuna nervos seu genus impetat

Seu fortè virtutem: vetabo,

Feruidus impetuosa fædis

Vindex reponas verba calumniis.

Erit loquacis pulchra proteruiæ

Vindicta, risisse, & sereno

Magnanimum tacuisse vultu.

Se quisque qualem nouerit: arguat,

Aut laudet intus non ego ciuium

Ab ore pendebo, aut proteruis

Inuidiæ dabo terga telis.

Hac lege iustus se teneat Timor:

Nunc danda cæco iura Cupidini.

Externa vestigamus: at se

Rarus habet, vel habere quærit.

Hic plenus auri, sed vacuus sui,

Infamat omnes naufragus insulas:

Quo vivat, heu stultè cruentum

Alter emit sibi mortè lucrum.

Hic dum supremam lustrat Iberiam

Et gestit hospes discere plurima :

Se nosse dediscit, diùque

Ipse sui vagus exul errat :

Alter reducto lentus in otio

Paullùm sepulto distat, inutilis

Belli, domique & ante letum

Heu virides malè perdit annos :

Hic hæret aulæ : se tamen improbus

Suosque mores vitat in omnibus,

Et (quæ suprema servituri

Pœna) palàm miser esse non vult,

Interque diri tormina pectoris

Agit beatum : vanus adultero

Se mœror in risu dolentis

Dissimulat, variatque scenam,

Liuescit omnis lætitiæ color

Sub nube curæ, perpetuus licet

Nimbus salutantum, & clientis

Vnda fluat ressuatque vulgi,

Omnisque servet limina ciuitas :

Desertus à se cuncta sibi gemit

Decesse, torquent virbis illum

Diuitiæ populique census.

Desideranti cuncta potentia

Commune nil est, esse suum putat

Quodcumque pulchrum est, inuidendo

Me mea pauperies ab auro
 Cautum remouit. Quæ pede proteram
 Sint plura, quàm quæ possideam manu :
 Hoc magnus, hoc æqualis vno
 Cæsaribus, dominabor, omnes
 Spreuisse tutò possumus omnia,
 Habere nemo : qui tumidus suo
 Se librat attollitque regno,
 Esse suum populique nescit
 Æquale letum. viuimus impares,
 Pares obimus. hunc alios supra
 Altè curules, hunc Triumphi
 Extulerant : cinis æquat omnes.
 Et vrna, quæ nos colliget, omnium
 Mensura rerum est. demite sarcinas,
 Grandemque fortunam lacerto, &
 Solliciti graue pondus auri :
 Dum non onustus, sed moriar meus :
 Iam nunc perennes diuitias mihi
 Nil concupiscendo parauì,
 Nil nimium metuendo, pacem

AD AMICOS BELGAS.

ODE XVII.

Est & remotos non humilis furor
 Lustrare Belgas. Ducite Gratia
 E valle Permessi vagantem

Pegalon, alipedémque sacris
 Frænatæ fertis. Vt micat auribus,
 Vocémque longè vatis amabili
 Agnoscit hinnitu! vt Dearum
 Fræna ferox, hilarique bullam
 Collo poposcit! Non ego degener
 Ignaua cursu rumpere nubila,
 Terrásque despectare, & omni
 Vincere Bellerophonta cælo.
 Iam iamque retrò Carpaton, & procul
 Frontem niualis respicio Craci,
 Turreisq; Carcinæ & vetustâ
 Transilio iuga Carroduni
 Canâmque Peucen iam Calaris supra
 Zethique pennas & Boreæ patris
 (Quamuis Erechthæam maritis
 Tolleret Oritheian alis)
 Albimque, Rhenumque, & liquidum nihil
 Tangente Mosam præuehor vngulâ;
 Iam iam coruscas Andouerpæ
 Cerno domos, dominúmque Scaldim.
 At tu meorum primè sodalium
 BOLLANDE salue! non tibi frigido
 Infusus amplexu, verenda
 Colla tero. iuuat vsque sacro
 Hærerè vultu, sidereum iuuat
 Multóque fetum numine cernere
 Pectus, redundantémque pleno
 Ore Deum. Rapit inde Musis

Dilecta ceruix, & benè pendulo

Attrita multùm pectora barbito

Sublimis HABBEQVI. ô Deorum

Digne dapes superùmque cantu

Condire nectar, numinis in tui

Sinu reclinem sarbiuium sine

Duxisse paullatim beatos

Carminis eloquijque fonteis.

Quis ille vates cominus obuiis

Occurrit vltis? pectora candidi

Nosco TOLENARI. flagranteis

Nosco genas, animamque semper

A Dîs recentem. da Pater aurea

Arcana magni Numinis hospitem

Audire, da grandeis bibisse

Aure sonos, animique totum

Libare florem. Quis placidas faces

HORTENSIANI nesciat ingeni?

Aut quis DIERIXI benignis

Longè oculis animam eminentem

Suique largam? Quo satis HOSCHIVM

Quo MORTIERI, quo pia VALLII, &

LIBENTIS amplexu coronem

Pectora, quo mihi dulcis HESI?

Heu digna prisco nomina sæculo,

Magnasque in ipsis conscia vultibus.

Portare menteis! que sereno

Dulcè micans sedet ore virtus?

Quæ fixa viua gratia purpuræ?

Qui candor alti proditor ingen
Saluâque maiestate blandum
Alloquium, placidique mores!
Fertur refuso Deucalion mari
Dum merfa totis sæcula promeret
Terris, renascentemque iactos
In lapides animaret orbem,
Mosæque Scaldisque ad vada nescius
Informis auri sorte datam retrò
Iecisse glebam: quâ repentè
Aurea profilière Sæcla, &
Tersere gratis nubila vultibus,
Irâsque, puræ frontis idoneo
Risu remulsere, & fluentis
Sponte suâ pretiosiore
Mores metallo, per Rhodanum per &
Fudere Rhenum, protinus & solum
Vertere Fraudes; & remotam
Inuidiæ petière Thulen.
Hinc ille Belgis, oris & eloqui
Cognatus auro fulgor in omnia
Se sponte mittens; ah maligno
Nî noua progenies rigeret
Contacta ferro, nec toties suos
In sæua Reges cœpta resorbeat
Ciuis æstus. quò perennis
Quò miseros rapit vnda belli?
Efferte vireis, arma domestico
Efferre nido, magnanimum genus

Belgæ Leones; terra tantas,
 Quæ genuit, malè pascit iras.
 Per vestra frustra viscera quæritis
 Finem laborum, bella diu strepunt
 Quæ tertio non rupit hoste
 Barbarici tonitru Gradiui.
 Auita restat busta recentibus
 Cingi trophæis: restat Achaicum
 Restat coronari tricenâ
 Carpathium Ioniumque classe.
 Heu quàm patenti naufragum in æquore
 Nostri periret dedecus otii,
 Quantumque de nostrâ videres
 Phœbe cadens oriensque famâ.
 Iam tunc Athenis prisca reponeres
 Panætianæ regna scientiæ,
 BON Æque desacrata MENTI &
 Templâ tuis PVTEANE Musis.
 Felix & alti Socrate non minor
 Veri magister. Quæ tibi porticus
 Feruentis vndaret iuuentutis
 Agmine, quæ populis theatra?
 Qui te tonantem bella Demosthenem
 Heroës alto pectore ducerent,
 Aut quæ Melitæo Sophocles
 Pulpita succureres cothurno?
 Tunc me per omnes duceret Ædonas
 Dacosque Thracasque & Lelegas pium
 Vocis BOELMANNÆ tonitru, &
 Magni-

Magniloqui graue fulmen oris.

Quo Spes inani me rapit aëre

Et vector ales ? quidquid est , tamen

Me vate mox iras perosis

Sæcla fluent meliora Belgis.

AD QUINTVM ARISTIVM.

ODE XVIII.

SIc est , Aristi : nouimus ardua
Sperare tantum. quis iuuenum prior
Magnum repentino laceffat

Carpathium Ioniumque bello ?
Immensa magnæ tempora gloria,
Angusta vel spe vel facimus metu.

Votisque prensamus futura
Non manibus. sed euntis æui
Occulta postquam nos rapuit fuga,
Bellamus omni consilio senes

Nullius exempli , & perennem
Desidiæ trahimus catenam.
Per posterorum sæcula. Succute
Ignaua bello succute sæcula,

Quicumque plus à Diis honesti
Nominis ingenisque ducis.

O

AD BALTHASAREM MORETVM

PANEGYRIS LYRICA.

O D E XIX.

MVsas amantis gloria BELGII,
 Et LIPSIANÆ fidus adoræ
 MORETE, non tibi pudendo
 Ad citharam veniente saxo
 Grandem virenti Scaldis in aggere
 Pono columnam; quam neque turbidus
 Auster, neque emotus refuso
 Subruat Oceanus profundo:
 Sed quam recentes cum violis rosæ,
 Omnisque circum copia narium,
 Latè coronent, aut perennis
 Pampinus ambitiosiore
 Irrepat herbâ: quàm procul ardua
 Pronis adorent laxa Cerauniis,
 Septemque qui fulcit Triones
 Carpatus, & hœdope niualis
 Columna cæli, iam mihi nubibus
 Digressa moles æthera succutit,
 Currusque stellarum & tonantes.
 Sistit equos, solitòque maior
 Intrat trecentisastra decempedis:
 Unde & Latinis celsior Alpibus
 Canamque Pyrenen & Afræ,

Despicias iuga celsa Lunæ.
 Quæ prima, vel quæ testibus vltima
 Incido saxis? nominis inclÿtri
 Caligat in portu, & tuarum
 Oceanum pauet ala laudum.
 Inusitatis summa nitent bonis:
 Parumque lucet Gloria, quæ simul
 Illustrat insignes & imos,
 Et proprio magis igne pulchra est.
 Ignota Thuscis nomina Cæsarum
 Squallent sepulchris: quas tulit extimus
 Splendor, verecundis sepultæ
 Noctibus occubuere laudes:
 Et sæpè Famam Liuor ab aureis
 Detriuit aris. non Acherontius
 Offunder ingratas, MORETE,
 Inuidiæ tibi vesper umbras:
 Sed ipse Liuor nominis in tui
 Occumbet ortu, tu dominus tui
 Diuesque, non debes caducæ
 Ludibrium opprobriumque Diuæ:
 Ex quo monentis munere LIPSI
 Multo sonantem Socrate porticum
 Tyro celebraſti: perennem
 Doctus emi bene posse laudem
 Impendiosæ merce scientiæ:
 Et ipse sacro plurimus otio
 Palles, & externis amicus
 Ingeniis breue per nepotes

Extendis æuum : Tu tacitam libris

Demis senectam : sæcula Gratia

Musæque, & impubes Apollo, &

Mercurius tibi debet annos,

Postquam diserti flumina sæculi

PLANTINIANÆ margine copiae

Latè refudisti. Sacrorum

Cuncta sedet tibi turba varum :

Omnisque chartæ virginis æquore

Arund. sudat. Vranies tibi

Nocturna certatim laborant

Oria, peruigilesque Lunæ,

Nam si quid vda fluxit arundine,

Torrentis æui corripit impetus,

Si non recudentis metalli

Duxit onus, celeresque plumb.

Tardauit alas : dum gracilis liber

In certa ductis cornua paginis

Increuit, argurumque chartæ

Sub grauius gemuere prælis

Multo sonandis carmine legibus,

Ni me Camœnæ Pindaricas vetent

Transire Gades, & vagantem.

Herculeæ moneant columnæ

Cœptam canoro non sine carmine

Finire molem. Sunt alij tibi

Calles, neque vnum concitatis

Gloria currit iter quadrigis:

Namque & beati nobilis ingeni

Claudis capaci sæcula pectore,
Heresque Veri, seu quod olim
Socratici monuere cœtus,
Seu quod trienni nunc geminat potens
Stagira circo: plurimus eloqui,
Pennæque felix: nec latere
Aut humili placuisse vulgo,
Sed ciuis omni nobilium bonus
Nosci Senatu. te Latij Pater,
Qui nunc & Europes recline
Portat onus dominæque Romæ,
Doctis clientum cœtibus inserit
VRBANVS. io! tu placitum (pedi
Iam stantis in scribo columnæ)
Principibus populisque fidus.

Finis Libri V. Lyricorum.

MATHIÆ CASIMIRI.
SARBIEVII

SOCIETATIS IESV
APPENDIX EPODON.

AD FONTEM SONAM.

In patrio fundo, dum Roma rediisset.

ODE I.

FONS innocenti lucidus magis vitro
 Purâque purior niue,
 Pagi voluptas, vna Nympharum sitis,
 Ocelle natalis soli,
 Longis viarum languidus laboribus
 Et mole curarum grauis
 Thuscis ab vsque gentibus redux, tibi
 Accline prosterno latus:
 Permite ficcus, quâ potes, premi cauâ
 Permite libari manu.
 Sic te quietum nulla perturbet pecus,
 Ramusve lapsus arbore:

Sic dum' loquaci prata garritu secas,
 Et latus audiri salis,
 Assibilantes populetorum comæ
 Ingrata ponant murmura
 Tibi, lyræque Varis: haud frustrâ sacer
 Nam si quid VRBANVS probat,
 Olim fluenti lenè Blandusiæ nihil
 Aut Sirmioni debeas.

PALINODIA.

Ad secundam libri Epodon Odam

Q. HORATII FLACCI.

Beatus ille qui procul negotiis.

LAUS OTII RELIGIOSI.

*Cum amœnam Collegij Societatis IESV
 Vilnensis Nemecina villam per Sextileis
 Férias inuiseret.*

ODE II.

AT ille, FLACCÉ, nunc erit beator,
 Qui mole curarum procul
 Paterna liquit rura, litigantium
 Solutus omni iurgio,
 Nec solis æstum frugibus timet suis,
 Nec fidus hiberni Iouis,
 Rixasque vitæ & scelestæ curiæ

Rapacioris limina.

Ergo aut profanis hactenus negotiis.

Amissa plorat sidera :

Aut in reductâ sede dispersum gregem.

Errantis animi colligit ,

Postquam beatæ lucra conscientiæ

Quadrante librauit suo.

Idem , propinquâ nocte , stellatas vigil

Cum vesper accendit faces ,

Ut gaudet immortale mirari iubar ,

Terrâque maiores globos ,

Et per cadenteis intueri lacrymas

Rimosa lucis atria ,

Quæ CHRISTE tecû , VIRGO quæ tecû colat.

Perennis heres sæculi !

Voluntur aureis interim stellæ rotis ,

Pigrumque relinquunt exulem ,

Per ora cuius vberes eunt aquæ ,

Somnos quod auertat graueis.

At quando lotum Gangis aut Indi frebris

Iam Phœbus attulit caput ,

Mentis profundus & sui totus minor.

Irata flectit Numina :

Vel cum sereno fulserit dies Ioue ,

Aprilibusque feriis ,

Assueta cælo lumina , in terras vocat ,

Latèque prospectum iacit ,

Camposque lustrat , & relucentem suâ

Miratur in scenâ DEVM.

En omnis, inquit, herba non morantibus
In astra luctatur comis:
Semota cælo lacrymantur, & piis
Liquuntur arua fletibus:
Ligustra canis, & rosæ rubentibus
Repunt in auras brachiis,
Astrisque panda nescio quid pallido
Loquuntur ore lilia.
Et serò blandis ingemunt suspiriis,
Et mane rorant lacrymis.
Egone solus, solus in terris piger
Tenace figor pondere?
Sic & propinquas allocutus arbores,
Et multa coram fontibus
Riuisque fatus, quærit auctorem DEVM
Formosa per vestigia.
Quod si leuandas mentis in curas vigil
Ruris suburbani domus,
Quales Lucisci, vel Nemecini Lares,
Vdumve Besdani nemus
Rudeis adornet rusticâ mensas dape
Siccos sub Augusti dies,
Iam tunc sub ipsum limen, aut domesticâ
Lenis sub umbrâ populi,
Exspectat omnis hospitem suum penus,
Et concha sinceri falis,
Pressique meta lactis, & purus calix,
Et hospitalis amphora,
Et fraga, raris verna quæ dumis legit,

Iucunda panis præmia.
 Non me scari tunc, non Lucrinorum grauis,
 Sagina mulorum iuuat:
 Sed cereus palumbus, aut turtur niger,
 Aut anser amnis accola,
 Et eruditam quæ fugit gulam faba,
 Lætumque, nec simplex olus,
 Et quæ suprema colligetur, ac graui
 Patella nil debet foro.
 Posthæc vel inter læta quercetis iuga,
 Vel inter amneis inuenerit
 Vitare tristes post meridiem Notos
 Sub æsculo vel ilice;
 Nigrumve littus, aut opaca lubricis
 Tranare stagna linitibus,
 Iactâque fruge ludibundum ducere.
 Tremente piscem lineâ.
 Remugit ingens interim tauris nemus,
 Umbrosa balant flumina:
 Et aut in antris garriunt acanthides
 Aut in rubis lusciniæ.
 Hinc per rubeta pastor errantes capras
 Vocante cogit fistulâ:
 Illinc herili messor e campo redux
 Alterna plaudit carmina,
 Et pressa sectos plaustra per sulcos gemunt.
 Raptura ruris horrea.
 At nec tacemus pone confidentium
 Dulcis manus sodalium,

Nec inficetâ sermo differtur morâ,
 Sed innocentibus iocis,
 Multóque tinctus, sed verecundo sale,
 Innoxium trahit diem.
 Hæc si videret fænerator Alphius,
 Olim futurus rusticus,
 Quam collocarat Idibus pecuniam,
 Nollet Kalendis ponere.

D E P V E R O I E S V

in VIRGINIS MATRIS sinu.

O D E I I I.

A Memus. an Massilus, aut nostris riget
 Alpinus in venis silex?
 Amemus. en ut pronus è Matris sinu
 In nostra pendet oscula,
 Qualis seuera vel Gelonorum puer
 Mollire posset pectora!
 Ut lumen oris, ut renidentes genas,
 Ut bina frontis sidera,
 Niuésque colli, quasque purus & tenet
 Titan inaurauit comas,
 Eburneasque tendit in collum manus!
 Ut annuit totus rapi!
 Ut hospitali vagit admitti sinu,
 Stringique brachiis rogat!
 Amemus, aut si non amare possumus,
 Repentè possimus mori.

O vj

*Ad pedes CHRISTI in cruce morientis.
Auctor pronolutus.*

O D E IV.

HInc vt recedam, non crucis ferri minæ,
Non nudus ensium timor,
Vnquam reuellent à tuâ IESV cruce
Hoc multa fleturum caput.
Me téque tellus inter & cælum ruat,
Versique tempestas maris,
Mixtusque flammis nimbus, & ter igneis
Caducis aër imbris:
Iacebo fixum pondus, & certum mori,
Suique non vsquam ferens,
Tuosque clauos & tuas amantibus
Ligabo plantas brachiis.
At tu sereno, nam potes, vultu tuum
Tuere, IESV, supplicem:
Et hoc, Patri quem reddis, haud euanido
Me stringe paullum spiritu.

Publicæ Europa Calamitates.

O D E V.

NEc satis est nos posse mori cùm fata repos-
cunt,
Aguntque morbi lucis & vitæ reos:
Ipsi etiam exiguum bellis commisimus æuum

Omneisque ferro rupimus leui moras,
Ipsi vltro in strictos aduersi incurrimus enses,
Et mutuum cadendo laudamus nefas.
Iamque adeo pulchræ populos rapit ambitus
iræ,

Vrbeisque longâ pace defungi pudet.
Regna placet genteisque suæ miscere rusinæ,
Fractique subter orbis occasu mori.
Iam Rhodanusque Padusque atque ingens Al-
bis, & ingens

Rhenus cruentâ decolor ripâ fluit.
Iam tria lustra metunt rubras de sanguine
fruges.

Nec dira auaram terruit falcem Ceres.
Nec minus incertos metimus sine finibus
agros,

Et muta stricto Iurâ sub ferro silent.
Interea miserum gladiis diuissimus orbem,
Et cum triumphis causa vel præde deest,
Barbara longinquum post æquora quærimus
hostem,

Mundusque Reges inter incertos labat.
Scimus & occulto pacem prætexere bello,
Dum victa fessis arma respirant minis:
Ingeniumque iocis, risu corrumpimus iram,
Felixque tractat arma virtutis dolus.
Hoc etiam placuit stricto satis esse negare
Perire ferro, ni parum crudelibus
Addimus ingenium fati, habiliq; veneno

In nos cruentam mortis armamus manum.
Ergo iterum (prô triste nefas ! prô dedecus , &
iam

In se cadentis vltimum mundi scelus !)
Fraude malâ parui spatium contraximus æui,
Per heu tacenda puluerum contagia !
Armeliùs (si tanta brevis fastidia vitæ
Et vna leti cura mortaleis habet)

Omnia terrarum superi conuellite claustra,
Omneisque dissipate littorum moras.

In nos rupta ruant fundo maria omnia ab imo
Trisulcus in nos igneâ missus manu ,

Quâ scelerum duxêre viæ ruat ignis : & vnâ
Hinc se Sicano Balthis impingat mari :

Inde Caledonium sese committat Ibero ,
Euxinus illinc Adriæ iungat latus.

Æmus & ignoræ lateant sub fluctibus Alpes ;
Mœotis altum mergat Atlantis caput,
Omnia sint vnus magnarum campus aquarum,
Nullique latam limites signant humum.

Et maria , & magni perdant sua nomina mōtes,
Dum mergat omne Thetys humanum genus.
At superi (nam vos & tunc mortalia tangent
Perire nostrum sæpè non passos genus)

Tunc aliquâ de gente pium seruate nepotem,
(Sed ille gentis nesciat mores suæ)

Deucalionis iterum qui credulus vndis,
Ingens in vnâ sæculum seruet trabe.

Nam limul agglomerans sese super Amphitrite

Humana terris eluet vestigia,
Iam parcente Deo, iam subsidentibus Euris,
Iam se refuso temperante Nereo,
Incipient summi paulatim emergere montes,
Rarosque primum margines æquor pati:
Illicet ex omni rupes assurgere ponto,
Terrasque circum curua lunari fræta:
Tunc, vagus oblitos ubi sol respexerit agros,
Novis, aprica floribus pingi iuga:
Tunc raræ circum campis nutare cupressi,
Tunc omne lætâ fronde vestiri nemus:
Iamque suas inter decurrere flumina vallis,
Et arua puris murmurare fontibus.
Protinus ex vnâ redeuntia sæcula puppi
Latè patentés orbis implebunt plagas,
Et virideis ripas ac molle sedentia latè
Ramalibus virera distinguunt casis.
Sed tellus communis erit, sed nullus avaris
Stabit colonis arbiter fundi lapis:
In commune fluent sancti sine nomine fontes,
Nascentur omni liberæ fruges agro.
Tunc bona prospicient purgatas sidera terras,
Tunc ægra nullo sole pallebit Ceres.
Non Aquilo gracileis, non eruet Eurus aristas;
Sed innocentes & calore languidi
Mulcebunt violas, mulcebunt lilia soles,
Omniq; lenis annuet vento seges:
Vina fluent vulgò riuis, felicia vulgò
Per rura current lacteo fontes pede:

Sponte suâ dulces salient in pocula lymphæ,
Sincerus & sœuire nescius liquor.
Ergo suâ quiuis luxum non noscere mensâ,
Suoque diues esse nec magno sciet.
Nam neque marmoreas ingētia recta columnas,
Nec æreas delubra lassabunt trabes.
Frondebis implicitæ texent pallatia siluæ,
Aramque Diuis cespes aut saxum dabit.
Sed pietas tunc maior erit, cū testibus astris
Insons sub alto turba degemus Ioue.
Aurea tunc vestis sanctum texisse pudorem,
Tunc mollis ostro mensa muscosus lapis.
Nectar erunt haustæ puris ex amnibus vndæ,
Lectæque ramis aut humo dapes erunt.
Potus erit vicisse sitim: spectacula, coram
Miscere sanctos simplici risu sales:
Mox choreæ mox iucundi per gramina ludi,
Et lætus ac securus in turbâ pudor.
Apta dabunt fessis virides umbracula rami,
Herbosa molleis ripa præbebit toros.
Non impendebunt placidis laquearia somnis,
Sed alta mundi signa labentur super.
Et vaga præbebunt pictæ spectacula noctes,
Velox euntis scena dum transit poli.
Interea tacitam non rumpent arma quietem,
Rauēque pulsus æris, aut murmur tubæ,
Non dubias nauale nemus descendet in vndas,
Non vlla puppes bella trans pontum vehent,
Omnia pacis erunt: totum venatio ferrum,

Et innocens telluris insumet labor.
Et ne belligeris iterum graue cædibus aurum,
Laboriosus eruat lucri furor :
Ipsa sibi incumbens concussi pondere mundi
Condet profanas altior tellus opes.
Quò me dulcis agit, longo dementia cantu ?
An & Poëtas sæculi rapit furor ?
Et nihil, aut tantum euerso promittere sæclo
Accerba fati vis & irarum finit ?
An lacrymas longo flendi corrupimus vsu,
Et stultus ipsis ridet in malis dolor ?
Quidquid id est: tamē arma pij deponite Reges,
Nudate primi publicum ferro latūs :
Primi animos, primi socias coniungite dexteras,
Et vester omneis alliget gentes amor.
Pugna sit hæc tantum iunctos concordibus aris
Quis sanctiore Cælites voto colat ;
Quis melius priscas componat legibus vrbeis,
Quis æquiore temperet sceptrum manu :
Cuius pulsa prius populos Astræa reuifcit,
Turòque pulset Veritas aulam pede.
Non placeat virtus pretio, non Curia censu,
Non infideli sepra Maiestas metu.
Iura voluptati sanctum præscribat Honestum,
Piasque leges vtili iustum ferat.
Sic olim quod Musa grauis promisit Horatî,
Præstabit æuum certior Regum fides.

AD ILLVSTRISS. D. IANVSSIVM
SKVMINTYSKIEVVICZ
PALATINVM TROCENSEM,

*Capitaneum Turborgensem, Nouolonensem,
Braſlauieſem, &c.*

QVATVOR LEVCÆ.
VIRGINIS MATRIS,

*ſeu publica ac ſolemnis ad Ædem diuæ Vir-
ginis Matris Trocenſem Proceſſio.*

Prima leuca ſeu Ponari.

ODE VI.

IMus? an fruſtrâ fugiente brumâ.
IOmnis Aprilî via riſit herbâ.
Et cauæ valles, viridique lucent.

Arua ſereno?

Imus. inſcriptæ ſinuofa Diuæ
Signa iam lenes rapuère venti:
Nî vetent rumpi, reuocentque tenſi
Serica funes.

Interim piſtis taciturna nuſquam
Pompa ſub ſignis fluat. Illa magni
Te MARISSTELLAM, dubiſque Virgo

Sidus in vndis,

Illa nil sancti dubiam pudoris

Te canat Matrem, facilemque clausi

Ætheris portam. Tibi præpes alti

Ciuis Olympi

Hinc & hinc pressis reuerenter alis

Attulit pacem. Tibi magna pacem

Debeat tellus, melior reuersi

Nominis Eua.

Tu graues demes populo catenas;

Tu diem pulsas reuocabis umbris:

Tu bonis pelles mala, læta mœstis

Fata reduces.

Esse te magni populus sciemus

Numinis matrem, modò missa per te

Vota non vñquam Deus obstinatâ

Respuat aure.

Mitis, & blandâ prece singularis

Virgo placari, scelera solutos,

Et bonos flecti, vacuosque noxæ

Suggere sensus.

Integram nobis sine labe vitam,

Prosperam nobis sine clade mortem.

Et sacros nati genitrix tueri

Annue, vultus.

Hæc ter alterno modulata cantu

Turba, carpemus viridis Ponari.

Roscidas vallis, & amœna præter

Arua, vehemur.

Secunda leuca seu Vaca

ODE VII.

Protinus, Virgo, tibi longa laudum.
 Pompa ducetur, vbi se recuruo.
 Collium flexu viridis reducit
 Scena theatri.

Audient magnæ titulos parentis
 Pinei montes; Viliamque circum
 Ter percussæ recinet **MARIA M**:
 Vocis imago.

Audient colles, & opaca longè
 Colla submittent, trepidæque, circum
 Attremet pinus, humilique supplex
 Populus umbrâ.

Sed prius magnum triplici Tonantem
 Voce placamus: placidumque Christi
 Pectus, & nostris vacuam querelis
 Flectimus aurem.

Inde ter sancto redeunte cantu
 Sancta clamaris: memorumque rursus
 Murmur, & fractæ referet **MARIA M**:
 Vocis imago.

Te suâ gestit genitrice Nûmen,
 Virginum Virgo: genitrice gestit,
 Quisquis optatâ tibi cumque carus.
 Vescitur aurâ.

Castâ tu pulchri genitrix amoris

Tu spei mater : tibi pictus almi
Campus Edeni , facilisque vitæ
Germinat arbor

Tu domus Veri : tibi certis vni
Aureas æther referare valuas
Gaudet : æterni geminant tibi su-
spira colles.

O potens olim profugos tueri
Ciuitas fontes , decus ô Sionis
O Dei præsens domus , ô reposti
Fœderis arca !

Siue tu purum sine fraude vitrum
Consulis formæ , reficisque vultus,
Blanda seu tristeis imitaris inter
Lilia spinas :

Siue præfago Gedeonis aruo
Vellus haud vlllo temeraris imbri,
Vda cùm circum madido labore
Area cælo ;

Seu negas circum crepitante flammâ
Pulcher exuri rubus , & pauentes
Increpas ramos , foliisque lato
Ludis in igni.

Inde Iessæi solium nepotis ,
Virgo se toto tibi sternit auro :
Hinc tibi surgit superas eburnâ
Turris ad auras.

Te suas Virgo simulant refusa
Mella per cellas : & amœna serum

Rura, quæ muris gelidique claudunt
Fontibus horri.

Hic tibi surdas fuga lenis Euri
Excitat frondeis, vbi purus vnda
Humor occultâ nemorum volutus
Murmurat umbrâ.

Hic cadens læui tibi lympa lapsu
Præfluit valleis, & aperta prata
Inter, impellit violas perenni
Aura cachinno.

Tot tibi Virgo bona liberali
Defluunt cælo: tibi tanta terris
Labitur semper renuente sisti
Gratia riuo.

Tu polo missas pia cymba fruges
Acta longinquo vehis inſtitori.
Tu diem ducis, placidôque manẽ
Lumine rides.

Qualis Eoos vbi tollit vndis
Lucifer currus, roseisque loris
Vndat, errantes per aquosa ludunt
Cærule flammæ:

Qualis aut Phœbe radiante plenûm
Lucet argento: mare qualis intrat,
Aut mari surgit rutilus diurno
Phœbus in auro.

Qualẽ, dum puro taciturna cælo
Siderum se fert acies, per omnes
Ignium rimas nitidi renident

Attria cæli.

Quod tibi nomen pia Virgo summâ

Voce dicemus ? solium superni

Audies Regis radiare magno

Maius Olympo.

Quidquid es , quidquid bona mater esse

Et cani gaudes , manibus remulce

Quem manu gestas , puerumque nobis

Electæ Tonantem.

Nos tuâ tutos prece seruet infans,

Si tibi primæ geniale noxæ

Crimen exemit , placidôque iussit.

Sidore nasci :

Si tulit vero puer æles ore ,

Te nunc cæli fore : si pudici

Nil minor floris genitrix seuer

Lege piaris :

Si nihil terris , gelidive debes

Legibus leti , choreasque Diuûm

Inter & plausus , repetis sequaci

Astra triumpho.

Ille qui leni pede pulsat altos

Siderum campos, viridesque stellas,

Lucis intensum iubar inter , inter

Lilia ludit,

Agnus ; heu nostris onerata culpis

Colla reflectat , leuiterque moto

Ad preces cornu , misero quietem

Annuat orbi.

Hęc ter effati, pia signa campis
 State, dicemus: pia signa campis
 Protinus stabunt, gelidi secundum
 Flumina Vacæ.

Signa clementi rapit aura flatu,
 Nos labor curtæ dapis. ille mensam
 Textili lino super, hic virenti
 Cespite ponit.

Promitur simplex penus, & supino
 Concha sinceri salis è canistro:
 Faginus iuxta scyphus, innocentis
 Arma Lyæi.

Sunt & antiquo quibus herba circum-
 Fulget argento; positosque Vaca
 Pone crateras fugiente præter
 Frigerat vnda.

Hinc dapes, illinc cyathos coronant
 Sutiles herbæ: mihi Solis æstum
 Eximet parce cichorea sparso
 Mitis oliuo.

Tertia lenca seu Vicus Galli.

ODE VIII.

I Am vetat lentas properata mensas
 Hora, surgamus, rapido ruit de-
 Cliuis è cælo, geminatque pronus,
 Surgite, Vesper.

Surgimus, rursus tibi Virgo campis

Signa

Signa vellantur : tremebunda limbis ,
 Aura colludit , gracilisque tenfas

Diripit Aulter

Tum quibus parcâ dape non dolendæ

Vocis accessit bona pars : O alma

Numinis salve genitrix, fidelis

Turba canemus.

Dum suas debet lapidosa Vace

Viliæ lymphas : tibi magna laudes

Mater & plausus & utrâque debet

Carmina ripâ.

Illa quæ circum geminis Getarum

Rura federunt opulenta cliuis,

Sunt tibi bello monumenta parti,

Diua, triumphî.

Quâ lyrâ, vel quo satis ore dicam

Ille captiuos Litalis Gelonos,

Inclytum prædæ decus, & trophæum

Nobilis iræ ?

Cum ferox belli duce te Vitoldus

Bis ter exegit gladium per omnem

Victor Auroram, tumidique fregit

Cornua ponti.

Quantus ingentem clypei sub vmbra

Texit Europen, Asiæque qua se-

cumque tempestas daret atque ab omni ef-

funderet Istro.

Rectus Eoam steter in procellam,

Qualis armatas hiemes, & omnem

P

Sustinet Calpe Thetin , atque inexplu-
gnabilis obstat.

Quantus hinc lato metuendus atque hinc
Limitem ferro secat , & decorâ

Cæde formosus , mediâque laudum

Pulcher in irâ

Ardet : hibernos velut inter imbres

Ardet Orion , vbi traxit omni

Astra vaginâ , rutilusque stricto

Fulminat igni.

Ille seu pictis equitata Bessis

Arua permensus , gelidumque Volgam ,

Sine Pelleas bibit insolentem

Phasin ad aras :

Barbaros templis tibi victor arcus

Virgo suspendit : Scythicosque cinctus,

Et tibi sacro clypeorum acervos

Vellit in igni.

Alta scit Taphri domus , & potentis

Sarbaci vetricæ meminere turres ;

Rupta cum Thracum quateret tremendo

Castra umultu.

Ille dum denso iaculorum imbri

Hinc Dahas illinc ageret Gelonos,

Ipsa nimborum cuneis & omni

accincta tonitru

Turbido latè manifesta cælo , &

Ter quater tortas iaculata flammæ ,

Ignem curru super & rubenti

Nube tonabas.

Sensit Euxini tremuitque læuum
Littus, & motæ crepuere rupes,
Ter quater nigram retegente sæuâ
Luce Mæotim.

Sensit, atque ipsos Tanais pauens re-
fugit in fontes: dubitante ripâ
Substitit paulum, trepidòque Phasis
Palluit auro.

Sic ames nostris bona Virgo sæpè
Hostibus nosci: tibi sic per omneis
Viliæ ripas Litali reponant
Signa nepotes.

Sic ab extremo tibi victor Occâ
Arma de victis referat Suanis,
Et nouas soluat noua vota L A D I-
S L A V S ad aras

Hæc & alternis geminata votis
Plura dum sicco canimus sub æstu,
Obuium fessos nemus hospitali
Excipit umbrâ

Ludor? an mollem foliorum ad auram
Lenè vocales modulantur alui,
Et leues lymphæ, trepidique grato
Murmure riui?

Ipsa te Virgo sonat aluus, ipsa
In tuas viuax salit vnda laudes,
Audit, & longè tua discit ipse
Nomina lucus.

Quarta lenca seu Troci.

ODE IX.

Vltimus restat labor altiores
 Ire per lucos, & aprica circum
 Stagna lunari, tumultosque lento
 Vincere cantu.

Hic tibi casto Salomonis ore,
 Dictus ad sanctas hymenæus olim
 Nuptias, mutum nemus & silentis
 Perstrepet alnos.

Quod tuis, Virgo, benè dormit vlnis
 Sola sopitum pores osculari
 Numen, & flammæ animæque sanctum
 Sugere florem.

Sola fragrantî meliùs Falerno
 Vber adstringis, quoties ab imo
 Corde spiravit genialis intimæ
 Halitus auræ.

Mille Phæacum Cilicumque mille,
 Nympha, te circum volitant odores:
 Blandus hic costî liquor, inde pinguis
 Sudat amomi:

Sola te mulcet ramen aura, si quæ
 Dulcè spirantis venit ore nati,
 Cuius illimi tibi lenè nomen
 Manat oliuo.

Sive Bacchei tibi fortè succi

Regis arcanae patuere cellæ,

Regis arcano meliora ductis

Vbera vino:

Sive diffusis oluere nardis

Regis instructæ tibi, Nympha, mensæ;

Regis optatos tibi nardus vna

Spirat odores.

Si Palæstino metis in virero

Myrrheos flores; tua solus ille

Nexilis myrrhæ religatur inter

Vbera nodus.

Si tibi dulces amor est racemos

Pinguè gemmanti refecare Cypro:

Vnus è multis tibi ridet ille,

Virgo, racemus

Solis æstiuos licet inter igneis

Hinc & hinc latis spatiosa ramis

Pinus, & pronâ tibi se reclinat

Frondebis ilex:

Sola te mulcet tamen æstuantem

Si quâ frondosâ cadit vmbra malo;

Cuius ah durâ tibi natus olim

Fronde pependit.

Plura dicturis procul è Trocanis

Arcibus turres, placitusque dudum

Virgini collis, mediâque templum

Apparet in vbe.

Protinus votis genibusque supplex

Sternimur vulgus, quater, Alma Salve

Virgo, dicturi: quater illa motis

Annuet aris.

Virgines iam tum puerique Diuæ

Supplici frontem redimite cerâ, &

Virginem gratâ puerumque laudis,

Dicite rixâ,

Virgines. Ceteris ornant moritura frontem

Serta: te Virgo moriente numquam

Flore Carmelus regit, & perenni

Pueri.

Fronde coronat.

Cereri frontem metuente demi

Implicant auro: tibi concolori

Luce narium capitis, I E S V.

Fulgurat aurum

Virgines. Qui tibi Virgo per eburna vidit

Colla diffusos sine lege crineis,

Regiam tingi trabeam rubenti

Vidit ahenò.

Pueri.

Qui tibi vidit niueis, I E S V,

Hinc & hinc sparsos humeris capillos,

Vidit elatas tumulis Idumes

Surgere palmas.

Virgines. Qualè ridenti radiant Sereno

Semper illimes Hesebonis vnda,

Tale conuiues oculis iocanti,

Diua puello.

Pueri.

Lacte perfusæ veluti columbæ

Vitreas semper speculantur vndas,

Sic in intactâ retines I E. S V.

Lumina matre.

Virgines. Cui genas, velga, cui similes canemus
Virginis vultus? similes canemus
Punico, cum per sua lucet vltro
Fragmina, malo.

Pueri. Cui genas vel cui similes canemus
Paruuli vultus? similes canemus
Arcis, quas Sol variæque scribunt
Floribus horæ.

Virgines. Attricos longè redolere succos
Dicimus Virgo, quoties diserta
Lenè ridenti tibi mella manant,
Lenè loquenti.

Pueri. Lilium I E S V niueis hiare
Dicimus labris, quoties odora
Dulcè ridenti tibi myrrha spirat,
Dulcè loquenti.

Virgines. Mille quod telis clypeisq; testa
Turris aduerso micat icta Soli,
Matris aduerso micuère longè
Colla puello.

Pueri. Quod Therapnæi breue ver Hymetti,
Quod Palæstini sapiunt liquores,
Matris è collo sapiunt reclinis
Colla puelli.

Virgines. Quo tibi Virgo maduère succo
Virgines palmæ? maduère succo
Qualis in siccas lacrymante myrribò
Liquitur herbas,

Pueri. Quis tuis fulgens hyacinthus ardet
 O puer palmis ? hyacinthus ardet
 Qualis aut sceptri sedet aut cornusæ
 Arce coronæ.

Virgines. Quæ iugis Cretæ viridisve Cypri
 Tanta Lesbôis fluit è racemis,
 Quanta maternis tibi Virgo manat
 Copia mammis ?

Pueri. Quis vel Hybleas odor inter herbas
 Tantus aspirat, Cilicûmve rura,
 Quantum aspirat tua dulcis inter
 Vbera IESV.

Virgines. Zona quæ fluxam vetat ire pallam,
 Flauet intextâ tibi, Virgo, fruge,
 Quam pudor circum niueoque stipant
 Lilia vallo.

Pueri. Quæ tibi cinctus reuocat reiectæ
 Vestis, arcanis vigil est eburna
 Zona sapphiris, tacitôque pectus
 Circuit igni.

Virgines. Cùm leui plantas cohibente socco
 Virgo stellantem graditur per aulam,
 Æream credas aciem canoro
 Ire triumpho.

Pueri. Crura cùm picto religauit ostro,
 Et stetit celso puer ore: credas
 Ponè suffixo geminas in auro
 Stare columnas.

A D

MATHIÆ CASIMIRI.
 SARBIEVII
 SOCIETATIS IESV
 LYRICORVM
 LIBROS
 EPICITHARISMA
 SIVE
 ERVDITORVM VIRORVM
 AD AVCTOREM POEMATA.

*Summi viri MATH. CASIM. SARBIEVI
 è Societate IESV incomparabilem Musam
 ERYCIVS PVTEANVS admiratur.*

QVIS Myſta Apollinis nouus? quis pro-
 ximo

Accedit VRBANVM gradu,
 Threiffa doctæ filia carpens barbiti,

P V

346 AD SARBIEVII LYRAM

Et Pindari ciens melos?
 Romanus ore, natione Sarmata,
 Cultissimi vir Ingeni,
 Ab axe flammam frigido SARBIEVIUS,
 Ab nocte lumen inuehens,
 Vertit quadrigas orbitâ Phœbi nouâ,
 Niuesque mundi calfacit.
 Aut sæcla barbaram exuunt æruginem,
 Aut prisca redeunt sæcula.
 Tantum potest, qui carmen aureum sonat,
 Qui totus ipse est aureus;
 Seuera pangens dogmata Sapientiaë,
 Castosque sermonis iocos:
 Qui mella spargit & salem SARBIEVIUS,
 Generosi honesti semina,
 Si dignitati mixta amœnitas iuuat,
 Musæque flores fluctibus;
 Ridere tristem mente lætâ Palladem,
 Ridere Rugas dixerim:
 Sic inter omnes præstat vnus Sarmatas,
 Inter Quirites Sarmata;
 Vnus Latinâ Pindarum vates Lyrâ,
 Et aliquid V R B A N I exprimit.

Πρωτεύς ὃν ἀείρω.

TERIO HORATIO ET SARBIEVIO
Lyra Latinae geminis Principibus plau-
dit MAXIMILIANVS HABBEQVIVS
è Societate IESV.

NVNC CAPIT REGNVM DVOS.

POrtenta Vatum! non patitur duos
 Soles Olympus, stellifero licet
 Atlante fultus, non amorum
 Fert comites Hymenæus ardor.
 Celso Melampus Taygeti iugo
 Venatus aprum, dentibus inuidis
 Latransque frendensque inuolansque
 Participes abigit molossos.
 Clitumnus albam si videat bouem
 Errare, tauri cornibus aduolant
 In bella, riuallisque pugnae
 Vulneribus fluvium cruentant.
 Tædæ iugales, purpura Cæsarum,
 Trophæa belli, dona Cupidinis,
 Et ambitus cretati honoris
 Diuiduos vetat ire fasceis.
 Non fert secundum Cæsar, & æmulum
 Pompeius odit, cum genero impius
 Socer duellat, inuolant con-
 sanguineis Aquilæ manipulis.
 Fraternal Thebis funera dissident

348 AD SARBIEVII LYRAM

Discorde busto. Sanguine tingeris,

O Roma, fratrum, quando primi

Cæde malâ maduere muri.

Vnus subactâ Rex Asiâ potens

Dario habenas diuitis imperi

Secare Pellæus recusat :

Non animo satis orbis vnus

OMNIS Potestas impatiens furit,

Consorte iuncto : Læritiâ salit,

Consorte pulso : qualis ardet

In vacuo basiliscus antro.

Portenta Vatum ! nunc patitur duos

Reges bisulco vertice Phocidos

Parnassus, & Reges Latinæ

Sceptra Lyre gemini tenebunt :

Vnus sonantem natus ad Ausidum,

Alter rigentis margine Vistulæ.

Ter euge, Castor euge, Pollux :

Vos Gemini, puerique Ledæ

Alternæ vitæ fata rependitis :

Polluce, Castor, Castore, Castore

Pollux beatus ! regna Cæli

Vnanimis secuere fratres.

HORATIANAM SARBIEVIUS Lyram

Regnante dextrâ tradit & accipit ;

HORATIUS gaudet teneri

SARBIVIO sua regna PLECTRO,

AUGVSTVS, vnum Numen HORATIO ;

VRBANVS, alter SARBIVIO Deus ;

EPICITHARISMA. 349

Hos BARBITI REGES adorant

Ad numeros saliente chordâ.

Quantum profanis sacra superuolant ;

Minore maior CÆSARE PONTIFEX ;

VRBANVS AVGVSTO: triumphat

SARBIVIVS meliore lauru.

IOANNIS TOLENARII *è Societate*

IESV ad MAT. CASIM. SARBIEVIVM

S. Theologiae Professorem.

O D E.

FAllor ? Sarmaticis an nouus arbiter
Plectri siluicolis carmina diuidens

Per confinia Thracum

Terris reddidit Orpheæ ?

Quisnam Pegaseæ crederet vngulæ

Porandos latices gurgite Viliæ ?

Quis Teumessia Tempe

Propter stagna Borysthenis,

Et vatum Aonium delicias nemus

Florens sub gelidæ, plaustro Erymanthidos ?

Hæc miracula Phœbo.

SARBIEVI, tua dat chelys.

Cui nec prætulit, quam Ogygiis vetus

Structis nobilitat fabula mœnibus,

Aut ad sidera vectam

350 AD SARBIEVII LYRAM

Coniux Euridices lyram :
 Quamuis melliflui carminis artifex
 Auritas modulis duceret ilices ,
 Formaretque canendo
 Silvæ monstra puerperæ .
 Certè flexanimâ tu potior chely
 Cunctis imperitas : & fide Teiâ
 Torques mentis habenas ,
 Suadæ laude superbior .
 Nam seu Pieriâ Martem acuis tubâ ;
 Ignescunt animi condere nubilo
 Thressæ cornua lunæ ,
 Byzantique securibus
 Fœdatam Odrysio sanguine lauream
 Disturbare manu : seu alite Hymettio ,
 V R B A N I que tiarâ
 Signas mellea sæcula ,
 Dum belli iaculis pungimur , vngimur
 Doctrinæ liquido nectare , & efferi
 Inter pila Gradiui
 Hyblæis alimur fauis .
 At quis te in Libanum proripit entheus
 Ardor Castalidum , dissimilem tui ?
 Aut campos Galaadi , aut
 Engaddi viridaria ,
 Sponsæ delicias dum Sulamitidis
 Plectro sollicitas ? O quibus auream
 Ex hortis Heliconis
 Sponsi cæsariem rosis

Cælestis decoras! vt fidium tenes
Miraclo attonitos, dum artificî lyrâ

Pontum findis Erythræ,
Sternens Isacidis iter!

Ni me, SARBIEVI, ludit amabilis
Error, depereat iam citharæ potens

Iessides tua plectra,
Iessæusque nepos ruis

Applaudat modulis. Me stupor occupât,
Inter Sauromatas dum Boreæ accolas

Doctæ Phocidis hortos
Efflorescere conspikor.

Has rerum ancipites esse reor vices.
Nec vernis stabilis floribus est honor:

Nec mansura perennis
Clarîs gloria gentibus.

Nunc terras rosei fax Hyperionis
Latè conspicuis tollit honoribus:

Nunc caligine mersas
Nocturno sepelit chaos.

Quandoque & studiis occiduas vices;
Excultisq; vehunt tempora gentibus:

Spelæisq; ferarum
Surgit lux sapientiæ.

Quondam Niliacæ lumina Memphæos
Densâ barbaries sub nebulâ premit;

Nec iam Bellerophontis
Thebas nobilitat liquor.

Iam nudis Helicon fabula rupibus.

352 AD SARBIEVII LYRAM

Quid Pandioniae mœnia Palladis,
 Exculi orbis ocellum,
 Doctrinaeque sacrarium
 Perlustro? Heu tenebris Cimmeriis latens,
 Fatorum series! nil reliquum exhibet
 Tanti nominis umbra,
 Præter culmina cespitum.
 Sic Fatis placitum. Sed bene, quod nouo
 Solatur radians lumine Carpatæ
 Hæc dispendia lucis:
 Pimplæisque opibus suum
 Ditat nobilius Vilia gurgitem:
 Et Pandioniis æmula honoribus
 Gestit Vilna Mineruam
 Cælo tollere præsidem.
 Certè dum Sophiæ Mylta sacer fides
 Docto, SARBIEVI, pollice temperas
 Nec facunda Lyceis
 Pallas Sauromatùm deest,
 Nec cælo genitæ lux sapientiæ:
 Sed nec Pierij gloria verticis,
 Nec, qui proluat ora
 Vatum, Castalius latex.

IACOBI HORTENTII *è Societate IESV ad*
Lyram MATH. CASIM. SARBIEVII
 VRBANO VIII. *dedicaram.*

I Te, & Romuleos inter resonare Quirites. 1
 Carmina Sarbiniâ deproperata Lyrâ.

Ad noua septeni salient modulamina colles,
 Tybris & auritas stare iubebit aquas.

VRBANVS que aliquid de Maiestate remit-
 tens

Ad pia reginas carmina mittet Apes. 2

His amat ille rosis & casto gramine pasci,

Otia pauca grauis dum sinit est labor.

O te felicem nimium CASIMIRE Poëtam!

Sic tibi propensum qui CAPVT ORBIS
 habes.

Hunc Lyra non meruit Venusini Vatis hono-
 rem,

Non ita Dircaëum Pindarus vrget ebur.

Hoc sciat Alcæus, digitos damnabit inertes;

Abdere se tenebris Lesbica Nympha volet.

Pierios dicent aliò fluxisse liquores:

Quin & Apes sanctas carminis esse Deas.

Nobilis ô Vates! qui nectare potus ab illo

Permessum obscuri nominis esse facis.

Non tibi nec Diuos ea suscitât vnda furores,

Non Aganippæ gloria pulsât aquæ:

Sed Magnæ mellis fauère ex æthere Matres,

354 AD SARBIEVII LYRAM

VRBANI que sacros exhibuere fauos.

Sed Veri sedes, & CHRISTO proxima vir-
rus

Insolitam dicti Carminis afflat opem.

Esse quid hoc dicas, nisi Numinis igne calere,

Spiritibusque DEI sollicitantis agi?

Esse quid immodicos nisi ducere nectaris
haustus,

Et sibi præfixas non habuisse colos?

Grande tuæ ô pretium mæsuræque gloria Musæ;

VRBANI poterunt cui tholus esse PEDES!

At mihi si tanto fas quidquam appingere possi,

Aut signare aliqua pendula dona notâ,

Non ego pro chordâ tenuem cantare cicadam,

Non aliud cupiam pectinis esse vice:

Sed fingam VRBANAS illic sua cõdere mella,

Et dare pro cantu nobile murmur, Apes.

Picturæque breui subscribam lemmate causam:

Tantus amor nostra est, gloria tanta Lyra.

LVCAE DIERIX è Societate IESV in
Lyram MATH. CASIM. SARBIEVII.

PAucula Mæonio meditabar ludere versu,
Succinerem fidibus quæ CASIMIRE tuis.
Arripio longo distentos tempore nervos,
Filæque suspensæ puluerulenta lyrae.
Excurtio, tendo chordas, adduco remitto,
Exploro dubios pectine & aure sonos:

EPICITHARISMA. 355

At subito malè compositis lyra dissona chordis

Sic mihi confuso est murmure visa queri:

Quid teretes tentas obtuso pollice nervos?

Desine nos humili sollicitare manu.

Musa CASIMIR I altius altius extollenda
est:

Illius in laudes non satis ista chelys.

Nec tua sufficiet lyra Pindare, nec tuà Flacce]

Sufficiet, quantus dicere, quantus hic est.

Ipse sibi vates solus sibi sufficit vnus

Se capere, & solus se cecinisse potest.

Nil igitur CASIMIRE canam: nam digna
cani te

Non possunt. dignè, tu potes, ipse cane.

IOANNIS BOLLANDI è Societate
IESV ad MATH. CASIM SAR-
BIEVIVM Pontificia Poësis imita-
torem.

O D E.

DEsueta pridem tendite barbita, &
Virente rursus cingite Laurèâ

Frontem Camænæ. rursus, io!

Castalios feror in recessus.

Atqui vetusto squalida puluere

Amor fuit defendere inertibus

Diuûm Acta blattis, inque Patrum

356 AD SARBIEVII LYRAM

Ferre nouam monumenta lucem.

VRBANY'S hinc me MAXIMVS OPTIMVS

Ad antra Cirrhæ, & Pegaseos specus

Reducit, & nouos calores

In gelidis animat medullis:

Dum quâ ruentis fata prius manna

Suffulsit orbis mox animat fides

Micante pulsu, quem secundo

Attonitus vehit amne Tibris;

Vltrâque terras & maria & latus

Vtrumque mundi, solis & vltimi

Primique limen, & remotas

Oceani emorientis oras,

Tulisse gaudet. En propior Polo

Quâ flectit Arctos, Vistula corniger

— Musæque cantu BARRERINÆ

Personuit glaciæ latus.

Noster quod isthic ludit Horatius,

Quod lapsa retrò sæcula colligens,

Vocemque spiritumque Flacci

Pindarico iubet ire cantu:

Quod inter Vrsæ frigus, & hispidæ

Telluris oras turbinibus graues,

Et grandinum sonante fœtas

Progenie, CAS·MIRVS, auras

Tepente Cælo prouocat igneas,

Terræque fibris promit aquas, quibus

Vel ipse Musarum bicornis

Gaudeat immaduiffe Vertex,

Quòd ver beatum sentit Hiems. nouo

Quòd victa cantu mollior incubat

Natura, quòd repente nato

Germine luxuriantur horti,

Quòd mel, quòd vdo Pierium fluit

De fonte nectar, nectar amabili

Quòd rore sudat, quòd vel vno

SARBI VIX lyra tacta neruo

Quamuis feroces debilitat minas

Imultuantum fortiter hostium,

Et arma bellorumque nubem

Pulucream meliore miscet

Eudentis aurâ (si satis assequor

Quod augurando mens canit, enthes

Virtutis admirata numen)

Inde venis, A P A S vnde sanctum

URBANA nectar ausit, & æmulo

Floratianæ murmure tibîæ,

Terrâsque mirantésque cælos

Attonuit. calor omnis illo

De fonte fluxit. numinis hos tui

Assauit æstus aura beatior

URBANE, dum sacrata gentis

Romulæ iuga lustrat hospes.

Quis volentem me quoque patrio

Exesse cælo, quis sinat in tuos

Me ROMA BARBERINA Colles

SARBVIO comitem venire !

Assiste Musa, & vota decemplici

358 AD SARBIEVII LYRAM

Substringe nodo. angustior est sinus

Mentis que virtutis que nostræ ,

Quam penitis queat ut medullis

VRBANIANVM ducere spiritum.

Vnius hoc est SARBIVIT : cui

Impune trans nubes sereno

Calliope dedit ire Cælo.

GILBERTI IONINI *è Societate*

IESV ad MATH. CASIM.

SARBIEVIVM.

O Testudinis aureæ
Qui fila ingenuo pollice temperas,
Et solis Rhodopes iugis.

Aut in Sarmaticæ littore Vistulæ

Doctam sollicitas chelyn,

Quam prono toties audiit aluco

Tibris defluere immemor ,

Et septemgeminis non semel exulit

Echo Romula montibus :

Seu mundi dominas Principis insulas

Dicentem audierat pari

Tantis ingenio laudibus, aut Apes

Cæli roribus ebrias.

Quæ curâ artificii mellea condiunt

Puro nectare sæcula ,

VRBANI arbitrio Lechica principem

Cum laurum meruit lyra.

Seu bellata graui pectine dices
 Septem-bella-trionibus.
 Audacemque acies ducere Martio
 Nigrum puluere Cæsarem, &
 Gaudentem in mediis hostibus aspici:
 Dam fatis melioribus
 Iracunda parem dextra superbiam
 Ferro vindice fulgurat.
 Seu vinci faciles cedere Tartaros
 Cogis indecori fugâ,
 Dum victor rapido terga fugacium
 SICISMVNDVS equo premit:
 Aut Lunæ Scythicæ sanguineum iubar
 Formidabile Regibus,
 Curuari facili circuitu verat.
 At quò te rapit insolens
 Ardor fræna pati per vacuum æthera?
 Dum cælo Sapientiam
 In terras facili carmine deuocas,
 Et caligine patriâ
 Celari cupidam non pateris, piè &
 Præclarè temerarius.
 Cantas ætherei tela Cupidinis,
 Et quæ non dubiâ manu
 Castis pectoribus vulnera destinat:
 Et tædis melioribus
 Mentis virgineas vrit, & aurea
 Certus figit arundine,
 Extinguitque suis Idalias faces.

360 AD SARBIEVII LYRAM

Nec cantus meretricios
 Musas virgineâ ludere barbito,
 Et castis fidibus iabes:
 Quæ toruâ trepidus fronte legat pudor,
 Quæ velata Modestia,
 Et verso iugulet pollice castitas.
 Clari gloria Rhasidos,
 Nec vates patrio degener Orpheo,
 Et plectro & fidibus potens
 Monstrandus digito prætereuntium
 Romanæ fidicem lyrae
 SARBIEVI, & Latiis fabula nobilis
 Enarrande nepotibus:
 Dicam (Roma licet toruior audiat)
 Nemo pectine Romulo
 Tentavit citharæ fila decentius,
 Vni cedis Horatio,
 Qui Musas Latiis montibus intulit:
 Et, ni aurem mihi vellicet
 Iam præiudicio fama potentior,
 Et cani capitis niue,
 Marcentes rigido vertice laureas,
 Et myrtum quatiens manu,
 SARBIEVI fidibus, iudice me, ruis,
 Vates natus ad Ausidum,
 Et primis citharæ cedat honoribus:

MICHAELIS

MICHAELIS MORTIERI

è Societate IESV.

I A M B I.

VT illa prima ter beata sæcula
 Pater Satôrque Temporum
 Ter inuidenda, ter dolenda, posteris
 Sinu profudit vbere,
 Diésque finxit & refinxit aureos
 Serenior laminâ,
 Breui refugit, aureique germinis
 Suaue mœssuit decus.
 Et inde mixta mortis ære liuido,
 Et obuoluta ferreo
 Aheneoque plumbeoque vulnere,
 Ière retro sæcula.
 Subinde læsa vilior furculo
 Repullulare semina.
 Solum rebelle senticera prodere,
 Lucem maligna fidéra,
 Venena gramen, inquinata turbidum
 Paludis vnda poculum,
 Ferasque silua, naufragosque nauitas
 Maris procella, grandinis
 Flagella ventus, imbriumque lacrymæ
 Quotidiana funera.
 It annus alter altero nocentius
 In omne degener nefas;
 Et aura mentis aureâ propagine

362 AD SARBIEVII LYRAM

Imago prima Numinis
 Homo fit umbra, fit propago plumbea,
 Suoque nequior luto.
 At omnis illa tam beata faustitas
 Pòlo recepta creditur:
 Sòloque pulsa, spem fouere cælicam
 Lurique dulce tædium?
 Vel in canora commigrasse culmina
 Biuerticis sacrarij:
 Ibi crepante Pegasi sub vngulâ,
 Meri fluenta Nectaris
 Parens Apollo temperare Vatibus,
 Diesque semper aureos,
 Et obstinata non perire sæcula
 Lyrâ laborat aureâ.
 Vbi nouena cum Parente Castalis
 Inane murmur increpans
 Ab amne pendet, & liquoris ebria
 Suaue concipit melos:
 Clientiumque labra fonte proluens
 Poëticique spiritus
 Furor complet, aureumque faucibus
 Dat imbibisse sæculum.
 Paterna laurus ab loquace barbito
 Perenne personat nemus,
 Amoena fata, pura, læta grandius
 Tonante præloquens comâ.
 Sed hæc fuere, namque sicut aureum
 Maligniore laminâ

EPICITHARISMA. 363

Adulterantis æra prima germinis
 Fremit perire sæculum :
 Iugum bicornæ , flos & umbra Daphnidis,
 Et omne Phocidos nemus ,
 Et ipse Phœbus , & nouena numina,
 Et Hippocrena Pegasi
 Pararuêre. vix stetêre sæculo
 Horatiana tempora :
 Sub hæc virebat , inclytôque promicâns
 Poësis alma vertice
 Decus perenne germinabat , integros
 Apollinis vicario
 Lyre tenente spiritus Horatio.
 Sed hoc repente condito.
 Suisque subter abdito rosariis :
 Sub occidente laureâ ,
 Sepulchra vatis implicare carduosa
 Rubeta pullulascere ,
 Iacere nomen , interire gloriam
 Biculminis palatij ,
 Et inrer arma barbarumque militem
 Situ pigro senescere ,
 Fidem rigere , lacrymare pectinem,
 Chelyn filere cerneret.
 Iêre lustra , ferreique temporis
 Iêre multa sæcula.
 Poëta nullus , aut Poëta barbarus,
 Quid inter ista ganniat ?

364 AD SARBIEVII LYRAM

Aut vnus, alter aut subinde tertius
 Horatiana barbata
 Paratragœdiantē strinxerit manu,
 Cauo fragore turgidus,
 Inane nomen ad lyram; quid obstrepat?
 Et hoc per astra circulo
 Trecentiesque milliesque voluitur
 Redoluiturque Cynthus:
 Suprema donec & polita vidimus,
 Et erudita tempora:
 Quibus redisse Pegaso suus vigor,
 Suusque fontibus liquor,
 Sororibusque ter tribus suus decor,
 Suusque lauræ color,
 Suusque mille mille Vatribus calor,
 Perennitasque credita:
 Et eliquante iam stupore plumbeo
 Nihil morante ferrei
 Furore Martis, æneóque verbere,
 Dies norantur aurei.
 Per arma regnat, orridosque turbines
 Salus amœnia temperat:
 Per arma Belga, Batauos per imperus
 Amica ducit otia:
 Per arma Scaldis, aggeresque perfidos
 Mosæque vapulans latus.
 Per arma Rhenus, heu! per arma decolor
 Nouis probrosa cladibus:
 Cruentus Ister, impiumque sanguine

Mosella vorticem trahens,
 Cruore mixta, tabidisque fluctibus
 Fluente Pegasi vehunt,
 Et entheata mollius poetico
 Rigant calore pectora.
 Per arma Gallus, & per arma Celtiber,
 Per arma viuit Italus.
 Et ingruentis hostici subiectibus
 Canit vel ipsa praelia.
 Et est Maronis, est cliens Horatij:
 Habet Catullus assecclas;
 Et erudita, casta, blanda, viuida,
 Cedroque digna carmina,
 Apollinisque non pudenda barbito,
 Eburneoque pectini,
 Et aureo super futura saeculo
 In omne saeculum serunt.
 Sed haec nequisse, pro decore pristino
 Vetusta pugnat auitas,
 Minore semper & minore diuidens
 Fluente prima riuulo.
 Nouusque nemo sic Poeta natus est,
 Vt illa prisca numina,
 Horatiique Principem lyram pari
 Securus expleat lyra:
 Sed impos artis, & canore dissonus
 Stylo vacillet impari.
 Quod vnus ille (stringe liuor impetum,
 Fromente dente ringere)

366 AD SARBIEVH LYRAM

Quod vnus ille (viuat æternitas;

Io parate lauream,

Parate ferra, myrtæque textile

Ligate lilium comâ)

Quod ille SARBIEVVS vnus vnicus.

Libro peregit vnico.

Hic omne quidquid est Poëta vel fuit,

Metro volante transilit:

Horatiôque, Pinda: ôque par (procul

Metu cadentis Icarî)

Per ora currit, & per astra voluitur,

Superuolatque sidera;

Polonus ille certus aridam nouo

Replere fonte Castalin:

Et obsoleta nobilis Bimontij

Refabricare culmina:

Polonus ille per Borea frigora:

Acinacesque Thracicos,

Beata Veris arque Pacis otia

Perennè Varibus nouans,

Per efferata Martis ære sæcula

Dies reducit aureos

SIDRONII HOSCHII è Societate
IESV ad MATH. CASIM. SARBIEVIVM.

ELEGIA.

Romanae fidicen citharae, qui sidera praepes
Visis, & ignauam FLACCUS relinquis
humum:

Pace tuâ, quamuis nec certius alta Cleanthis,
Nec fuerit Samij lingua locuta senis;
Semita Dircaei non est tamen inuia cygni,
Iuit & hanc pennis repperit alcer olor.
Nec minus est auræ, quâ se leuat æmulus ales,
Nec spatio nubes inferiore secat.

Par abit, & forsan cursum sublimius vrger;
Et quò non potuit PINDARVS, ille volat.
Nec malè ceratis ad sidera nititur alis,
Nec dabit æquoreis flebile nomen aquis.

Ætherias animas restor, Zephirusq; Notosque,
Et quæcumque sacros detulit aura modos:
Si tua, SARBIEVI, sperasset carmina (quale
Non fieri meritò posse putauit opus)

Pindaricas laudes pressisset HORATIUS: & tu;
Materies illi, primâque cura fores,
Felix, credibili maior quem concitat ardor:
Iudicium superas Vatis & Orbis idem.

Non abit in peius semper vitiosior ætas,
Nec quamuis semel est ferrea, semper erit.

368 AD SARBIEVII LYRAM

Se fugit hæc certè, piscūque recurrit in aurum,
 Illa est carminibus gloria parta tuis.
 Hæc ego vos, Musæ, vestroque in monte virêtes
 Iam pridem lauros edidicisse reor.
 Hæc vbi cantantur, nec saxa, nec æquora furda,
 Nec sunt indomitæ turba timenda feræ.
 Vos eritis testes Getico sub sidere cautes,
 Quisque Lycaonio Ponte sub axe iaces.
 At neque sola videt properare POLONIA rupes,
 Mirantēse tenet VISTVLA solus aquas :
 Et Rhodopè, & scopulis veniūt plaudētib⁹ Alpes.
 Nullaque non montes gens videt ire suos.
 Hæc Rhodanūque Padumque tenent, & car-
 mina Rheum
 Oblitos notas, vt prius, ire vias.
 Hæc sapè Tagus fuluāque reclinis in vrnâ
 Dixit : Eunt auro purius illa meo.
 Sepè aliquis nullâ vates hæc legit in vmbra,
 Et circum viridis protinus vmbra stetit.
 Cui licet, hæc gelidâ nemorum securus in vm-
 brâ :
 BELGA sed heu ! lituos inter & arma sonat.
 Si sic in patriis cantasset montibus Orpheus,
 Cum filius melius saxa secuta forent.
 Promptius Aoniam lapis ascendisset in arcem,
 Euectus numeris, magne Poëta, tuis.
 O quantò Delphin perniciosus ille natasset
 Per mare, tam blandæ raptus amore lyrae !
 Hæc animum certè mihi sic demulcet, vt illum

EPICITHARISMA. 369

Auferat, & memorem non sinat esse sui.
 Sæpè fui, ceu vaticinans, aliena locutus,
 Et fuit abrepti carmen in ore tuum.
 Sæpè locuturus diuturna silentia feci,
 Aut tenuit medios lingua repenti sonos.
 Mens abit, & subito tacitum mirantur amici:
 Me rapiunt numeri, cygne canore, tui.
 Siue iubes in Threïcium capere arma tyrannū,
 Panè minax digitis sumitur hasta meis.
 Siue super nubes sublimis & æthera tendis,
 Sollicitat nostros protinus aura pedes.
 Siue per Ausonios spatiaris lauriger hortos,
 Me Zephyri & Floræ regna subire puto.
 Seu mœrente canis testudine flebile carmen,
 Palleo, nec fletu lumina nostra carent.
 Seu tristes hilari solaris pectine curas,
 Defluit ex animo cura dolorque meo.
 Siue pios castæ suspiras mentis amores,
 Vrimur, ardentes sunt tua verba face s.
 Denique me formas subito conuertit in omnes
 Qualiscumque operis pagina lecta tui.
 Hoc est & volucres cantu fluuiosque morari,
 Hoc est aëriâ ducere faxa viâ
 Hoc est fulmineas auferre leonibus iras,
 Hoc agnis rabidos conciliare lupos.
 Pegasides Diuæ, vestro date debita Vati.
 Quæ possint Clarium festa decere Deum,
 Quid precor? exiles lauro redimite poëtas,
 Vos mihi, si merui, neſcite festa Deæ.

370 AD. SARBIEVII LYRAM

Nam tua, SARBIEVI, cū filuæ plectra
sequantur,

Ad crines properat laurea sponte tuos.

NICOLAI KMICII *è Societate IESV.*

DITHYRAMBUS.

NAm me quis melior corripiat calor?
Iam tollor Ales trans liquidum æthera,
Canisque præter nubibus hispida
Sublimis oras, irretorto
Splendidè pernix oculo, reuolui
Immodicum gyrabilis orbis
Crystallum adspicio: nec piger imperus
Ardor in celsas vehit usque sedes,
Abiungitque animum corporeæ moræ
Molis & pennas timidas resolui
Insolitâ subter leuat aurâ.
Vt volui placidi sedulus ætheris
Tranquillas vigilum Currus in ignibus
Siderum rotas agit!

Audimus? an nos ludit amantium
Ignium cantus? solidos ad orbes
Nam repercusso recinit iocosa
Rursus imago
Audimus? resonant carmina non prius
Accepta æthereis choris.

At quò perpetuis anrea sedibus
Sidera migrant! nec labor, vltio.

Séquitur rapidum temo Booten.
 Iamque & Virgo venit vecta curulibus
 Quæ niueis flauam digitis exerrat aristam,
 Vberis neque impotens
 Nec parca glebæ, aut dulce nitentium
 Florum, quos Siculis fœta Fauoniis
 Hyblæ iugera nutriunt.
 Illam mellilegæ cælibe murmure
 Adstipant animæ, & suauibus attonant
 Circum susurris, & loquace
 V R B A N V M repetunt voce, per aureos
 Atlantis orbes, atque volumina
 Machinæ decemplicis.

En Herculei stella leonis
 Superbiore concutit flammæ iubâ
 Magnumque spirat Sarmatici decus
 P R I N C I P I S, & profugam repulsi
 Cynthiam Thracis, viduasque cæsi
 Concani amissis pharetras sagittis.

Quis ille toruas fronte iacit minas
 Semifer, & veterem seruat sub pectore Achillem,
 Altaque quondam quos monitus dedit
 Secum reuoluit mente: per improbum
 Vt mundum armigeram circumagat ræcem
 Immunis, & fati dolosas
 Effugiat sine lite Syrtis.

At vos minorum lumina gentium
 Plebesque haud humilis beati
 Imperij, ardentes reuocate densarum

372. AD SARBIEVII LYRAM

Vndas stellarum : venit ecce
 Mauortis ignis , cuius ahenea
 Fumant ingenuis arma vaporibus,
 Et pulchra belli viuit in igneâ
 Tempestas facie : vt iam capulo manus
 Respirat, pronaſque ad Carmina porrigit aures,
 Turbidum lætatus , vt obſoleros
 Rubiginofi ſordibus orij
 Dardanoſ enſes reuocari in orſus
 Audit auitos.

Quis mirante Polo , quot properent faces,
 Pulchroſque ſtellarum tumultus ,
 Dum trepidant , numero reponat ?
 Sequamur populos agglomerantium
 Ignium. non hæc ſine deſtinatis
 Caudiis ſiunt. trahit & ſequeſtras
 Latente motu lampades voluptas.
 Sæpè dum pectus taciti fatigant
 Cupidines , & conſcij calores,
 Prodidit murex inopinus oris.
 Non ſolus orbes Aligeri imperus
 Vrget , cadentis ſiue obitus ſuper,
 Seu prima ad cunabula Solis :
 Aſt incluſus Amor ſæpè decemplicem
 Intus agit molem circum verſatque ſequacem.
 Eamus , aſtrorum a pedes choros,
 Vtrumque laboratur , ſecuti.
 Vt mihi percuſſi ſalierunt pectora ſibris ?
 Quis hîc canoro barbito moratur

Detinetque sidera :

Agnosco voces , nosco sonantium

S A R B I E V I I errores digitorum ,

Pectinis & laudabile murmur.

Vt prona astrigeræ domus

Plebs aure arripiunt sonos !

Et nixa audis sidera flammis

Consumunt totas cantantis in ore medullas !

Vt ceruice sinistra

Acclinis , melior Threicij alite

Carminis , æthereos lyræ

Committit ignes , seu quibus Arbiter

Terræque Cælique ictus amabili

Longum laborat in Charybdi :

Sive vt Virgineos Amor

Summâ parte animos nectaris imbuat ,

Non erubescendasque flammæ

Castis versat in ossibus.

O vatem nimium D E O !

O dulces strepitus , ô benè Cælitum

Gaudia digne Olor occupare !

Tibi seu citatus inter

Languescit Zephyrus flexanimas fides

Seu bellicoso fortior æthere

Immugit sonus , aut clangit in auribus

Heroum , quoties aut adamantinum

Mauortem memoras , aut resides nouorum

In orsa bellorum resorbes ;

Respondent tacitis sidera nutibus ,

374 AD SARBIEVII LYRAM

Incenſoque magis vota cupidine
Seſe in carmina porrigunt.

En A P E S circum tibi B A R B E R I N A
Tempora alludunt : tibi neſtar omni
Additum Cælo properant : ſed illæ
Dulcius ore tuo lucrantur ;
Tenduntque cellas vt ſitientibus,
Mella ſæculis noua.
Quæis & æternæ ambroſiæ Deorum;
Et quæ miniſter Phryx puer æthere
Miſcet capaci blandus amyiſtide,
Deterioris
Damnata notæ Maſſica cedunt,
Iudice Mundo.

Hæ celſo quoties cardine deſſuæ,
Inſuptæ volucres nota Palatia
V R B A N I repetent , vt ſolitis ſuam
Pontificem releuent ſuſurris :
Latè diſpoſitis ordinibus , ſuper
Aut mixtam nebulis comam
Cupreſſum , aut vitreo margine fontium,
Per myrtos , per & aureas
Roſas , & caltras liliumque denſum,
V R B A N O referent tuæ
Quem citharæ addidicere cantum.
Hic ille , ſudo dum fremit aëre
Mellita pubes , & reperit tuæ
Neſtar Thaliæ , non Caleno
Sobrius accipitur Lyao

Gratius, nullis ita feruet uis
 Candida Naxos alumina Bacchi,
 Quas BARBERINVS duceret uido
 Nectare SARBIVII prius.
 Cedunt Eois intonata fluctibus
 Conchiliorum deliciae breues:
 Cedunt & Afris quas alit in iugis
 Benigna tellus alites,
 Mullique stultae damna pecuniae,
 Et scarus fatuo pretiosus auro,
 Quoties mensis accinet illis
 Sarmata cyenus.

Audimus? (atrae cedit liuidi
 Cocyti nebulae, quas Notus inuidiae
 Halante Diris de palude
 Eductas, audis obstruit auribus.)
 Audimus? ut iam pectine concita
 Illa terrarum Superumque custos
 MAIESTAS, solio Varem dignatur ab alto?
 Subsequi nostras, ait, ô Poëta
 Non piger chordas, facilisque Cynrhi
 Suffecisse DEO, fers medius gradum
 Nostrique, Apollinisque.
 Seruabis ergo tu bene mutuis
 Fidum pectus amoribus,
 Pontificisque & Vatis amicus
 Aeterna reges tempora lauro.

Vix ominato vox ea murmure
 Vulgata totis diditur Italis,
 Quae tauriformis Rhenus & Albula,

376 AD SARBIEVII LYRAM

Quà serus vndas Bætis in æquora

Ibera voluit, nec paterno

VISTVLÆ cessat geminare nomen

Fama Poëtæ.

Continuò ingêtes animæ, decora alta, vel Tiaræ

Vel sceptrâ paruo quos populo eximunt;

Venam benigni protinus ingent,

Siue ille certis verba legibus liget,

Seu velit aureæ

Liberas linguæ referare ripas,

Attonito stupuere sensu.

O Vates, placidos fortiter occupa

Portus. ô quid agis? iam noua pubes

Vulgi fluctuat vnda:

Tu mentis vltra culmen & ingent

Euectus, expertusque, raris

Auditum enarrabis ACVMEN.

Clamatur! auræ plausibus assonant,

Praudit totis Roma Lyceis.

O quos tunc tibi TARQVINI

Sensus de tacitis ossibus eduxit anhelitu;

O quos ODDO tibi?

Quos tibi PETRYCCI, quos CODEFRIDE
tibi?

Aut quisquis Lechicum pronus in Orpheæ,

Et morum facilis, diues & Ingeni?

Vtrumque pubes Romula nobiles

Ardet per artes, SARBIEVIUM sonat;

Et sibi sæcula retrò,

Quæcumque magnis vatibus tangebant,
Seu sale lætas spargere mentes,
Seu Lesbœa lubet tendere barbita, &
Voce ciere viros, & pulchris funera in armis,
Dicere, in vno Dardana pubes,
SARBIEVIO reuocata gaudet.

Quis me tunc Italo sub Ioue poneret?
Vt magnos fremirus inter, & auspices
Clamores, aliquis tuus
Monstrarem pariter manu,
Quo Duce fontes petij Cyrihæ,
Et præcipitis iuga Parnassi,
Longè antecedentem secutus.

Daphnides lauri, quibus impediunt
Aurea Vates tempora tollit;
Thespij montes, & amica Musis
Vnda Pimplæ, volucris Bellerophontis
Vngulâ excussi latices volante,
Quorum non expalluit haustus
SARBIEVIVS, faciles colono
Fauete vestro: quosque velit iugis
Sistere Pieriis, pronos submitte colles,
Ite florentes animæque magnæ
Passibus lætis, Iuuenes, patentem
Irrumpite audaces Heliconis arcem,
Doctarumque hederas præmia frontium,
Vittasque lauri auellite postibus,
Assurgente choro Dearum.
Nunc tempus arcana Aonidum pede

378 AD SARBIEVII LYRAM

Frustrare regna, atque irrenocabilem
 Ætatis occasum, & facilem emori
 Viram, Pieridum sistere munere,
 Et diffundere in æuum
 Magni nominis Ortum.
 At nos lentæ animæ, dum super ardua
 Mentis pennigeræ vos rapit imperus,
 Et tantas Aquilæ subitis alas
 Dantis se in spatia ætheris.
 Et liquidum per inane Cæli:
 Seu molles Elegos littora ad hospira
 Fingemus patrij fortè Borysthenis,
 Arguto Iberam seu sale Bilbilim
 Prouocabimus rudes:
 Aut, si quando calor fortior incideret,
 Simplici chordas quatiemus æstro.
 Vobis, dulcia pectora,
 Seu manè Phœbus surget ab æquore,
 Seu sera lassum Doris in humido
 Componet ostro, ritè vocabimus
 In vota cælum, ne benè præpetem:
 Abrumpat mora cursum:
 Ne Ductor Ales vester in auias
 Sublatus Auras. non sine conscio
 Agmine, vel vitiis iniqui
 Laboret astri, vel supino
 Aëre deiiciat caducas
 Lentior alas.

GVILIELMI BOLMANNI è *Societate IESV*
ad MATH. CASIM. SARBI EVIVM
sacri aduersus Turcas belli hortatorem.

A Vdijmus? quæ nâ illa alto generosa canôre
Aut Martis longè sonuit chelys, aut tuba
Phœbi?

Audiimus? neque adhuc conspirat Gallia Ibero
Odrysiâs lacerare acies, atque impia Thracum
Agraina, & infandas ferro rescindere lunas?
Non arma arripiunt? non telorum ærea campis
Bistoniis latè riguit seges? at mihi dudum.
Byzanti circum turreis, & mœnia Budæ.
Circum, cannarum grando horrida ferratarum;
Et clamosa gemant tormenta, tonantiâq; æra.
Cur non Austriadumque aquilas, villosque Phi-
lipporum

Auratos, Superi! mistimque micantia cerno
Lilia? me miserum! cur non Rhenôq; Tagóque
Et Rhodano vecti vnanimis ventosa per alta,
Ostia Bistonij cœnosa irrumpimus Hebri,
Inque caput fractis curuatum cornibus amnem;
Trans Æmumque Istrumque Borystheneasque
procellas,

Sarmaticas vltra ferimus pia signa paludes?
O decus antiquum Byzanti! ô mœnia! & ô tu
Arx alta, Eoas latè regina per vbeis!
Infelix, quæ te crudeli compede vinctam.

380 AD SARBIEVII LYRAM

Eripere, atque Italæ rursus componere Romæ
 Fortunata dies poterit? quæ dextra leuare
 Seruitio? Vosque ô Solymæ, Iordaniâque arua?
 Vos sacri colles, siluæque, habitatæque Diuis
 Mœnia, diuino tellus dignata cruore!

Sed si tanta piget momenta inquirere rerum:
 Debemusne etiam fœdæ ludibria genti?
 Prô pudor! opprobrium telluris, & impia magni
 Proluies Orbis, Cælique & Numinis ira
 Dicimur, obscœniquæ canes, damnatæque turba.

Ipse ego per Scythicas acies, CASLMIRE,
 per arma,

Ipse per obstanteis arcus, per sæua Gelonûm
 Spicula, per latos enseis, per scuta, virosque,
 Viuidus, & pulchro leti inflammatus amore,
 Parte aliquâ ante alios, quæis aspera prælia cure.
 Deviæti Ditis tendens insigne cruentum.

(Dextrâ insigne, hostem læuâ morremque la-
 cessens)

Par cuneo irrumpam, par Pellææque phalangi,
 Flammiuomæ ballistæ, & fulminis acrior igne.

Eueniat! tantum cælo mihi spiritus almo
 Suppeditet, nec Musa mihi SARBIEVIA desit
 Iniectura faces animis, & nobile robur.

Non mihi, si circum, quidquid videt Æmus,
 Hebrusque

Perluit, atque Hypanis, Strymonque & inhospita Nelli

Flumina, Sithonias tendant inferre sarissas:

EPICITHARISMA. 381

(Quamuis torua micent oculi, fronsque arca:
quamuis

Ora super duplici facies stet ferrea barba,
Setarumque alæ, ingentes, rictusque iubati:
Non si Barbarico cælum fremat omne tumultu,
Nec mihi si clamor terras & verberet astra)

Ora genæve timor notet, aut præcordia tenter,
Martius interea cælo calor influat ossa,

Ingentesq; in bella animos SARBIEVIUS addar,
Et pauidum incuset Pontum, & Neptunia segni
Æquora seruitium minùs indignarier æstu:

Quod vincit Cyclades, quod mœret Achaica
Thetys :

Æthiopumque domos nigras, quæque oppida
Ganges

Præstuit, & cunctis captium Bosporon vndis:
Atque alia, Amosidæ, Solymeoque æmula Regi:
Tantum ardet, tantamque animo vim spirat ab
alto,

Tu ne pone manu citharam, CASIMIRE, nec vlla
Cura vetet maior grandeis conuellere nervos,
Et sacra in diros accendere prælia Thracas.

IACOBI V VALLII è *Societate IESV*
Ode ad Lyram SARBIEVIANAM,
sepius EVROPÆOS PRINCIPES ad
recuperandum ORIENTIS IMPERIUM
animantem.

QUæ Martiales barbitos incitat
 in arma turmas ? quos strepitus canit,
 Bellique causas ? quas coire
 Principum amicitias, & enses
 Pingues amico sanguine barbara
 In terga verti iulius imperat ?
 An rursus Alcæi minaces
 Classica personuere Musæ ?
 Sceptriq; & iræ Pittacus impotens
 Urbem insolenti seruitio premit,
 Sæuumque detrectat superbi
 Ferre iugum Mitylena regni ?
 Fallérne ? tristi Luna Othomanidûna
 Pallefcit ymbra : cornua contrahit :
 Plenumque desperavit orbem,
 Omne iubar minuenta Vate.
 Sic noctilucis pallida cornibus
 Phœbe laborat, ter, Magicis sacris,
 Spargente succos, terque Marfas
 Canidiâ recinente voces.
 Præfagus horror, quem Lyra Thracio

Incussit astro, sanguineas aquas
 Pro rore sub noctem coëgit
 Æmoniis fuitare cultis.
 Tantisne credet posteritas minis
 Natos in vsum lætitiæ modos
 Feruere, vt augusti malignâ
 Regum apices violentur umbrâ:
 Ite, ite, fortes, quò citharæ vocat
 SARBIEVIANÆ clangor amabilis,
 Ite, & triumphatis Idumes
 Ad numeros volitate campis.
 Non molle quiddam, non quod Ionicis
 Aptum choreis, auribus accinunt:
 Docent in aduersas phalangas
 Ferre pedem benè temperatum
 Ordo, Gradiui neruus, aheneas
 Stringit cateruas. Ite canentibus
 Plectris, Quirites: ordinatos
 Fila regent numerosa gressus.
 Lycurgus olim sic Lacedæmone
 Pugnæ imminentis signa dedit lyrâ:
 Et miles obseruans modorum
 Ibat ouans, placidôque veros
 Mortis timores carmine temperans,
 Promptus ruebat pro patriis focis
 Per tela, confusasque strages,
 Per cineres, per acuta belli.
 Ite, ite: sancto puluere fordidos
 Mauors coronis vestiet: hætenus

384 AD SARBIEVII LYRAM

Nilique Iordanisque ripæ
 Palmiferis viruere siluis,
 Vestrosque poscunt cædua verrices
 Palmera. Quin & barbita munere
 Vestros adornabunt labores
 Nobilibus potiore fertis.
 Accendit omnes Martia buccina
 Cantu: sed, eheu! non nisi funera,
 Vocesque supremas cadentium
 Docta sono tenuare rauco.
 At illa, quæ vos increpuit, lyra
 Benè ominato signa receptui
 Datura, vulgabit decorè
 Vulnus hians, obitasque mortes.
 Non solus olim lussit Olympicâ
 Digno palæstrâ carmine Pindarus:
 Est, qui Palæstinis subactis
 Sacra pari canat arma laude.
 Nec sola Dirce vidit Hymettiis
 Thebana tingi labra liquoribus:
 Apum Quirinarum labores
 Obstupuit Tiberinus amnis,
 Et hospitem Vistula nectare
 Madere ripam, quod sibi Romulâ
 Stipauit V R B A N V S Tiarâ
 Mellisfluos glomerante rores.
 O magne Vates, ô Heliconidum
 Mystes sororum, quem Deus incola
 Musæque, securum pericli,

Pindaricos

Pindaricos docuere nifus :

Pars quanta laudum , mella liquentibus

Stillasse libris ? pectoris alueo

Diues refundis mellis agmen ,

Nectareaque ruens procellâ

Sonora vincis flumina , quæ Notus

Spumansque Nereus auxiliaribus

Dum iuuat vndis , versa secum

Tecta trahunt , pecudésque sorbent;

Talis superbos colligis impetus ,

Altosque ripæ diruis obices

Effrænis , & fœdam Gelonis

Perniciem meditatus aruis.

I, perge , grandi mellifluos lyrâ

Deuolue fluctus. Mox vbi publicas

Implêris aures , Martis ardor

Crescet equis , equitumque turmis;

O quanta seruo restitues gregi

Emenda totis pilea sarcinis !

Quot victor innectes Latinas

Argolico populo catenas !

Io , ter io ! Si quid Apollinis

Diuina quercus : fatidicum sonat

Verosque præagit triumphos

Vaticinis lyra tacta Musis.

Dicentur olim Sarmaticæ fides

Vicisse mistas cum lituis tubas :

Crederur excantata Thracum

Luna tuo trepidasse plectro.

386 AD SARBIEVII LYRAM

GVILIELMI HESII *è Societate IESV*
ad MATH. CASIM. SARBIEVII
victricem Musam.

EMBLEMA.

Philomela inter lyræ fides mortua.

———— ANIMATA CANENTEM
EXANIMAT —————

CVM teneri Philomela comes placidissima
veris

Dulcibus Auroram sisteret illecebris :

Et modò lenta trahens veluti suspiria fieret ,

Sorberet fractas garrula mox lacrymas :

Fortè sub herbosâ recubans testudine Vates

Dicitur innocuas increpuisse fides .

Audiit has vicina canens Philomela canentes ,

Cœpit & hîc primùm displicuisse sibi .

Vt tamen auderet , cantu perstabat inani

Cominus argutam sollicitare lyram ,

Iamque susurrantum sonitus imitatur aquarum ,

Mox velut æratâ prouocat arma tubâ :

Deinde sepulchrales singultit Præfica lessos ,

Carminè concisas adnumerante preces .

Donce languida sensim & mortua suspirando

Terruit attonitam lapsa repentè lyram .

Namque fides inter iucunda pericula quærens ,

Concidit , & visa est dicere , Cedo lyræ .

EPICITHARISMA. 387

Haftenus hæc fuerit, non est modò fabula :
postquam

Huc CASIMIRE tuos detulit aura modos.
Detulit, & toto filuerunt carmina Pindo,
Mœstum nescio quid visa subinde queri.
Non equidem inuideo: nec si philomela superfit,
Emeritæ cupiam bella mouere lyræ.
Et tamen hîc aliquid tenui protrudimus aurâ,
Et tamen audebo dicere si qua via est,
Siquis in hoc Phœbi renuatur spiritus ore,
Si qua vel extremis vox agit in labiis,
Fundimus hîc: si fortè lyrâ moriamur in istâ,
Dulce mihi fuerit te modulante mori.

*Eiusdem in MATH. CASIM. SARBIEVII
Lyræ nouos in cantus ab VRBANI
VIII. Pont. Max. gentilitiis
Apibus animatam.*

EMBLEM A.

In tensis Lyræ fidibus tres Apes.

APES VITAM DANT ANIMOSQ. LYRÆ.

DAulias Aonium moriens sortita sepulchrū,
Liquerat in tensâ corpus inane lyrâ:
Mellifer in geminis exercitus aduolat alis;
Terna sed ante omnes accelerabat Apis.
Si benè perspexi, maiorâque murmura sensi,
Rustica non fuit hæc turba, forensis erat:

388 AD SARBIEVII LYRAM

Nata sub-VRBANO fuit hæc feliciter orbe,
 Et tamen externam comis amare lyram.
 Vix benè concussis volucrum trepidauerat alis,
 Et tenui impulsu mouerat aura fides,
 Iaque per incertos strepero cum murmure neruos
 Ad numerum positis ibat Apis pedibus :
 Ocyùs insonuère fides , vocémque dedère,
 Carminaque ad lyricos accinuère modos.
 Res noua (per Musas) & numquam cognita
 dixi :

Phœbeum , dixi , numen habetis apes?
 Vosque lyræ graciles , vos fila tenerima nerui
 Viuitis , & viuam cogitis esse fidem ?
 State , micate fides , apibùsque sonate secun-
 dis ,

Exsuperate meos , sæcula parua , dies ,
 Altera promerito donec Lyra credita cælo
 Obscurum terris non sinat esse P O L Y M :

IACOBI LIBENS è *Societate IESV*
Parnassus biceps Poëtis binis HORA-
 TIO & SARBIEVIO.

Fortè leuem viridi captabam cespite som-
 num ,
 Quem facilem ventus lenis & vmbra dabant,
 Cùm mihi Apollineis visus consistere campis,
 Hic vbi bina sacris fons iuga lambit aquis.

EPICITHARISMA. 389

Culmine sublimis cantabat HORATIUS vno,

Colle nec opposito qui resideret erat.

O ego ! Calliope votum sed inutile risit :

Est meritis sedes celsior illa tuis.

Serpe humilis , tenuésque elegos inglorius
imo

Pangere turbam inter sub pede montis ama.

Ille meus læto respectans signat oculo

Lauricomum serpto luxuriante caput :

Ibat ouans celso , quisquis fuit ille , cothurno ,

Iámque Venusino multa timendus erat :

Ille meus superis Vates caput inferet astris ,

Déque duobus apex qui vacat huius apex.

Dixit. At ille celer superato colle parabat

Dulce locuturas sollicitare fides.

Et iam plectra mouens vocat in certamen Ho-
noris

Fila Venusinæ non superanda lyræ.

Audieras ; numeros neque spernere visus , HO-
RATI ,

Nobiliore animas æmula plectra sono.

Sic mediis certans philomela reciproca filuis

Ardet inexhaustum deproperare melos.

Laudis amor stimulabat , & artis conscia vir-
tus ,

Quæque aderat pressis turba nouena labris.

Arbiter ipse animos Phœbus tacito ore mi-
nistans

Alternum purâ combibit arte melos,

390 AD SARB. LYR. EPICITH.

Hic tonat Actiacos numero maiore triumphos :
Ille per audacis signa BOHEMA Ducis ,
Per FERNANDEAS acies , Aquilasque
perennes

AVSTRIADVM , numero bellisonante
volat.

Alter & alter agros, silvas canit alter & alter :

Hic citò muratis blandus , & ille , modis.

Arte pari teneros canit alter & alter amores ,

Arte pares ambo , non & amore pares.

Flamma duellantes animos vorat æmula neuter ,

Quo dici possit nomine Victor , habet.

Donec colle pari geminos , in honore locauit

Pro paribus meritis Phœbus vtrumque pari.

Quàm benè diuisi geminata cacumina montis !

Signarunt Vates scilicet illa duos.

Sic erat in fatis , annos quandoque daturus

Par Vatum paribus nobile verticibus.


Olim hoc fatidicus præuiderat augur Apollo ,

Hinc gemino montem duxit in astra iugo.

FINIS:

Cy-Rof

2 f



CASSIMERI
LYRICORV